

Luk

Wẹi tópuratere whi Jon deyaalopóló yale fo

¹ Kótóné eraalopóló muló betere fo da tuapaae mo eró betepa, mepaae whiné kolóló aseyalepó.

² Ai whirape atima kọleaané asẹni, yale alarape mo kelale whirapené deté wale fotóró yó maté wou betalepó. Ai whirapeta, kale fo wisi kae fotamo hoseké eraq́sóró hotowayóló kaae taru, yó mótu betalepó.

³⁻⁴ Mepaae whirapené deté wale fo aseyale kaae, mió ɣalokélé ai fo wisiyóló taleyóló betemó kaae sóró, mo donotóró aseyaaí kisipa mutapó. Doa whi Tiopilus-ó, take mepaae whirapené ɣapaae yó melale fota, mo erapóló naao diriyóló tué yaasepóló, ɣalo i asẹtere ape.

⁵ Kale Judia hae kwia tẹteróló kaae tare topo whi Herot betale alimó etéyalepó. So whimó Talepaae momaratere whi betá beterepó. Ai whita, Lipai faketei, Abaijané deté wale whi Sekaraiapó. Ama soma Elisabet-ta, momaratere topo whi Eron-né deté wale sopó.

⁶ Kótóné keletómó atimaamo mo donoi soró whitamó bitu, Kótóné yóló muló betere fo aq́mó sukóló, ama erae dere ala betá eraté fu betalepó.

⁷ Atéretei, kale so Elisabet atimaamo naale senaalekélé mei, ni daayóló betepa, sokélé sere yóo, whikélé otere yóo yalepó.

⁸ Atéro betere tuamó Abaija fake whirapené so whimó momarópóló, tukóló muló betere be demó Sekaraiaró ama fake whitamóné momatere be

kaae tarepó. Atéru, Sekaraia ʔ so whīmó momarótu betalemó etéyalepó.

⁹ So whīmó momaratere whīrape atima mara mole ala sya furaalu, atimané doi mole ni fakerape fesekéé deralemó, Sekaraiané doi mole ni fake dono fetée horóló muni dorowalepó. Atétepa, ʔ kale momatere be tuʔpaae fóló, felé kɛlaa wale fetera kaae ʔla si keletómó biliyóópóló, atimané ʔ sóró beteralépó.

¹⁰ Atéró, kale felé kɛlaa wale fetera kaae ʔla simó sukɔlaa dalatere sukamó ʔ momatere be dolopaae fóló, simó terepetu betalepó. Atétu betepa, mepaae momayaai wale so whī atima belamó kaae taru momatu betalepó.

¹¹ Até du betepa, Talené dotonale *ensel* wóló, kale felé kɛlaa wale ʔla bilitere tiki turu naase dɛró daapa kelalepó.

¹² Ai *ensel* sókó walemó, Sekaraia kilita sókó furaalu, mo winé sukutu betalepó.

¹³ Tétepa, kale *ensel*-né ʔpaae duraalu, “Sekaraia-ó, yʔ wiyaqse, naao du betale moma Talené wosalepó. Naao so Elisabet naale deyaalo ai ape. Téyaalopa, ama doi Jon mulae.

¹⁴ Ai naale detere kilituraalu, yʔ doasi haɲiné sukó, mo so whīkélé ai naale kilituraalu, haɲiné sukó yóló Talepaae mo kée du betaalo ai ape.

¹⁵ Ti noatepae, Talené keletómó ʔ mo doasi whī betaalópó. ʔ doayóló bitukélé, *wain* wɛiró topo doyóló keyaa fole wɛitamo naalomeipó. ʔ hamané depemó betepatei, kale Dɛi Kepe Wisi ʔ tuʔmó fʔayóló mo sɛró betaalópó.

¹⁶ Atéru, take kópaae fu betere Israel fake so whī atima tɛtéróló kaae tare Kótó aɔmó beterópóló, ai

naalené momó dapesó waalo ai ape.

¹⁷ Tale wópóló folosóró api wouraalu, ama yaaire alata, take betale whi Iaija a keperó fotokotamo faanuraalu du betale ala kaae, ai seké a tuamókélé até yaalopó. Ai naale doayóló bitu, alimaraperó naale senaaletamopaae momó hosaa muópóló, atima tué tiki feteraalo ai ape. Atéturaalu, mepaae Kótóné fo woseni dowaae fu betere so whi Kótóné donoi ala tuamó wisi kisi-patamo beterópóló eraalopó. Atéturaalu, so whi fea Tale beterepaae faaire ala amatei, donoróló beteraalo ai ape,” yalepó.

¹⁸ Atéro Sekaraiané *ensel*-paae duraalu, “Atei ala mo eraalopóló yalo noayóló kisipa yaaloé? Ti e otere yóo, yalo sokélé sere yóo, erapó,” yalepó.

¹⁹ Tétepa, kale *ensel*-né apaae duraalu, “Eta Kótóné keletómó daalu i ala yae depa du betere *ensel* Kebriel-pó. Mió i dere fo wisi yalo yapaae yó melópóló, ama e ya beterepaae dotonatepa wóló yatamo fo i du betere ape.

²⁰ Mió yalo i dere fo wosóló kisipa tiki tiréni depa, ti naao fo aluyaalo ai ape. Ya atépatei bitiré fóló, mió i dere fo dokonóló eratere sukamó ti naao fo momó yaalo ai ape,” yalepó.

²¹ Téro, Sekaraia momatere be dolopaae holóló betepa, belamó a kaae tawóló betó mole so whiné duraalu, “A mo taketi holaleteti, diki du betere-a, noakó su bitu dérópó,” du betalepó.

²² Téro kale whi a belapaae dorowóló atimapaee fo yaairetei suni, ama fo alureteiné naasené maaté du betepa, so whiné etei kisipa mualepó. Be tuamó Talené me alakó apaae nokené dere ala kaae eratepa kilitu yalepó du betalepó.

²³ Atéró, momatere be tuámó kutó diyópóló dale mulale be de kemetepa, ama bepaae felepó.

²⁴ Ai alarape yale kílípaae ama soma Elisabet naale yalepó. Atétepa, kale so ą kelaqsóró ama bemó kinóló betepatei, wélié aporó kemeyalepó.

²⁵ Ȧ atéró bitu duraalu “Take ę ni daapa so whi feané faletu betaleteti, mió i be demó Talené ępaae erale wisi alané so whi feané keletómó yalo hale kemeralepó,” yalepó.

Yesu deyaalopóló yale fo

²⁶ Téró, kale so ą naale yóló betepa, apomi wélié tuámó Kótóné ama *ensel* Kebriel, Kaleli haemó tene Nasaret be huluapaae dotęyalepó.

²⁷ Atéró, kale *ensel* Kebriel betą so seimale Maria beterepaae felepó. Ai sota, Depit fake whikó Josep-né dokaairaaalu tukóló beteró beterepó.

²⁸ Téró, kale *ensel* ą beterepaae fóló duraalu, “Talené hekesere so seimale-ó, Tale yątamo ai betere ape,” yalepó.

²⁹ Atei fo Mariané woseturaalu, etei kaae kőleó dere fo-a, noa betené dérópóló ą kisipa teketu betalepó.

³⁰ Até du betepa, kale *ensel*-né ąpaae duraalu, “Maria-ó, Kótóné ama yą mo wisiyóló kolóló hosaa mutu, ąpaae wisi ala eraai dapa, wiyaąse.

³¹ Yąta, naale yaalo ai ape. Ai naale detepa, ama doi Yesu mulae.

³² Ȧ doasi topo whi betepa kilituraalu, so whi feané mo ó taoró betere Kótóné Naalemapó du betaalo ai ape. Ai naaleta, take ama noumatere Depit bitu yale kaae, so whi fea teteróló kaae tanópóló, Kótóné amatei ą doasi whi sóró beteraalo ai ape.

33 Aṭa topo whi bituraalu, Jekop-né firale fak-erape teteroló kaae tare ala kemekélé ini, hāle yótóró tawaalopó,” yalepó.

34 Tétēpa, Mariané *ensel*-paae duraalu, “Eṭa, whitamokélé konipa, ai ala neyóló yaaloé?” yalepó.

35 Ai fo depa, *ensel*-né apaae tokó mótu duraalu, “Kale Deṭi Kepe Wisi ya tuapaae biṭi waalopó. Téturaalu, mo ó taoró betere Kótóné fotokóné ya teteroló husuró betaalo ai ape. Ai deyaaire naaleta, me dowi alakélé muni, mo kae naale detepa so whi feané kilitu, ita Kótóné Naalemapó fo yaalo ai ape.

36 Aita ya maaté mei, naao kekelé so Elisabet-kélé seretei naale erapó. Upulé a ni daapa mēpaae so whiné atei serené naale deyaalomeipó dua yaletēi, mió a naale epa, apomiró wélié kemeyalepó.

37 Ti fea ala fea Kótóné sūmó enénipóló de?” yalepó.

38 Ai fo depa, Mariané apaae duraalu, “Ti eṭa Kótóné ama kutó diratere so beterapa, naao yale fotóró ama epaae erópóló yae,” yalepó. Téró, kale *ensel* felepó.

Maria a Elisabet kēle fele fo

39 Atéyale be demótóró, Maria a ọla ọla hapale sisóló ai be hulua taaróló, Judia du sorokó mole haemó tēne be huluapaae felepó.

40 Atéró, kale so a Sekaraiaró somatamo betere be dolopaae fóló, Elisabet-paae duraalu, “Fapa kōléó,” yóló apualepó.

⁴¹ Mariané Elisabet-paae ai dere fo woseturaalu, Elisabet-né depemó betere naale toróyó holalepó. Atéturaalu, Dèi Kepe Wisi ă tuamó faayóló sùralepó.

⁴² Atéru Elisabet-né fo fakeyóló duraalu, “Sorape fea betó mupatei, yă betă Tale Kótóné mo wisiró beterapó. Atéturaalu, naao deyaaire naalekélé ama mo wisiró beterapó.

⁴³ Ẽ mé so wisi betepa, ẽ teteróló kaae tare Talené hama naao ẽ kele waleé?

⁴⁴ Naao kôleó dere fo woseturaalu, yălo depemó betere naalekélé hêkesené sukutu toróyó holalepó.

⁴⁵ Kótóné yapaae eraalopó yale fo wosóló, naao kisipa tiki tiralemó yă wisiró betepa, mióta yă hêkesené sukăe,” yalepó.

Mariané Kótóné doi hale horótu yale wole fo

⁴⁶ Téró, Mariané duraalu,
“Yălo hosaa tuamó Talené doi hale sóró horatapó.

⁴⁷ Yălo hosaa turónékélé ẽ aluyaqsóró tao sale Kótópaae mo kée yóló hajné sukutapó.

⁴⁸ Ti ęta, kutó diratere doi muni sókótei so betepatei, ama ẽ wisiyóló tao salepó.

Mió i be demó kaae sóró bitiré faaire so whi feané ẽ kilituraalu, ita Kótóné wisiró betere sopó yaalo ai ape.

⁴⁹ Ti noatepae, mo doa fotokô bole Tale Kótóné ẽmó mo doakale ala eralepó.

Ama doi mo kae muluraalu, dowi ala mo betăkélé munire Talepó.

⁵⁰ Mepaae so whi de Kótópaae winé sukóló ă aqmó dua betepa, ama kôlené sukutere ala mió

i alimó betere so wh̄ipaaekélé, take bitiré faaire so wh̄ipaaekélé, h̄ale yó tarapó.

⁵¹ Ama doasi bole fotokóné mepaae doasi alarape eralepó.

Atéturaalu, mepaae wh̄i de atima kisipanétei duraalu, ‘Èta mo doasi seké wh̄i beterapóló,’ bopé faketu betale wh̄irape dapo dapo yóló fópóló, hókó faralepó.

⁵² Mepaae t̄eteróló kaae tare doasi topo wh̄irapené kaae tare alarape ama kemeróló, haepaae só deróo, mepaae naameyóló sókótei betere so wh̄i ama sikipaae horóo, yalepó.

⁵³ Mepaae wotené sukutere wh̄irape ama ọla wisi melóló hairóo, mepaae ọla ọla dekéró mole néli so wh̄i h̄ale fópóló dotonóo, dua yalepó.

⁵⁴ Ama kutó diratere Israel fake wh̄irape kisipa keteréni, k̄olené sukuturaalu, atima tao sere ala h̄ale yó tarapó.

⁵⁵ Talené Abraham-ró ama deté faaire naaletamopaae wisi ala eraalopó yóló mulale fo keteréni, d̄ané ayarapepaaekélé eralepó.

Atéyale kaae, mió i alimó d̄apaaekélé ama k̄olené sukutere ala h̄ale yó tarapó,” yalepó.

⁵⁶ Téró, wélié soremó Maria ̄ Elisabet-tamo beteró, nalo ama bepaae fesaae felepó.

W̄ei tópuratere wh̄i Jon deyale fo

⁵⁷ Téró etéyalepó. Kale so Elisabet ̄ naale saaitere be d̄emó ama naale dealepó.

⁵⁸ Tale Kótóné doasi k̄olené sukuturaalu, ̄paae erale alamó Talepaae mo kée yóló doasi h̄ekese yalepó. Atétepa, ama be wh̄i so wh̄iró kekelé so

whitamokélé ama dere hekese kaaetóro du betalepó.

⁵⁹ Até ró kale so naale sóró beteró, bokó wale be demó ama tiki sekaş tukóló siriróo, kale naalené doikélé alima Sekaraiané doi yakoróo yaai, ama fake so whi walepó.

⁶⁰ Até yaaitepa, ama hama Elisabet-né duraalu, “Meipó. Ama doita, Jon mulaai dapó,” yalepó.

⁶¹ Ai fo depa, atimané  paae duraalu, “Y  fake whik  mo bet k l  atei doi munip ,” yalep .

⁶² Ti fo depa, atiman  alimapa e naasen  maat  y l  duraalu, “Naao kisipan    de doi mulaalo ?” yalep .

⁶³ T tepa, ama atimapa e naasen  maat  y l  duraalu, a terere s ku s r  ape depa, s r  walep . At r , ai kale s r  wale  la t m  Jon doi a  yalep . Ai doi a terere kilituraalu, so whi fean  hai  y l , sirayalep .

⁶⁴ At  yaletamot r  Sekaraia   fo aluretei mom  duraalu, K t n  doi hale s r  horalep .

⁶⁵ Atimaamon  be felekem  bet  mole so whin  at terere ala kilitu, me ala kae dap l  win  sinalep . Du sorok  mole Judia hae kwiam  bet  mole so whi feapa e i ala yalep l  det  kw y l  fak-eralep .

⁶⁶ Mepaae i fo wosale so whin  “I naaleta, Tale K t n  mo doasi fotok  bete   tu m  mupa kilitu, take doay l    noa kaae whi betaalor p ,” du betalep .

Sekaraian  yale wole fo

67-68 Kale naale Jon-né alima Sekaraia Dêi Kepe Wisiné fotokoratepa, Kótóné ăpaae yae depa mo so whĭpaae duraalu,

“Dăné Talené doi hale sóró horaalopó. Israel fake so whĭ tĕteróló kaae tare Kótópaae mo kée du betae.

Ti noatepae, dă ama so whĭpóló dupuró beter-apó.

69 Ama kutó diratere whĭ Depit-né firale fake tuămó Kótóné whĭ betă sóró beteró beter-apó.

Ai sekĕné ama fotokŏné dă i hae so whĭ aluyaŏsóró tao saalopó.

70 Ti mo take Kótóné ama kae beteró betere kŏló whĭrapené yale fo mo dokonóturaalu yalepó.

71 Dă bŏe whĭ kuamó betepa, ama tao saalopó. Tĕturaalu, mepaae whĭné dowi kisipa muóló dătamo bŏe dupa, ama fotokŏné sesé yaalopó.

72 Dăné ayarape ama kisipa keteréni, kŏlené suku-turaalu mió dă tao saaire whĭ dotonaalopó.

73 Ti aita hale mei, Kótóné dăné aya Abraham-paae i ala eraalopóló mo dirii fo yóló muló bettereteinépó.

74 Take ai yóló muló betere fo dokonóturaalu, bŏe whĭrapené dă dóló tĕteraŏsóró, tao sóró beteró beterapó.

Atérené mió dă wikélé ini, halaainé Kótóné kutó betă dirótu betenérápó.

75 Ti betere dokŏ fea dă ama keletómó ama kae ere alaró mo donoi alatamo tuămótóró betó tawaalopó.

⁷⁶ Yáta, yało naalepó. Take nalopaae so whị feané ya kilituraalu, mo taoró betere Kótóné ama kóló whịpó yaalopó.

Ti Tale waaipa yaپی folosóró wouraalu, ą waaire tų donoraē yaaire whị betaalopó.

⁷⁷ Téturaalu, Kótóné ama so whinė dowi alamó melaaire kwia aluróló tao saaire ala naao atimapaae yó melaalo ai ape.

⁷⁸ Ti Kótóné kọle dere ala ama hosaa tuámó ẹaneteiné ai ala eraalopó.

Ti atéyaaire alata, hịka teó sokotere suka ẹané tikimó felétu dere kaae, Kótóné ama hepen-mó ere ẹẹ ẹẹ betere tuapaae eraalopó.

⁷⁹ Ti aita, noa yaai mei, mepaae diliki tuámó betó mole so whịró mó felekemó sukai du betere so whịtamo Kótóné hosaa muni deyóló dua betere ala tuapaae bitị fópóló, ai ẹéné yó melaalopó,” yalepó.

⁸⁰ Atéró, kale naale ą doaturaalu, ama kepe tuapaaekélé doasi fotokọ bualepó. Atéru, ą Israel so whị beterepaae hakearóló sókó waairaalu, so whị bitini hẹle wópu tikimó bitiré felepó.

2

Yesu deale fo (Mat 1:18-25)

¹ Ai alarape du betale tuámó etéyalepó. Rom Gavman topo whị Sisa Akastus-né i hae kwiamó betó mole so whị doi siré kweyae yóló mulalepó.

² Atéró so whị doi saleteita, Siria hae kwia Kwirinius-né tẹteróló kaae tapa, folosóró kaae sutóró yalepó.

³ Atétepa, kale so whi mo fea doi sópóló, atimané turuku be séle sélepaae felepó.

⁴ Atétepa, Josep a Depit-né deté wale whi ereteiné Kaleli hae kwiamó tene Nasaret be taaróló, Judia haemó tene Depit-né be hulua Betelehem-paae felepó.

⁵ Ama dokaai tukóló beteró betere so Maria naale epa, atimaamoné doikélé mulaai felepó.

⁶ Atéro fóló, atimaamo ai bemó betepa, kale so naale saaire be de sókó walepó.

⁷ Ai be demó kale soné ama topo naale deyalepó. Atéro, kale naale kutiné bope yóló hupurape ɔla melótua dere ni fakené aleyale nuku tómó beleró beterepó. Ti noatepae, uké wale so whiné fitere be faaneteiné yalepó.

Ensel-rapené sipsip hupu kaae tare whirapepaae yale fo

⁸ Téro etéyalepó. Ai hae kwiamó mepaae *sipsip* hupu kaae tare whirape ai be hulua taaróló, ne yó molepaae fóló, dikitamo atima hupurape kaae tawóló betó molepó.

⁹ Atéro beteremó, Talené *ensel* betá atima betere tikimó sókó wouraalu, Talené ama ere doasi dené atima betere tikikélé deyó felepó. Atéteremó atima fea winé sukutu betalepó.

¹⁰ Atétepa, kale *ensel*-né atimapaee duraalu, “Diá wiyaose, ɛta i hae kwia feamó betó mole so whiné wosóló doasi hainé sukaire fo wisinaale ene walepó.

¹¹ Diá i haemó betó mole so whi aluyaosóró, tao saaire whi mió i be demó Depit-né be huluamó ai

deyale ape. Ata, Kótóné so whi fea teteróló kaae tanópóló, sóró beteró betere Kerisopó.

¹² Diā fóló kelenalemó, miótóró deale naale kutiné bopeyóló hupurape ɔla melótua dere ni fak-ené aleale ɔla tómó beleró betepa kilituraalu, ita kale bope yale naale hītipó yaalo ai ape,” yalepó.

¹³⁻¹⁴ Atéró, mo tétitóró kale *ensel* betā daalepaae ó hepen bemó betó mole *ensel*-rape mo hāle ɔla kaae dorowóló daae mulu, Kótóné doi hale sóró horótu duraalu,

“Mo taoró betere Kótóné doasi mole doi hale sóró horae.

Kótóné ama tuéné wisi ala eraaitere so whīpaae hosaa muni deyóló mo dua betere ala erópóló yae,” yalepó.

¹⁵ Kale *sipsip* hupu kaae tare whīrape betó mu-patei taaróló, *ensel*-rape hepen-paae fesaae holalepó. Atétepa, kale whīrape atimasisi duraalu, “Talené ɔpaae yó melale ala kelaai, Betelehem be huluapaae faalopa fiépe,” yalepó.

¹⁶ Atéró, atima hapale fóló Mariaró Josep-tamo betóo, kale naalekélé hupurape ɔla melótua dere ɔla tómó firóo, epa kelalepó.

¹⁷ Atimané kale naale kolóló *ensel*-rapené atimapaae yale fo so whi feapaae deté kwéyóló fakeralepó.

¹⁸ Ai fo depa wosale so whi feané ita, noa kaae fo yalerópóló, sirayóló tué teketu betalepó.

¹⁹ Até du betepatei, Mariané ai dere fo wosóló, ama hosaamó muló bitu kisipa hāle yó tarepó.

²⁰ Téró, kale *sipsip* hupurape kaae tare whīrape atima bepaae fesaae furaalu, kale *ensel*-rapené atimapaae i ala epa kelaalo ai ape, yale ala motóró

epa kelaletiné Kótóné doi hale sóró horaté fu betalepó.

Yesu momatere bepaae yó male fele fo

²¹ Atéró kale naale sóró bitiré fóló, bokó wale be demó ama tiki siriróló Yesu doi mulalepó. Aita kale so naale yaaipatei, *ensel*-né mulae yale doipó.

²² Moses-né ašemó soné naale sale tiki Talené keletómó wisiyópóló, kaae tawae ere be dę keme-tepa, Josep-ró Mariatamo kale naale Talepaae melaai dapóló, Jerusalem bepaae dapesó felepó.

²³ Aita hãle meipó. Talené fo tuãmó “Topo naale Talepaae melae,” ere fo sya furaalu yalepó.

²⁴ Téró, me ere fo i ape. “Betã soné naale senaale detepa, kale soné naale ditu yale ala Tal-ené wisirópóló, ba hókósere tamo ó sukusi tamo Talemó melae,” ere fo sya furaalu atéyalepó.

²⁵ Até yale sukamó, Jerusalem bemó whi betanéné doi Simeon beterepó. Ata, mo donoyóló bituraalu, Kótóné ala betã erótu betale whipó. Atéró, kale Israel fake so whi dowi sekęi ala tuãmó betepa, tao saaire whi wópóló, kale Dęi Kepe Wisi atamo betãmó beterepó.

²⁶ Apaae kale Dęi Kepe Wisiné etei fo yóló munélipakalepó. Yã hapale sukuni, Talené sóró beteró betere whi Keriso kolóló sukãalo ai ape.

²⁷ Atéyale sukamó, Simeon otere Dęi Kepe Wisiné fotokoratepa, momatere be tuapaae fóló beterepó. Atéró beteremó, kale yóló muló betere foné yae ere ala yaairaalu, hamaró alimatamoné Yesu apuóló momatere bepaae sókó walepó.

28 Atéró wapa, kale Simeon oterené kale naale tao sóró ama naase tómó beleróló, Kótóné doi hale sóró horótu duraalu,

29 “Qla qla fea teteróló kaae tare Tale-ó, naao kale yóló mulale fo mió mo dokonatereteiné naao kutó diratere whi sukutepa, hosaa muni deyóló dua fópóló yae.

30-31 Ti noatepae, naao so whi aluyaqsóró, tao saaire ala so whi feané keletómó donoróló muló betepa mió yalo i keletere ape.

32 Ai dené Juda mei, kae fake so whi tuapaae Kótóné ere ala hakearatepa kolóló tué yóo, Israel fake so whikélé doasi doi sóo, yaalopó,” yalepó.

33 Téró, kale naale hamaró alimatamoné Simeon oterené yale fo wosóló, haió i yale fo-a, noa betené yalerópóló siratu betalepó.

34 Kale Simeon oterené atima wisiratere fo yóló, hama Mariapaae duraalu, “I naalenéta, Israel fake so whi fea haepaae só deróo, mepaae so whi tao sóró sikipaae horóo, yaalopó. Atétere ala kilituraalu, Kótóné hiróló mole ala so whi feapaae hakearóló yó matepa, mepaae so whiné ai dere fo wosaalomeipóló, ą só deraalo ai ape.

35 Atétere alané mepaae so whiné hosaa tuámó mole tué tiki hakeamó mulaalopó. Atéteremó, sepake kwia kaaené naao hosaamó deyaalo ai ape,” yalepó.

36-37 Aimó Kótóné ama betą kóló so wulia Aser fakekó Fanuel-né senaalema Anakélé beterepó. Ama whitamó dokóló betepa weikeró ba fo kemeyóló, oma sukutepa wulia bitu kemeyale ba fotamo touróturaalu 84 ba fo biti serepó. Atéró

Kótópaae kisipa tiró bitu, momatere be taaréni, dikitamokélé, dɛtamokélé, moma dere ala haɓe yó tarepó. Atéru, ɔ ɔla weyóló bitu, moma dere ala betɔ dua yalepó.

³⁸ Téró ai fapotóró kale so Ana atima beterepaae sókó wóló Kótópaae mo kée yóló, Jerusalem bemó betó mole so whi aluyaqsóró dupuróló tao saaire whi wópóló kaae tare so whipaae kale naale i ape yóló yó mótu betalepó.

³⁹ Atéro, Josep-ró Mariatamoné Talené yae yóló muló betere alarape yóló kemetepa, Kaleli haemó tene atimané diri Nasaret be huluapaae momó fesaee felepó.

⁴⁰ Kale naale ɔ doaturaalu, mo doasi fotokɔ buó, tuɛ tiki dotoróɛ fóló fosó fosó yóo, Kótóné ɔpaae hosaa muóló yaala sókó fío erapó.

Yesu ɔ teó naale belekɔamale, momatere bemó betere fo

⁴¹ Téró etéyalepó. Kale bosenée fele be dɛ sókó wapa ɔla deteremó, ama hamaró alimatamo ba fo dokɔ fea Jerusalem be huluapaae fua yalepó.

⁴² Kale naale doayóló 12 ba fomó betepa, atima dua dere kaae, ɔla detere sukamó atimaamo Jerusalem be huluapaae holalepó.

⁴³ Kale bosenée fele be demó ɔla detere ali kemetepa, ama hamaró alimatamo bepaae fesaee furaalu, kale naale Yesu Jerusalem bemó betepatei, fole so whitamó fele nisyóló atimaamo felepó.

⁴⁴ Téró kale soró whitamóné kisipané so whitamó fole nisyóló atimaamokélé fu betepa, be dɛ betɔ kemeyalepó. Atéro fóló kale naale

atimaamoné fake so whiró fulumu whirapetamo betere tikimó kekālepó.

⁴⁵ Até yalemó bitinipa, kekāai Jerusalem be huluapaae momó fesaae felepó.

⁴⁶ Atéró kekitu betepa, be de sore hāle kemeyóló nalo kale momatere be bopére tipi tuamó betepa kelalepó. Atéru, mepaae Juda yó matere whirapené dere fo wosóo, mepaae wosetere forapekélé yóo du betalepó.

⁴⁷ Kale naale atéró kisipa fosó fosóru atimané apaae wosetere fo mo donotóró tokó matepa woseturaalu, whirape feané siratu betalepó.

⁴⁸ Atétere ala hamaró alimatamoné kilitu, atimaamo kilita sókó fóló hamané apaae duraalu, “Ti naale-ó, ayanaao damo ya whaalia depa kekāle supa, noatepa atei kaae ala yaleé?” yalepó.

⁴⁹ Ti fo depa, atimaamopaae duraalu, “Yālo ayané ę beterópóló ere bemó fóló beteretei di-aamo tuę iniru ę kekenapó,” yalepó.

⁵⁰ Ama ai yale fo bete atimaamoné diriyóló wosóló kisipa sinipó.

⁵¹ Téró, kale naale ama hama alimatamo Nasaret be huluapaae fóló, atimaamoné dere fo betā wosóló aqmó sukóló beterepó. Téruraalu, Yesuné ama yale fo fea hamané kisipa keteréni, ama hosaamó muló beterepó.

⁵² Téró, Yesu ą teó doatutei kisipa tiki dotoróę fóló, fosó fosói naale wisi doatepa Kótónékélé, mo so whinėkélé, hęsekeyóló apaae hosaa mualepó.

*Wẹi tópuratere whi Jon-né yó male fo
(Mat 3:1-12, Mak 1:2-8, Jon 1:19-28)*

¹ Taiperius Sisa 15 ba fo tuámó ẹ topo whi bituraalu, Rom hae kwia mo fea ama tẹteróló kaae tarepó. Atéyale sukamó, Pontias Pailat ẹkélé doasi *Gavman* topo whi bitu, Judia hae kwia tẹteróló kaae tawóo, Herot ẹkélé doasi topo whi bituraalu, Kaleli hae kwia tẹteróló kaae tawóo, ama noma Filip-né Ituraea hae kwiaró Trakonaitis hae kwiatamo tẹteróló kaae tawóo, Lisanias ẹ doasi topo whi bitu, Abilene hae kwia tẹteróló kaae tawóo, erepó.

² Anas-ró Kaiapas-tamo Kótópaae momaratere doasi topo whi betere sukamó, Sekaraiané naalema Jon whi bitini wópu mole tikimó betepa, Kótóné fo ẹ tuápaae sókó walepó.

³ Atéró, Jon ẹ Jordan wẹi fole hae kwiamó tẹ mole be hulua dokópaae fóló, fo yó mótu be-talepó. Atéró, Kótóné fo yó mótu duraalu, “Diaaọ du betere dowi ala taaróló, Kótópaae kisipa tiki feteyóló ape. Atétepa, yalo diẹ wẹi tóparaalo ai ape. Diaaọ dowi alamó saaire kwia Kótóné me ọla meipóló, hẹle kemeraalo ai ape,” deté kutu betalepó.

⁴ Mo take betale Kótóné ama kóló whi Aisaiané aseýóló muló betere fo mo donotóróti yalepó. Ai fo i ape.

“Whi betẹ hẹle wópu mole tikimó bitu fo fakeyóló duraalu,

“Tale waaire tẹ aleyae, ẹ waaire tẹ donorae.

⁵ Tukwẹ derepale tiki, hae mulóló wisirae.

Doasi hasi uluró du sokoreteitamo dukýýóló mulurae.

Wẹ wẹre tųkélé, mo donoyóló aleyae.

Kapo ó hapisaa muóló dore tų dukųyóló taae faróló wisirae.

⁶ Até depa, ti Kótóné so whị fea aluyaqsóró tao saaire ala wisi so whị mo feané kelaalo ai ape,' ” yalepó.

⁷ So whị mo fea Jon-né wẹi tópurópóló ą beterepaae wua depa, atimapaae duraalu, “Diaaą dere alata, wuliné tų kotere kaae dapó. Kótóné diątamo fopaae butu taleyaqsóró, mopaae botokó faai de?

⁸ Dią dowi ala taaróló kisipa feteyóló tų wisipaae fulapó du betere fo, hąkeamó motóró du betae. Ti noatepae, Abraham-ta diaaą ayapó du betere fomó yąło diąpaae i dere ape. I muó mole kapo fakerape Kótóné whị aleyóló, Abraham-né naale senaale beteranérápó.

⁹ Talené kąwei ni bete dokọ taketi muló beterapó. Mepaae ninétamo du wisi olenitepa, ti ai nįrape fea diyóló sipaae taae deraai Talené ama tọ ai ni betemó bukó tarapó.” yalepó.

¹⁰ Ai fo depa so whị feané ąpaae duraalu, “Ti dąné noa alakó yaaloé?” yalepó.

¹¹ Ti fo depa Jon-né atimapaae duraalu, “Me whị dené kuti tamo deró betepa, me kuti sokóló yąyąre whị melae. Whị me dené ọla hųyóló mupa, ti aikélé betą kaae alatóró yae,” yalepó.

¹² Mepaae *takis moni* siré kotere whịrape atimakélé wẹi tópuaii dapóló wóló ąpaae wosetu-raalu, “Yó matere whị-ó, dą noa alakó yaaloé?” yalepó.

¹³ Tétepa, ama atimapaae duraalu, “Diaaḡ *takis moni* siré kutu, bosenóló sini, sae yale sūtóró sae,” yalepó.

¹⁴ Ti fo depa, mepaae diki tare whirape wóló Ɂpaae woseturaalu, “Da noa ala yaaloé?” depa ama duraalu whiné *moni* saai, so whi teteréli fo yóló ó dilikóló saḡse. Naao *Gavman*-né diɁ matere *moni*-tóró tawóló betae. I sɁ meipóló, dokó dokó yaḡse,” yalepó.

¹⁵ So whi feané Jon kilituraalu, i seké Kótóné sóró beteró betere whi Keriso du yalepóló, tué tekitu betalepó. Ti noatepae, atima Keriso mo kelaai kisipa mutu betaletinépó.

¹⁶ Até du betepa, Jon-né atimapaae tokó mótu duraalu, “Yalota, diɁ wéi maaté tópuratapó. Téteretei, mo doa seké whi betɁ waalo ai ape. Aṭa ɛ kaae meipó. Ẽ Ɂ aḡmó naale beleḡaamale kaae betereteiné yalo ama hó be dokore képi teraayaairetei mo sɁnipó. Amata, kale Deṭ Kepe Wisiró sitamoné diɁ wéi tóparaalo ai ape.

¹⁷ Ama naasené *whit* betɁpaae eróló kane fake kaae ɔla tómó mulóló, fumi beséné só fópóló epeyóló horatere ɔla tarapó. Tétu, mo *whit*-ta betɁpaae eróló mulótu beterapó. *Whit* fumita, mo sukókéle feni haḡe dó tare sipaae taae deraalopó,” yalepó.

¹⁸ Atéró, Jon-né kale mió wosetere kisi fo wisi so whi feapaae yó melóturaalu, so whiné kisipa tiki feteraaire forapekélé, yó melótu betalepó.

¹⁹ Tétu betaletei, kale doasi *Gavman* topo whi Herot-né noma Filip-né sotei Ɂ dokóo, mepaae kae kae dowi alarape yóo, du betalepó. Até du betepa,

Jon-né Herot-paae atei alarape taalae yóló, foné salepó.

²⁰ Herot-né take yale alarape tómó, me i alakélé yalepó. Kale Jon *dipula* beteralepó.

Jon-né Yesu wẹi tópurale foró Yesu deté yale whirapené doirape

(Mat 3:13-17, Mak 1:9-11)

²¹ Atéyale sukamó, Jon-né so whi fea wẹi tópuróturaalu, Yesukélé wẹi tópuralepó. Atéro ẹ momatu beteremó, ó hepen be tụ tukwẹ fóló molepó.

²² Atépa, kale Dẹi Kepe Wisi ba hókósere kaae Yesuné tikimó biṭi dorowalepó. Até deretamo, hepen beró fo fakeyóló duraalu, “Yáta, yálo Naalepó. Naao dere ala wisi kilituraalu, ẹ mo doa hẹkesené sinitapó. Ti yáta yálo mo yaala sókó fóló mole Naalepó,” yalepó.

²³ Téro etéyalepó. Yesu ẹ kutó kaae saai betale sukamó, 30 ba fo beterepó. Ẹ atéro betepa so whiné ẹta, Josep-né naalema nisi yalepó.

Josep-ta, Heli-né naalemapó.

²⁴ Heli-ta, Matata-né naalemapó.

Matata-ta, Lipai-né naalemapó.

Lipai-ta, Melki-né naalemapó.

Melki-ta, Janai-né naalemapó.

Janai-ta, Josep-né naalemapó.

²⁵ Josep-ta, Matatias-né naalemapó.

Matatias-ta, Amos-né naalemapó.

Amos-ta, Naham-né naalemapó.

Naham-ta, Esli-né naalemapó.

Esli-ta, Nakai-né naalemapó.

²⁶ Nakai-ta, Mat-né naalemapó.

Mat-ta, Matataias-né naalemapó.
Matataias-ta, Semen-né naalemapó.
Semen-ta, Josek-né naalemapó.
Josek-ta, Joda-né naalemapó.
²⁷ Joda-ta, Joana-né naalemapó.
Joana-ta, Resa-né naalemapó.
Resa-ta, Serubabel-né naalemapó.
Serubabel-ta, Sealtiel-né naalemapó.
Sealtiel-ta, Neri-né naalemapó.
²⁸ Neri-ta, Melki-né naalemapó.
Melki-ta, Adi-né naalemapó.
Adi-ta, Kosam-né naalemapó.
Kosam-ta, Elmadam-né naalemapó.
Elmadam-ta, Er-né naalemapó.
²⁹ Er-ta, Josua-né naalemapó.
Josua-ta, Elieser-né naalemapó.
Elieser-ta, Jorim-né naalemapó.
Jorim-ta, Matata-né naalemapó.
Matata-ta, Lipai-né naalemapó.
³⁰ Lipai-ta, Simeon-né naalemapó.
Simeon-ta, Juda-né naalemapó.
Juda-ta, Josep-né naalemapó.
Josep-ta, Jonam-né naalemapó.
Jonam-ta, Eliakim-né naalemapó.
³¹ Eliakim-ta, Melea-né naalemapó.
Melea-ta, Mena-né naalemapó.
Mena-ta, Matata-né naalemapó.
Matata-ta, Natan-né naalemapó.
Natan-ta, Depit-né naalemapó.
³² Depit-ta, Jesi-né naalemapó.
Jesi-ta, Obed-né naalemapó.
Obed-ta, Boas-né naalemapó.

Boas-ta, Salmon-né naalemapó.
Salmon-ta, Nason-né naalemapó.
³³ Nason-ta, Aminadab-né naalemapó.
Aminadab-ta, Atimin-né naalemapó.
Atimin-ta, Arni-né naalemapó.
Arni-ta, Hesron-né naalemapó.
Hesron-ta, Peres-né naalemapó.
Peres-ta, Juda-né naalemapó.
³⁴ Juda-ta, Jekop-né naalemapó.
Jekop-ta, Aisak-né naalemapó.
Aisak-ta, Abraham-né naalemapó.
Abraham-ta, Tera-né naalemapó.
Tera-ta, Nahor-né naalemapó.
³⁵ Nahor-ta, Seruk-né naalemapó.
Seruk-ta, Reu naalemapó.
Reu-ta, Pelek-né naalemapó.
Pelek-ta, Eber-né naalemapó.
Eber-ta, Sela-né naalemapó.
³⁶ Sela-ta, Kainan-né naalemapó.
Kainan-ta, Arpaksat-né naalemapó.
Arpaksat-ta, Sem-né naalemapó.
Sem-ta, Noa-né naalemapó.
Noa-ta, Lamek-né naalemapó.
³⁷ Lamek-ta, Metusela-né naalemapó.
Metusela-ta, Enok-né naalemapó.
Enok-ta, Jared-né naalemapó.
Jared-ta, Mahalalel-né naalemapó.
Mahalalel-ta, Kainan-né naalemapó.
³⁸ Kainan-ta, Enos-né naalemapó.
Enos-ta, Set-né naalemapó.
Set-ta, Adam-né naalemapó.
Adam-ta, ti Kótóné naalemapó.

4

*Satan-né Yesu dée nópóló sụ sale fo
(Mat 4:1-11, Mak 1:12-13)*

¹ Yesu ả Dẻi Kepe Wisi ảayóló sụruraalu, Jordan wẻi taaróló wapa, Dẻi Kepe Wisiné ả whẻi bitini, hẻle wỏpu mole tikipaae ảlisóró felepó.

² ả aimó betepa, dowi Satan-nẻ ả dée nópóló, sụ sere alarape detẻ fu betepa 40 be dẻrape kemeyalepó. Atẻyale be dẻmó ả ỏlakẻlé nẻni wote siri bitirẻ fỏlỏ, kemene folepaae ả wote yalepó.

³ Atẻró betepa, dowi Satan-nẻ ảpaae duraalu, “Yỏtamo Kỏtónẻ Naalemapata, ti i kapopaae *bred* o alẻẻ fae yae,” yalepó.

⁴ Ai fo depa Yesunẻ ảpaae duraalu, “Tale Kỏtónẻ asẻmó i fo erapó.

‘So whẻi betereteita, mo ỏla maate nukuraalu bitinipỏ erapỏ,’ ” yalepó.

⁵ Atẻró, kale dowi Satan-nẻ ả mo ópaae hore dupaee dapesỏ holỏlỏ daalu, i hae kwia dokỏ tẻterỏlỏ kaae tare alarape fea ảpaae tẻtitỏrỏ hapale yỏ melalepó.

⁶ Tẻró, ảpaae duraalu, “Yỏlo yỏmỏ doasi doi muaaire alarỏ i haemỏ muỏ mole wisi wisi alatamo naao tẻterỏlỏ kaae tawaasepỏlỏ melaalopỏ. Ti noatepae, take ẻpaee matepa taretei, mepaee yỏlo kisipa mole whẻrape melaai depa, ti sụmỏ manẻrapỏ.

⁷ Yỏlo i dere fotamo naao betỏ wosỏlỏ ẻ aỏmỏ bitu, doa Tale-ỏ depa, ti i ỏla ỏla fea naaotỏrỏ tẻterỏlỏ kaae tawaasepỏlỏ melaalopỏ,” yalepó.

⁸ Ti fo depa, Yesunẻ ảpaae duraalu, “Kỏtónẻ asẻmỏ ere fo i ape.

‘Tale Kótó mo betatóró betetapa, ɔ aɔmó sínóló bitu, Aya doa Tale-ó, yóló ama ala betɔ erótu betae erapó,’ ” yalepó.

⁹ Téró, kale dowi Satan-né Jerusalem bemó tene momatere be hulua tómó dapesó holóló daaló bitu duraalu, “Yɔtamo Kótóné Naalemapata, ti haepaae tɔó derepae.

¹⁰ Ti noatepae, ašemó i fo erapó.

‘Kótóné ama *ensel*-rapepaae yɔ me ɔlané doalé yaɔsóró, wisiyóló kaae tawae yaalopó.’

¹¹ Me fo i ape. ‘Yɔ atimané naase tómó muni durupuraalu, me ɔlané yɔ kotóo sóró doalé yaalomeipó,’ ” yalepó.

¹² Ai fo depa, Yesuné kale dowi Satan-paae duraalu, “Ašemó i fokélé erapó.

‘Naao Tale Kótóné yɔ tao sirémóló kɔae kolóló sɔ saɔse,’ erapó,” yalepó.

¹³ Atéró, kale dowi Satan-né Yesu dée nópóló sɔ sale kɔlipaae me tɔ mutere sukamó momó sɔ saai dapóló taaróló felepó.

Nasaret so whi Yesuné dere fo wosaalomeipó yale fo

(Mat 13:53-58, Mak 6:1-6)

¹⁴ Atéró, Yesu kale Dɛi Kepe Wisiné fotokɔratepa, ɔ Kaleli hae kwiapaae momó fesaae felepó. A atéró wóló betetapó dere fo ai hae kwiamó betó mole so whi feapaae deté kweyalepó.

¹⁵ Atéró, ɔ ai hae kwiamó bituraalu, atimané fo wosetere be dokɔ fo yó maté kotopa, so whi feané ama doi hale sóró horótu betalepó.

¹⁶ Take ʔ doayóló betale Nasaret be huluapaae fóló bituraalu, kale ʂa nokole be demó ama dua dere kaae, fo wosetere be dolopaae holalepó. Atéró, Kótóné ašemó ere fo dosʂayaaairalu turukó holalepó.

¹⁷ Kótóné ama kóló whi Aisaiané asere *buku* bopeyóló moletei, ama dosʂayópoló, whi mené ʂpaae melalepó. Tétepa, ai *buku* sóró ɖaae faróló, ama tué mole fo kekʌlemó keletepa dosʂayale fo ipó.

¹⁸ “Talené ama Deɿ Kepe Wisi ɛ tuamó beteró beterapó. Ti aita hʌle mei, ama kale fo wisi so whipaae yó melópoló ɛ sóró beteralepó. Atéru, *dipula* kaae betere so whi hʌle fópóló dotonóo, kele dilikire so whiné kele fisʂae falóo, mepaae wae sóró sonaalei ala tuamó beteró betere so whi sokóló hʌle beteróo yópoló, ɛ dotonalepó.

¹⁹ Talené so whi wisiyóló beterópoló, ama kolené sukutu hamokoróló hʌle tao sere ali i wale ape fo so whipaae yópoló, ɛ dotonalepó,” yalepó.

²⁰ Téró, Yesuné kale fʌloi *buku* momó bopeyóló kaae tare whipaae melóló, ʔ bitɿ deyalepó. Atéró betepa, ai fo wosetere be dolomó betó mole so whi feané ʂpaaetóro kele fopolaa yalepó.

²¹ Téró, ama atimapaae momó duraalu, “Mió diaaʒ wosale ašemó yóló muló betere fota, motóro dokonalepó,” yalepó.

²² Ama yó matere fo wosale so whi feané i whiné kólómó mo kokʌi fo wisinaale dapóló, siratu betalepó. Tétu atimasisitei duraalu, “Ita, Josep-né

naalema meié?” yalepó.

²³ Ai fo depa, Yesuné atimapaee duraalu, “I mara mole fo diaaḡ epaae mo enérapó. ‘Dokta whi-ó, naaotei ya tikimó daale kisi bete wisirótimié? Ti Kapeneam be huluamó du betere alarape ḡané wosalepa, umó erótu betale ala kaae naao i turuku bemókélé erótumié?” ” yalepó.

²⁴ Atéro ama atimapaee momó duraalu, “Yaḡo diḡpaae mo i dere ape. Kótóné kḡló whiné ama be whi so whipaae Kótóné fo i ape yóló yó matepa, atimané mo dapóló wosetimipó.

²⁵ Yaḡo diḡpaae mo i dapa wosae. Mo take Israel haemó Ilaija betale alimó mepaae sorape atimané whi sukóló wulia betó molepó. Ai sukamó ba fo sorené wélié apo mirómó hali kinó betepa, hae kwia feamó ḡla sóku aluyóló, wote ali walepó.

²⁶ Téyaleteti, Kótóné Ilaija dotonaleteti, mo betḡ Israel fake sorapekó tao sḡpóló dotonénipó. Ténitei, Saidon hae kwiamó tene Sarepat be huluamó betere betḡ wulia so tao sene fḡpóló dotḡyalepó.

²⁷ Téró, Kótóné ama kḡló whi Elaisané Israel hae kwiamó dowi humu fuluné tiki doyóló betó mole so whi mo betḡkélé wisirénipó. Israel hae kwiamó atei kaae whirape betó mupatei, mo betḡkélé wisiréni, Siria hae kwiamó betere whikó Naaman maaté wisiralepó,” yalepó.

²⁸ Ai kale fo wosetere be dolomó betó mole so whi mo feané ama ai dere fo wosóló, atima doasi fopaae bualepó.

²⁹ Atéro atima hapale turukó huturaalu, ḡ belapaae hḡkó deralepó. Téró, ai be hulua felekemó ere kulapaae taae deraai dapóló dapesó felepó.

³⁰ Téyaai depa, ai touró betere so whị kua dolomótei sókótamo yóló, ama faai yale tikipaae felepó.

*Yesuné dowi kepe hōkonale fo
(Mak 1:21-28)*

³¹ Téró, Yesu ả Kaleli hae kwiamó tene Kape-neam be huluapaae derepelepó. Aimó bituraalu, kale sạa naai tukóló muló betere be dẹmó so whị feapaae ama fo momó kaae sóró yó mótu betalepó.

³² Ama ai yó matere fo so whị feané wose-turaalu, sóró beteró betere topo whịné fo kaae dapóló, siratu betalepó.

³³ Ai fo wosetere be dolomó dowi keperape te-peyóló betere whị betạ beterepó.

³⁴ Ai sekéné fo fakeyóló duraalu, “He! Nasaret be hulua whịkó Yesu-ó, naao dạpaae noa alakó eraai waleé? Naao dạ doraai waleé? Yạta, me dowi alakélé muni, Kótóné mo kae beteró betere whịpóló, yạlo kisiparapó,” yalepó.

³⁵ Ai fo depa, Yesuné kale dowi kepe foné sóró duraalu, “Fo taaróló yạ ai whị tuạmó beteretei, sókó ape,” yalepó. Ti fo depa, dowi kepe kale whị tuạmó betaleteti, so whị feané keletómó ama tiki haepaae taae deróló ả sókó felepó. Atéyaleteti, kale whị ả doalékélé inipó.

³⁶ Atétere ala so whị feané kolóló, sirayóló atima-sisitei duraalu, “I whịné yó mótu betere fota, mo kaepó. Ti ama fota, doasi fotokọtamo yó matepa, dowi keperapenékélé ama dere fo mo betạ wosóló, ai sókó fulapa, kelaé!” yalepó.

³⁷ Yesuné i ala du beteraپó fo, ai hae kwiamó betó mole so whị mo feapaae deté kwẹyalepó.

*Yesuné so whi feané kisi wisirale fo
(Mat 8:14-17, Mak 1:29-39)*

³⁸ Yesu ʔ ai fo wosetere be taaróló, Saimon-né bepaae felepó. Ai bemó kale Saimon-né auma sere tiki suputere kisiné sinóló mupa, atimané Yesupaae, “Naao wisiraaloé?” yóló wosalepó.

³⁹ Atétepa, ʔ kale so molepaae fóló hemene doropóló, kale soné tiki supu dere kisi bete foné salemó, kemeyalepó. Atéteretamotóró kale so ʔ turukó holóló, atimamó ɔla kaae sóró biliyóló melalepó.

⁴⁰ Be dikiyaaairaalu, suka doropoletamo mepaae hʔle betere whirapené kae kae hepo daale so whi Yesu beterepaae dapesó walepó. Atéro wóló betó mupa, so whi dokɔ feané tikimó ama naase mulótua yalemó, atimané kisi beterape wisiyalepó.

⁴¹ So whi feané tiki tuamó tepeyóló betere dowi keperape fo fakeyóló sókó furaalu, yʔta Kótóné naalemapó dua yalepó. Ai fo depa, atimané ʔta hʔle whi mei, Kótóné so whi teteróló kaae tanópóló sóró betéro betere whi Kerisopó yaqsóró, kale dowi keperape foné sua yalepó.

⁴² Mo hʔkati Yesu ama wotoró so whikélé bitinire tikipaae felepó. Atépa, kale so whi feané keketé kwęyóló, ʔ betere tikimó sókó walepó. Atéro wóló bituraalu ʔ metikipaae faqsóró, atimatamo betaai dapóló, sesé du betalepó.

⁴³ Tétepatei, ama atimapaae duraalu, “Kótóné teteróló kaae tare aomó mole fo wisi i ape yóló yó maté kwęyópóló, Kótóné ę dotęyalepó. Atéreteiné ę diatamo betenéni, mepaae be huluapaae faai dapó,” yalepó.

⁴⁴ Téró, ą Judia hae kwiamó tẹ mole fo wosetere be dokọ fea fo yó matétóró kutu betalepó.

5

Yesuné mepaae ama yó melaaire whịrape ape yale fo

(Mat 4:18-22, Mak 1:16-20)

¹ Téró etéyalepó. Me be demó Yesu ą Kenesaret wẹi fókumó daalepó. So whị mo fea hẹle ọla kaae wóló tourale tikimó, hae tiki fẹae fóló mulu, Kótóné fo wosetu betalepó.

² Até du betepa, wẹi nuku tamo ai wẹi fókumó duló betepa kelalepó. Ai nuku tamota, ya siré kotere whịrapené nukupó. Atimané nuku aimó dupa teraae fóló, wẹi fókumó hẹleke warape fukutu betalepó.

³ Atétu betepa, ą nukumó bitị holalepó. Ai nuku tale, Saimon-paae duraalu, “Naao nuku ai wẹi kulu tuapaae sawa hịkili falae,” yalepó. Téró, ą nuku tómó bituraalu so whị feapaae fo yó mótu betalepó.

⁴ Ғ fo yó melóló kemetepa, Saimon-paae duraalu, “Yakó detémóló kelaalopa, nuku wẹi kulu tuapaae fóló, diaaọ hẹleke warape wẹi dolopaae derae,” yalepó.

⁵ Ai fo depa, Saimon-né apaae duraalu, “Doa whị-ó, mió dikitamo yakó saalo nisyóló dẹ depe tukó wei ala yóló deraté kweyalemó, mo betakókélé denipó. Téyaletei, naao derae depa ti hẹleke warape dạné deraalopó,” yalepó.

⁶ Atéró, atimané hāleke warape deralemó mo doakale yarape deale tikimó, atimané hāleke warape tukó faairaalu yalepó.

⁷ Atéteremó, atimané fulumu whīrapepaae atima tao sene ape depa wóló, mepaae yarape nuku dolopaae bulóló fu betalemó, kale nuku tamó wusuró mo felekemó wēi dolopaae buó deyaai yalepó.

⁸⁻¹⁰ Atétepa, Saimon-ró ątamo kutó ditere whīrapetamokélé, atima betámó ya siré kotere Sebedi naalema tamó Jems-ró Jon-tamokélé, ya mo dekéro soro muló betere kilituraalu, haió yóló siratu betalepó. Atétepa, Saimon Pita ą Yesuné hó ąmó bukutiri teąró bitu duraalu, “Tale-ó, ęta dowi ala du betere whīpa, taaróló yą fumié?” yalepó.

Tétepa, Yesuné Saimon-paae duraalu, “Yą wiyaąse, naao ya su dere kaae, mió kaae soro so whī siré kweyaasepólópó,” yalepó.

¹¹ Atétepa, atimané nukurape wēi fókupaae tao soro mulóló, atimané ąla ąlakélé mupatei taaróló ą sya felepó.

Dowi humu fuluné tiki dore whī Yesuné wisirale fo

(Mat 8:1-4, Mak 1:40-45)

¹² Téró etéyalepó. Yesu ą betą be huluamó berteremó, dowi humu fuluné tiki dore whī walepó. Atéró, Yesu betere felekemó ama kelepaa haepaae deróló bukutiri teąró bitu ąpaae woseturaalu, “Tale-ó, yalo tiki doretei naao kisipané wisiraai depa, ti wisiraasepólópó,” yalepó.

¹³ Atétepa, Yesuné ama naase teréḡ faróló kale whiné tikimó wolaayóló duraalu, “Naao tiki yało wisiraaí kisipa mutapa wisiyae,” yalepó. Téyalemó, mo ai fapotóró kale whiné dore tiki mo ti wisiyó felepó.

¹⁴ Atéró, Yesuné kale whi dotonaaí ąpaae mo diri ma fo yóló duraalu, “Yało naao tiki wisiralepóló, mo whipaae momókó yaḡse. Ya fóló, Kótópaae momaratere whiné naao tiki fope yópóló, yó male fae. Atéró foheyóló naao tiki wisipa kilitu, Moses-né ere fo sya furaalu, Talepaae hałe melae ere ąla melae. So whi feané ai ala kilituraalu, ita Talené erapó kisipa muaalopó,” yalepó.

¹⁵ Yesuné mo so whipaae yaḡse yaletai, i ala yalepóló deté kwęyóló fakeratepa, so whi feané woseturaalu, atimané kae kae kisi beterape wisiróo, ama dere fo wosóo yaairaalu, wua yalepó.

¹⁶ Atépatei, Yesu ą so whitamó betere tiki taaróló so whikélé bitinire tikipaae suka fea moma eneta dua yalepó.

*Yesuné tiki momaare whi wisirale fo
(Mat 9:1-8, Mak 2:1-12)*

¹⁷ Atéró, me sukamó etéyalepó. Ama fo yó mótu betepa, mepaae Farisi whiraperó Moses-né asere fo yó matere whirapetamo Kaleli haeró Judia haetamomó betó móle so whikélé, Jerusalem be hulua so whikélé, wóló betó molepó. Ai sukamó, so whi feané kisi bete wisiraaire Talené fotokó sumó bolepó.

¹⁸ Atépa, mepaae whirapené betą tiki momaare whi besekéné dokopatei, beleyóló wóló be

tuapaae holóló Yesu beterepaae sóró holaai kisipa mualépó.

¹⁹ Téró, kale whi sóró faaire tumó so whi mo fea daayale tikimó fenénipa, siki bepaae sóró holóló kea sokóló, kale whi dokopatei, besekétamo Yesu daale donotóró deralepó.

²⁰ Atéró, atimané kisipa tiki tiratere ala Yesuné kolóló, kale tiki momaare whipaae duraalu, “Ti naale-ó, naao dowi alamó kwia melaai yaletei mió i kemeratere ape,” yalepó.

²¹ Yesuné ai fo depa, Farisi whiraperó Moses-né asere fo yó matere whirapetamo atimasisi fo yaai tué teketu betalepó. “Ti whiné ata, Kótó kaaepó du betere foné Kótó faletu beterapó. Mo whi betanékélé dowi alamó melaaire kwia kemeranénitei, Kótóné betá sumó enérápó,” du betalepó.

²² Atéró mutere kisipa Yesuné kolóló, atimapaee duraalu, “Noatepa diá atei tué mutu bitu de?”

²³ Ti mé fo so whi feané enére? Naao yale dowi alamó saaire kwia aluratapó enérépe, ya turukó holóló naao beseké sóró fae fo enére?

²⁴ I haemó betó mole so whiné dowi ala bete tokóló aluraaire fotokó Whiné Naalemané sumó bulapóló, kisipa yaasepóló i whipaae eratere ala kela. Yalo yapaae mo i dere ape, ya turukó holóló naao beseké sóró bepaae fae,” yalepó.

²⁵ Ai fapotoró kale be whi so whi feané keletómó turukó horóló ama beseké sóró bepaae furaalu, Kótóné doi hale sóró horaté felepó.

²⁶ Atéteremó, so whi fea winé sukutu sirayóló duraalu, “Mo take etei kaae ala depa, dané kolókéle

ini, mió kisi ala keletapóló,” Kótóné doi hale sóró horótu betalepó.

Takis moni sere whi Lipaipaae Yesuné a sya ape yale fo

(Mat 9:9-13, Mak 2:13-17)

²⁷ Ai ala yóló kemetepa, Yesu a betā *takis moni* siré kotere whikó ama doi Lipai *moni* su betepa kolóló, Yesuné apaae duraalu, “Yā ē sya ape,” yalepó.

²⁸ Ti fo depa, a turukó holóló ama ɔla ɔlakélé mupatei, taaróló a sya felepó.

²⁹ Téró, Lipainé Yesu ama bepaae dapesó fóló, amó doasi ɔla deralepó. *Taks moni* siré kotere whiraperó mepaae so whitamó fea touró bitu, ɔla nuku beterepó.

³⁰ Tétu betepa, mepaae Farisi whiraperó atima betā kisipa mulu Moses-né asere fo yó matere whirapetamoné Yesuné yó matere whirapepaae duraalu, “*Taks moni* siré kotere whiraperó dowi ala du betere whirapetamo weiró ɔlatamo betamó noatepa ɔla nuku bitu dérópó,” yalepó.

³¹ Ti fo depa, Yesuné atimapaae duraalu, “Hepo daanire so whi *dokta* whi beterepaae fumi, hepo daale so whi maaté fua dapó.

³² E waleteita, donoi ala du betere whipaae ape yaai ani, dowi ala du betere so whi atimané dowi ala taaróló ape yaairaalu walepó,” yalepó.

Yesuné yó matere whirape ɔla woteremó yale fo
(Mat 9:14-17, Mak 2:18-22)

³³ Atimané apaae duraalu, “Jon-né yó matere whirapeta, Kótópaae kisipa muóló, me féli ɔla weyóló bitu, momatua dapó. Atétere kaae, Farisi

wh̄irapené yó matere wh̄irapekéle atétua dapó. Tétepai, naao yó matere wh̄irape ai ala ini, atima ɔlaró w̄eitamo nokole ala suka fea h̄ale yó tarapó,” yalepó.

³⁴ Tétepa, Yesuné atimapaee duraalu, “Beta wh̄i ɔ so dokotere sukamó ama nomarape ɔla weyóló h̄ale bitua de? Meipó.

³⁵ Téyaalo meitei, me sukamó kale so dokaaire wh̄i atima betamó bituraalu, ɔla nuku beteralemó, ɔ tawóló só fole sukamó atima ɔla weyóló h̄ale betaalopó,” yalepó.

³⁶ Ama atimapaee yale fo kisipa sópóló, me fo sale etéró yalepó. “Mepaae wh̄iné kisi kuti bis̄ayóló der̄akele kuti bis̄aae faletei nomotua de? Atétepa, ti der̄akele kutiné kisi kuti h̄ukulu yóló doróo, nomaletiekélé kokó ini yóo, yaalopó.

³⁷ Atétere kaae, mepaae wh̄irapené *wain* w̄ei hupu sekaɛné aleyale der̄akele wutimó tepetumipó. Até enalemó, kale w̄ei fotokóné kale hupu sekaɛné aleyale der̄akele wuti fulukó furaalu, w̄iekélé sunée faalopó.

³⁸ Até yaqsóro, atimané kisi *wain* w̄ei tepeturaalu, ti hupu sekaɛné aleyale kisi wutimó tepetua dapó.

³⁹ Folo moi *wain* w̄ei nokole wh̄irape atima kisi *wain* w̄ei naai h̄ekese dumipó. Ti noatepae, folo moi *wain* w̄ei nóló toureteiné mo wisirapó, du beteraipó,” yalepó.

6

Yesu ɔta, s̄aa nokole be d̄e t̄eteróló kaae tare

*Talepó yale fo**(Mat 12:1-14, Mak 2:23-28, 3:1-6)*

¹ Téró, sãa naai tukóló muló betere be demó, Yesu ă ama yó matere wh̄rapetamo *whit* kutó tuamó t̄eyóló felepó. Atéró furaalu, ama yó matere wh̄rapené ai kutómó ere *whit* du k̄aae sóró fumi hotokóló nukulé fu betalepó.

² Mepaae Farisi wh̄rapené até dere ala kolóló, ăpaae duraalu, “Sãa nokole sukamó naao yó matere wh̄rapené atei ala yópóló, noatepa kaae tare?” yalepó.

³ Ai fo depa, Yesuné atimapaee tokó mótu duraalu, “Depit-ró ama fulumu wh̄rapetamo wotetepa yale ala asemó moletei, diaaḡ dos̄ayóló kisipa muni airapó.

⁴ Depit ă Kótóné be dolopaae holóló bituraalu, Kótópaae melale mo kae muló betere *bred* otei ama sóró nalepó. ă nóló, kwiapaae ama fulumu wh̄rapekélé matepa, atimané sóró nalepó. Ai ota, h̄ale mo wh̄iné nukumi, Talepaae momaratere wh̄rapené maaté nukua dapó,” yalepó.

⁵ Téró, Yesuné atimapaee duraalu, “Sãa nópóló tukóló muló betere be d̄e t̄eteróló kaae tare Taleta, ti kale wh̄iné Naalemapó,” yalepó.

⁶ Téró, sãa nokole me be demó, Yesu ă Kótóné fo wosetere be dolopaae fóló, fo yó mótu betalepó. Atéró yó mótu betaalemó, bet̄a wh̄i ama turu naase sinóló dopa kelalepó.

⁷ Atétepa, mepaae Farisi wh̄raperó Moses-né as̄ere fo yó matere wh̄rapetamoné Yesu só der-aaire bete kikitú, kale sãa nokole be demó naase dowi wh̄i wisiratéró kelaairaalu, kaae tawóló beterepó.

⁸ Atimané atéró mutere kisipa ama kolóló, kale naase dowi whípaae duraalu, “Yà so whì kuamó turukó holóló, daayae,” yalepó. Atétepa, kale whì ą so whì feané keletómó daane holalepó.

⁹ Tétepa, Yesuné atimapaee duraalu, “Yàlo diápaae betą fo wosetapó. Saa nokole sukamó noa ala yaqse yóló mule? Whì tao sóró wisiraterere alapé, dowi ala deretei? Ó whì sukaqsóró tao sere alapé ó whì betere bete doraterere alaé?” yalepó.

¹⁰ Ai so whì beterepaae kele keleyóló kale whípaae duraalu, “Naa naase teréę falae,” depa, kale whinė naase teréę faralemó, wisiyalepó.

¹¹ Atéteremó, doasi fopaae buóló atimasisitei fo kęlaaróló duraalu, “Dąné ąpaae noa alakó er-aaloé,” du betalepó.

*Yesuné 12 whįrape sókó sóró beterafe fo
(Mat 10:1-4, Mak 3:13-19)*

¹² Téró betą sukamó Yesu ą moma yaairaalu, du sorokó mole aqpaee felepó. Atéró, aimó Kótópaae moma deté fu betepatei, be dęralepó.

¹³⁻¹⁴ Atéró be dęyó hotepa, hįka ama yó matere whįrapepaae ape yóló, fea betó mupatei, 12 whįrape maaté sorokó sóró, *aposel* doi mulalepó.

¹⁵ Saimon doi mupatei, ama me doi Pita mulalepó.

¹⁶ Ama noma Andru, Jems, Jon, Filip, Batolomiu, Matyu, Tomas, Alpias-né naalema Jems-kélé, kęlo kęlore whì Saimon, Jems-né naalema Judas-kélé, Yesu dqpóló eleké deyaaire whì Judas Iskariot, atima atéró whįrape sókó beterafelepó.

¹⁷ Atéró, Yesu ą kale du sorokó mole tiki taaróló, ai aqmó sawa mulure tikipaae ama sóró

beterale wh̄rapetamo derepelepó. Kale mepaae yó matere wh̄rapekélé, Judia hae kwiamó wale so wh̄kélé, Jerusalem be huluamó wale so wh̄kélé, w̄i fókú felekemó t̄ene Tair beró Saidon beta-momó wale so wh̄kélé, mo h̄ale ɔla kaae wóló touró beterepó.

¹⁸ Atéró waleteta, ama dere fo wosóo, atimané kisi bete kemeróo, mepaae so wh̄kélé dowi kepe tepeyóló betereitei dóló h̄okonóo, yópóló walepó.

¹⁹ Ama fotok̄oné aimó betó mole so wh̄i atimané kisi bete wisirótua yaletainé, ama tikimó wolaayaaí dapóló walepó.

*Yesuné ama yó matere wh̄rapepaae dere fo
(Mat 5:1-12)*

²⁰ Atétepa, Yesuné ama yó matere wh̄rape kaae taru duraalu,

“Dīa yoleale betere wh̄rapeta, ti Kótóné t̄eteró betere ala sereteiné dīa h̄ainé sukutu beterepó.

²¹ Dīa mió wotené sukóló mole so wh̄rapeta, take ɔla s̄umó naalopóló kisipa mutu, h̄ainé ai sukutu betere ape.

Mió dīa dekené sukóló moló du betere so wh̄ita, take h̄ainé sinóló betaaireteimó, Talené wisiró beterepa, wisi kisipa muóló betae.

²² Atéró, dīa Wh̄iné Naalema sya fu betereimó, mepaae wh̄rapené dīa h̄oróo, kae beterepóló h̄okó falóo, dowi ala dere wh̄ipóló diaaɔ doi doróló fale yóo du betepa, ti Talené dīa wisiró beterepa, h̄ainé sukutu betae.

- 23 Atétere sukamó hekesené sukutu, tųwó holae. Ti noatepae, diaaḡ take saaire doasi dupu wisi hepen-mó muló beterapó. Ti take atima alimarapenékélé Kótóné ama kóló whırapepaae betḡ kaae ala erótua yalepó.
- 24 Téretei, néli whırape diḡ mo doa wió yae! Ti noatepae, diaaḡ tiki feléyóló mo dua be-taire ala taketi sóró tareteiné, nalopaae atei wisi wisi ɔla momó kae saalomeipó.
- 25 Mió diḡ mepaae whı de ɔla sımó nóló betere so whı diḡ mo wió yae! Ti noatepae, take diḡ wotené sukḡalo ai ape.
- Mió diḡ mepaae whı de dɔ nóló hekesetu betepa, take diḡ dekené sukuturaalu doasi wole yaaireteiné mo doasi kolerapó.
- 26 So whı feané yḡpaae whı wisi-ó, yóló dukiraterere fo du betepa, kolerapa mo doasi wió yae. Ti noatepae, mió diḡ dukiraterere so whı atima alimarapenékélé take betale kapala kóló whırape atéró dukirótua erapó,” yalepó.

*Bóe whıpaae yaala sókó fu betae yale fo
(Mat 5:38-48)*

27 “Téretei, mepaae yḡlo fo wosetere so whı diḡpaae i dere ape. Diḡ hóróló bóe duraalu, dowi ala erótu betere so whıpaae yaala sókó fóló hekesené sukutu, wisi ala betḡ erae.

28 Mepaae whı dené diḡ doróló sekeraterere fo depa, Kótóné atima wisirópóló, fo wisitei yae. Mepaae whı dené diḡpaae sekei ala eratepa, Kótópaae atima wisirae yóló momarae.

29 Mepaae whı dené naao faamumó deké supa, metikirókélé dópóló yó melae. Mepaae whı dené

naao tómó deró betere kuti sokotepa ti naao tuamó deró betere kutikélé seséni, sokópóló yae.

³⁰ Mepaae whi dené yapaae me ɔlakó ɔlae depa, ama kematere ɔla melae. Mepaae whi dené naao tare ɔla fasetepa, momó ɔlae fo yaɔse.

³¹ Mepaae so whiné yapaae eranée dere ala kaae, naao mepaae so whipaaekélé erótua yae.

³² Diapaae yaala sókó fu betere whipaae maaté yaala sókó fu betere-a, ai doasi alaé? Mepaae dowi ala dere whirapenékélé atimané fulumu whirapepaae atéro yaala sókó fole ala du beter-apó.

³³ Mepaae whi dené diapaae wisi ala erótu betepa, diaaɔkélé atimapaawisi ala eratepa, aita doasi ala meipó. Ti aita, dowi ala du betere so whinékelé dere alapó.

³⁴ Diaaɔtamo mepaae whiné diapaae momó tokó melópóló me ɔla melatepa, ai-a hapólure? Ti mepaae dowi ala dere whirapenékélé momó tokóló saai ai ala dua dapó.

³⁵ Tépateti diaaɔta, bóe whipaae yaala sókó fóló wisi ala betɔ erótua yae. Atéturaalu, naao me ɔla mótu, momó tokó melópóló kisipa muóló meni, hɔle meló betɔ yae. Atétepa, ti diɔ mo taoró betere Kótóné dupu wisi menóló, ama naalerape betaalo ai ape. Ti noatepae, ama kólené sukutere alaró hɔle tao sere alatamota, dowi ala du betere whiraperó ɔpaae mo kée initere whirapetamopaae erótu beterapó.

³⁶ Diaaɔ Ayané mo so whi feapaae kólené sukutu dere kaaetóro diaaɔkélé me whipaae atéro kólené sukutu betae,” yalepó.

*Me whi hqletei foné só deraqse yale fo
(Mat 7:1-5)*

³⁷ “Diaaḡ me whi taleyóló só deratere ala yaqse. Naaotamo me whi só deratere ala initepa, ti mené diákélé taleyóló só deraalomeipó. Diāné mepaae whitamó foné só deréni depa, ti yaḡkélé mené só deraalo meipó. Mené yaḡpaae erale dowi ala me ḡla meipóló ḡle kemeratepa, ti diaaḡ yale dowi alakélé me ḡla meipóló ḡle kemeraalopó.

³⁸ Mepaae ḡla ḡla yaḡḡare so whimó ḡle matepa, menékélé diāmó ḡle melaalo ai ape. Naaó me ḡla melaai depa, ti deyóló mó ti faḡanóló melae. Ti noatepae, naao mepaae whimó mó dekéro mótu dere kaae, menékélé yaḡmó naao male sṡtóró melaalo ai ape,” yalepó.

³⁹ Atéro, ama i yale fo tómó atimapaee i fo sale yalepó. “Betaḡ kele dilikire whiné mé kele dilikire whipaae tṡ i mole ape yóló ḡlisóró fenére? Atétepa, ti ḡ dée nukuraalu, atimamo wusuró dée nóló dolopaae derepaalopó.

⁴⁰ Betaḡ *skul* naalené ḡ yó matere whi tṡteraalo meipó. Téyaalo meitei, kisipa siré fóló sṡtepa, ti ḡ yó melale whi kaae betaalopó.

⁴¹ Naao kele dolomó doakale bole ni fake kilini, naao noné kelemó sawatamo bole mometei noatepa sokaai du betere?

⁴² Naao nopaae duraalu, ‘No-ó, naao kele dolomó bole mome sawa sokotapa maé,’ dere noatepa de? Naao kele dolomó bole doasi ni fake sokóló naao kele feléruraalu, ti naao noné kelemó bole mome sokotapa mó wisirapó,” yalepó.

*Wisi niné dowi du oletimipó yale fo
(Mat 7:16-20, 12:33-35)*

⁴³ “Ni wisiné dowi du oletimipó. Dowi ninékélé wisi du ulutimipó.

⁴⁴ Mo nirape fea du oletepa kolóló, ita du wisi oletefe nipó, ita, kokola oletefe nipó dua dapó. Whirape feané nose du teketuraalu, mu daai képi tikimó ó hãle hoko ni tikimó olepa teketumipó. Mo besãae teketukélé hãle kápimó olepa tekete? Meipó.

⁴⁵ Whi wisiné hosaa tuãmó wisi alatóró fãayóló muluraalu, ama dere fokélé, wisi fotóró dua dapó. Dowi whiné ama hosaa tuãmó fãayóló mole alatóró dowi fo hãeamó depa wosetua dapó.

*Be hoko tẽtere alaró wisiyóló tẽtere alatamomó
yale fo
(Mat 7:24-27)*

⁴⁶ Yãlo diãpaae yae dere alamo diaaõ iniyóló, epaae doasi Tale-ó fo noatepa du betere?

⁴⁷ Mepaae whiné yãlo dere fo wosóló, yãlo yae dere alakélé wisiyóló erótu betere so whi ti etei kaae alané kelerapó.

⁴⁸ Whi betané ama be tẽyaairaaalu, tó hae fea dukuté doropóló, hae dirimó kapo fake mulóló, ai tómó be tẽtua dapó. Atéró tẽne be doakale hali tikiró wẽi asyatamo waalotei, ai be mo wisiyóló tẽneteiné tokó fenipó.

⁴⁹ Tẽyaalotei, whi me dené yãlo fo wosetutei, yãlo erae dere ala erénitepa, ti etei ala kaaené kelerapó. Whi betané ama be tẽyaairaaalu, tó hae kãayóló taae faréni, hãle hoko tẽnapó. Atépa, doakale hali

tikiró wẹi ayatamo waletikimó, kale be tokó taae faróló, mo ti doralepó,” yalepó.

7

Topo diki tare whiné kutó diratere whi wisirale fo

(Mat 8:5-13)

¹ Téró, Yesuné so whipaae fo yó melóló keme-tepa, ą Kapeneam bepaae felepó.

² Ai bemó betą topo diki tare whiné ama hosaa mole kutó diratere whi betą heponé mo felekemó sukąai du betalepó. Ai topo whiné 100 Rom diki tare whirape teteróló kaae tarepó.

³ Atépa, kale topo whiné Yesu wóló betepapó dere fo woseturaalu, ama kutó diratere whi Yesuné tao sene wópóló, mepaae Juda topo whirapené ąpaae ene fópóló doteyalepó.

⁴ Atima Yesu beterepaae wóló ąpaae duraalu, “U whi wisinaale mo felekemó sukutapa, naao ą wisiraasepóló yą dą faalopó.

⁵ Ti noatepae, dą Juda fake so whitamo hekesené sukóló yaala sókó fole ala muluraalu, dąné fo wosetere bekélé ama tənalepó,” yalepó.

⁶ Atétepa, Yesu ą atimatamo fóló, kale whiné be felekepaae sókó waairaalu wou betepa, kale diki tare whirapené doasi topo whiné ama fulumu whirape Yesutamo tumó hokolaatu, i fo yae yóló dotonalepó.

⁷ Atétepa, atima fóló, kale topo whiné Yesupaae yae yale fo yalepó. “Tale doa whi-ó, ą whi wisi betepapakó yą ama be tuąpaae ape yaalomeipa, yą tika tumó daalu kisi bete wisi yae fo betą yae.

⁸ Ti noatepae, ẹkélẹ ẹ tẹteróló kaae tare whị aomó beterapó. Yalo diki tare whịrape atimakélé ẹ aomó beterapó. Ai whịrapepaae yalo ‘Fae,’ depa fọo, ‘Yà ape,’ depa wóo, dua dapó. Yalo kutó diratere whịpaae i ala yae depa, ai alatóró ama dua dapó,” yalepó.

⁹ Yesuné i kale whịné ene wale fo wosóló sirayalepó. Téró, Yesu fetée fóló ẹ sya wou betere so whịpaae duraalu, “Israel hae kwiamó etei kaae kisipa tiki tiró betere whị mo betakélé betepa kilinipó,” yalepó.

¹⁰ Téró, kale doasi topo whịné dotẹyale whịrape bepaae momó fesaae wóló kelalemó, kale kutó diratere whịné hepo bete wisiyóló, mo betepa kelalepó.

Yesuné wulia soné naale kepaarale fo

¹¹ Atéró, Yesu ẹ Kapeneam be huluamó sawa beteró, ama yó matere whịrapekélé, mo so whịkélé, fea ẹtamo Nain be huluapaae sókó faai fu betalepó.

¹² Atéró fu betalemó, ai be hulua tipiné bopéro daaló betere tikimó sókó felemó, betẹ sukale whị beleyóló walepó. Ai naalené hamata, oma sukóló wulia bituraalu, ai naale betatóró kaae tarepó. Ama tiki sini beleyóló fupa, ai be huluamó betó mole so whịkélé fea ẹtamo fu betalepó.

¹³ Atétepa, Talené kale so kelalemó, kọlené hosaamó supa, ẹ daalepaae fóló duraalu, “Yà wole ekesé,” yalepó.

¹⁴ Téró, Yesu ẹ wóló kale sukale whị dokore besekẹ olaatepa, beleyóló fu betere whịrape feni,

keɣyóló daayalepó. Atétepa ama duraalu, “Ti naale-ó, ɣalo ɣapaae dapa turukó holae,” yalepó.

¹⁵ Tétepa, kale sukale whítei turukó holóló bituraalu, fò kaae sóró yalepó. Téró, Yesuné kale sukale naalené hamapaae naao naale ai ape yóló melalepó.

¹⁶ Ai ala kolóló, so whí fea winé sukutepa, Kótóné doi hale sóró holóló duraalu, “Kótóné mo doasi kóló whí betɔ́ ama so whí tao saai i wóló betere ape,” yalepó.

¹⁷ Yesuné ai ala du beterapó fo Judia hae kwiaró ai hae kwia tuámó betóló fale so whítamo feapaae deté fóló fakeralepó.

Jon-né amayó matere whí tamo Yesu beterepaae dotonale fo

(Mat 11:2-19)

¹⁸ Atéró, kale Jon-né ama yó matere whírapené Yesuné i alarape du beterapóló, Jon-paae ene walepó.

¹⁹ Jon-né ama yó matere whí tamopaae ape yóló, Tale beterepaae fópóló dotɛyalepó. Atétepa, atimaamo fóló apaae woseturaalu, “Waalopóló bope du betale whí ɣapé? Whí me kae wópóló kaae tawaróe?” fo ene fópóló dotonalepó.

²⁰ Atéró, kale whí tamo Yesu beterepaae wóló apaae duraalu, “Dɔ́mota, wɛi tópuratere whíkó Jon-né ɣapaae wosene fae depa walepa, ɣata kale waalopóló bopetu betale whípé, whí me kae wópóló kaae tawaaloé?” yalepó.

²¹ Atéyale sukamótóro Yesuné mepaae hepo daale so whíkélé, depe dolomó dowi kepe betere

so wh̄ikélé, kele dilikire so wh̄ikélé, wisirótu beter-apó.

²² Atéró, ama atimaamopaae duraalu, “Diaamo fesaae fóló diaamoné wosale foró kelale alatamo Jon-paae ene fae. Mepaae kele dilikiyóló betale so wh̄iné kele fisaae fóló ɔla ɔla kolóo, h̄oleke dore so wh̄i mo sesere wh̄i kaae kw̄eyóo, dowi humu fuluné tiki dore wh̄irape ses̄e mo betere wh̄iné tiki kaae daayóo, mepaae wos̄eli kinu fokélé wosenire so wh̄i wos̄eli tukw̄e falóo, mepaae sukutepa douraa i yale so wh̄itei kepaaróo, mepaae yoleale betere wh̄irapepaaekélé, kale mió wosetere fo wisi yó matepa wosetu beterapó fo ene fae.

²³ Mepaae so wh̄i de yało du betere alamó dée n̄eni, suka fea eró tare so wh̄ita, haíné sukópóló yae fo apaae ene fae,” yalepó.

²⁴ Atéró, kale Jon-né dot̄eyale wh̄i tamo fimó, Yesuné Jon-mó kisipa mutu, ai betó mole so wh̄ipaae duraalu, “Upulé dīa so wh̄ikélé bitini kópu k̄aae fitikipaae fua yale-a, bes̄ené kape fépo eratere kelaai felepé, wh̄i kuti wisinaale deróló auretei kelaai feleé? Meipó.

²⁵⁻²⁶ Ti mepaae wisi wisi kuti maaté deratere wh̄ita, topo wh̄i betere be wisimótóró bitua dapó. Āta atei ala inipa, dīa noa ɔlakó kelaai feleé? Atépatei, dīatamo Kótóné ama kóló wh̄i mo kelaai fitikimó, ti āta ai kutó maaté mei, mepaae kutókélé dirópóló sóro beteró beterapó.

²⁷ Asemó yóló muló betere fota, i wh̄imó kisipa mutu erapó.

‘Wh̄i bet̄a api folosóro furaalu, ya waaire t̄u dono-rae fo ene fópóló yało dot̄eyaalo ai ape.’

28 Yalo diappaee i dere ape. I haemó betó mole soné deale whirapekélé fea betó moletei, kale wēi tópuratere whi Jon-né tēteró beterapó. Tēpatei, whi me detamo Kótóné tēteróló kaae tare aqomó, belei sókó deóló betepa, ti kale wēi tópuratere whi Jon bosenée falapó,” yalepó.

29 Mo so whi fearó *takis moni* siré kotere whirapetamo Jon-né dere fo wosóló sya fupa, atima wēi tópurateinē Yesuné yale fo wosóló, Kótó ata, mo donotóró taletere Talepó du betalepó.

30 Téyaletei, mepaae Farisi whiraperó Moses-né asere fo yó mótu betere whirapetamo Kótóné tao sóró eraai yale wisi ala atimanétei hóralebó. Ti noatepae, atima Jon beterepaae wēi tópuaaairaalu feni yaleteinépó.

31 Téró, Yesuné duraalu, “Mió i alimó betere so whirapené du betere ala yalo noappaee dó faróló yaaloé?

32 Atimata, so whi mo fea touróló betere tikimó, kale keteirape atimasisitei melaa duraalu, etei kaae ala dere naale senaale kaaené kelerapó.

‘Diā kiliyópóló dané fó wuti haleróló mepaae wole forape yaletei, diā hēkeseyóló sama kīlinipó.

Diā dekē duraalu moló yópóló, mepaae wole forape yaletei, diā wolekélé inipó,’ yalepó.

33 Atére kaae, kale wēi tópuratere whikó Jon ɔlakélé, wēikélé, nēni, weyóló hāle betepa, diaaɔ duraalu, ‘A tuamó dowi kepe tepeyóló beterapó,’ dua yalepó.

34 Kale whiné Naalema ɔlaró *wain* wēitamo nokole ala kolóló diaaɔ duraalu, ‘Kelere? i whiṭa, ɔla mo dekéro nóo, *takis moni* siré kotere

wh̄iraperó dowi ala dere wh̄irapetamo fulumu yóo, du betrapó,' fo diaaḡ ai dere ape," yalepó.

³⁵ Atei fo diaaḡ du betereitei, mepaae so wh̄i de Kótóné mo fo wisi wosóló sya fupa, so wh̄i feané haḡeamó kilitu, ita Kótóné mole fosó fosóre tué sya feleteiné erapó, yalepó.

Dowi ala du betale soné Yesuné hó fokale fo

³⁶ Téró etéyalepó. Farisi wh̄irapekó betané Yesupaae atamo ḡla naai faalopó depa, fóló beterepó.

³⁷ A atéró wóló Farisi wh̄iné bemó ḡla nuku betrapó dere fo ai be huluamó dowi ala du betere soné wosóló, *alapasita* kanené aleyale wutimó felé ḡlaa wale *wel* w̄ei sóró walepó.

³⁸ Atéró wóló, a Yesuné sisópaae fóló, ama hó aḡmó hemée deyóló bitu, wole du betalepó. Atéró du betale wole kaafe Yesuné ḡleke tópaae durupu beterepó. Tétepa, kale soné ama topo nikinéitei, helekóló kópurótu betalepó. Atéró, kale soné Yesuné ḡleke tamo ḡló tukó nóló, kale felé ḡlaa wale *wel* w̄ei ama hómó suniyalepó.

³⁹ Atétere ala betḡ Farisi wh̄iné kolóló, ama kisi-paneitei duraalu, "I wh̄ita, Kótóné ḡló wh̄i uḡsóró, ti ama hómó olaa deremó, dowi ala dere sonéitei a olaa dapó, kisiapa muḡpó," yalepó.

⁴⁰ Tétepa, Yesuné ḡpaae duraalu, "Saimon-ó, ḡlo ḡpaae yaaitere fo betḡ mulapó," yalepó. Ti fo depa, ama duraalu, "Yó matere wh̄i-ó, naao ḡpaae yaaitere fo yae," yalepó.

⁴¹ Ti fo depa, Yesuné ḡpaae duraalu, "Betḡ wh̄iné *moni* momó tokḡ melaai dapóló, tamo wh̄iné kwia mulóló me wh̄iné 500 *denarias moni* sóo, me wh̄iné 50 *denarias moni* sóo, yalepó.

⁴² Kale whi tamoné sale *moni* talepaae tokó melaairetei sūnipa, kale whiné me ɔla meipóló, taaralepó. Atéró taalatepa, atimaamokó mé whiné kale *moni* talepaae doasi hosaa muóló yaala sókó fole ala enére?” yalepó.

⁴³ Ti fo depa, Saimon-né ɔpaae duraalu, “Yalo kisipanéta, kale doasi *moni* sale whi ɔ həkese yaalo ai ape,” Tétepa, Yesuné duraalu, “Naao dere fota, mo dono dapó,” yalepó.

⁴⁴ Téró, ɔ kale so daalepaae fetée fóló, Saimon-paae duraalu, “I so naao kelere? Ẽ naao bepaee waletei, yalo hɔleke fokópóló, naao wɛikó Ẽ menipó. Ténitei, i soné betá ama wole kaape fɛ yalo hómó epa, ama topo nikinétei helekóló kópuralepó.

⁴⁵ Ẽ naao bepaee wale sukamó, yalo faamumó naao kóló tukó neni, i soné betá yalo hó kóló tukó nuku betalepó.

⁴⁶ Naao yalo topomó *wel* wɛi dilénitei, i soné betá yalo hɔlekemó felé kɛlaa wale *wel* wɛi dilalepó.

⁴⁷ Atéyale kaae, yalo ɔpaae i dere ape. I soné ama mo doasi du betale dowi alamó saai yale kwia yalo hɔle kemeraleteiné ama ɛpaae hosaa muóló doasi yaala sókó fu betera-pó. Té-patei, whi me dené ama dowi ala hɔle tómó maaté kemeratepa, ti ama yaala sókó fóló həkese-né sukutere alakélé hɔle tómó erapó,” yalepó.

⁴⁸ Téró, Yesuné kale sopaae duraalu, “Naao yale dowi alamó saaire kwia hɔle kemero betera-pó,” yalepó.

⁴⁹ Ai fo depa, ɔtamo betámó ɔla nuku betere whirape atimasisitei, fo kɛlaaróló duraalu, “I

wh̄ita, Tale kaae bitu, dowi alamó saaire kwia ama h̄ale kemeraalopóló dérópó,” yalepó.

⁵⁰ Tétepa, Yesuné kale sopaae duraalu, “Naao kisipa tiki tiró betere alané ȳa tao sóró wisiralepa, naao hosaa muni deyóló mo dua fae,” yalepó.

8

*Qla wae biliterepaae dó faróló yale fo sale
(Mat 13:1-23, Mak 4:1-20)*

¹ Ai ala yóló kemetepa, Yesu ̄a doasi be huluaró sawa be huluatamopaae fóló kale fo wisi yó móturaalu, Kótóné t̄eteróló kaae tare aqmó mole ala etérápóló yó maté kw̄eyalepó. ̄A atéró kotere alata, ama yó matepa wosetere 12 wh̄irapekélé feapó.

² Téró, take depe tūamó dowi keperape betepa wisirale sorapekélé, mepaae hepo daapa wisirale sorapekélé, fea ̄atamo felepó. So wh̄iné Mak-tala be hulua sokó Mariapó du betere so felepó. Ai sota, take w̄eikeró dowi keperape tepeyóló betepa, dóló h̄okonale sopó.

³ Kale topo wh̄i Herot-né ama be ó q̄la q̄la fea kaae tanóppóló, sóró beteró betere wh̄i Kusané soma Joanakélé, so me Susanakélé, mepaae sorapekélé, mo fea ̄atamo felepó. Ai sorape atima *moninétei*, Yesuró ama yó matere wh̄irapetamo tao sua yalepó.

⁴ Atéró so wh̄i fea bet̄apaae tourótu betepa, mepaae kae kae doasi be huluamó betó mole so wh̄ikélé wóló tourótu betalepó. Atépa, Yesuné ama i fo sale yalepó.

⁵ “Whị betāné ọla wae ke ama kutómó terepeté kwẹyaairaaalu, sóró felepó. Atéro furaalu, mepaae kerape tūmó sorokóta yóló mupa, so whịné hōlekené tẹiya tẹiya yalepó. Atépa, sikimó kotere barape dorowóló, kale kerape dósu yóló nalepó.

⁶ Téró, kale whịné kutómó kerape terepeté kwẹyaaletei, mepaae ti kane tómó dakere haemó taae doróló hapale holalepó. Téyaaletei, kapo tómó dakere hae fẹ meiru, kale ọla wae feleke doaló derepeniyóló, hapale séliyalepó.

⁷ Mepaae ke ti dowi ne eremó taae derepelepó. Atéyaaletei, dowi netamo betāmó holóló kale ke ọla wae wisi dowi nené bopeyóló aluralepó.

⁸ Mepaae hae wisimó terepée derepele ọla wae wisiyóló holóló, du oleyalepó. Ai ọla ụlumétẹpa sóró, 100 yorape fāanalepó,” yalepó.

Ama i fo sale yóló kemetẹpa, fo fotokqíné duraalu, “Whị de woséli daapata, i dere fo wisiyóló wosóló tué muae,” yalepó.

⁹ Tétepa, ama yó matere whịrapené ịpaae wose-turaalu, “Naao ti yale fo sale noa betené yaleé?” yalepó.

¹⁰ Ai fo depa, ama atimapaae duraalu, “Tale Kótóné tẹteróló kaae tare aqómó kinóló mole ala diaaq tué yópóló, mené diq sóró beteró beterapó. Téretei, mepaae hāle mo so whịpaaeta, ti fo salené maaté du beterapó. Ti noatepae,

‘Take atima kelené kelaalotei, mo diriyóló koló faalomeipó.

Take atimané fo wosaalotei, bete mo diriyóló kisipa yaalomeipó,’ erapó.

¹¹ I yale fo sale bete i ape. Kale ɔla wae keta, ti Kótóné fo wisipó.

¹² Kale ɔla wae ke tɔmó taae doropóló mupa, barape dorowóló dósu yóló nale kaaeta, mepaae whi de Kótóné fo wisi wosóló, atimané hosaa tuamó mulatepatei, dowi Satan wóló, kale fo wisi tokó sua du beterapó. Aita hãle mei, kale fo wisi wosóló kisipa tiratepa, Kótóné atima tao saqsóró du beterapó.

¹³ Téró, mepaae kane tómó dakere haemó taae derepele ɔla waeta, i ala dere kaaepó. Kótóné fo hêkesetamo wisiyóló woseteretei, atimané tué tuamó mulótimpó. Sawa sukamó kisipa tiki tiró bitu, woseté fu betaalotei, sekei ala wale be demó hapale dée nukua dapó.

¹⁴ Kale dowi ne dolomó taae doropóló ɔla wae botokó sóró honiyale kaaeta, i ape. Mepaae whi de Kótóné fo wosólótei, tɔmó furaalu, atima betere alamó doasi whaalia dere alakélé, tó tikiné felé yaaire alakélé, atimané kisipa tiki tuamó muló bitu, kale fo wisi botokó sóró aluróló, du wisi oletimpó.

¹⁵ Tépatei, hae wisimó taae derepele ɔla waeta, i ala dere kaaepó. Mepaae so whiné kale fo wisi kisipa wisitamo wosóló keteréni, atimané hosaa tuamó mulóló eró tareteiné, ɔla wae kaae holóló, kale fo wisi du oletua dapó,” yalepó.

*Mo whi betɔnékéle lamp sɔ kinóló munanéni
yale fo*

(Mak 4:21-25)

¹⁶ “So whiné *lamp* sɔ dɛróló haené aleale nuku aɔmó ó fitere kea aɔmó kinóló munéni, so whi

feané kolópóló dēróló hakeamó mulótua dapó.

¹⁷ Ti so whiné kelaqsóró mió hiróló muló betere ala fea take fopa hakeamó mulatepa, so whi feané kelaalopó.

¹⁸ Téyaalopa, mió diaaq wosetere fo wisi mo wisiyóló sya fóló, erótóró tawae. Ti noatepae, mepaae so whi dené Kótóné fo wisi mo bete mulapóló tao tapa, atétere so whipaae Talené tómó beleróló mo dekéró melaalopó. Mepaae so whi dené wosale fo wisi ama kisipané tare nisi du betereteikélé Kótóné fasó saalopó,” yalepó.

Yesuné hamaró nomarapetamo wóló belamó daalopó yale fo

(Mat 12:46-50, Mak 3:31-35)

¹⁹ Téró etéyalepó. Yesuné ama hamaró nomarapetamo a kelaai waletai, so whi fea touraletikimó, a daale felekepaae fenénipa, atima belamó kaae tawóló daae molepó.

²⁰ Atépa, mepaae whiné apaae duraalu, “Naao haeró nonaaorapetamo ya kelaai wóló belamó daae mulapó,” yalepó.

²¹ Ai fo depa, ama atimapaee duraalu, “Mepaae so whi de Kótóné fo wosóló erótu betepa, ti yalo haeró norapetamo ai ape,” yalepó.

Yesuné hali tikiró besé tikitamo foné sale fo

(Mat 8:23-27, Mak 4:35-41)

²² Téró me be demó Yesuné ama yó matere whirapepaae duraalu, “I wei kela uté tēró faalopa fiépe,” yalepó. Atétepa, atima nuku tuapaae bitī holóló, tē felepó.

²³ Atéró, atima nukutamo wei tómó fu bituraalu, a nuku salemó toró mulóló, noke firepó. Atéró

węi tómó fu betalemó, doakale besę tikiró węi asyatamo wale tikimó, nuku dolopaae węi bó dorowóló ƣaturaalu, węiné atima mo felekemó aluratapó, du betalepó.

²⁴ Tétepa, ama yó matere whırape fóló, ą turukuróló duraalu, “Doa whi-ó, mió węiné dą mo felekemó i aluraterere ape,” yalepó.

Atétepa, ą turukó holóló kale besę tikiró węi asyatamopaae taalae yóló foné salemó, béyóló dono felepó.

²⁵ Atéró, ama yó matere whırapepaae duraalu, “Dią kisipa tiki tiró bitini airapó,” yalepó.

Ai fo deremó atima witepa, sirayóló atimasisitei duraalu, “I sekénéta, noa whirópó. Węi asyaró besę tikitamokélé, ą aqómó bitu, ama dere fo mo betą wosetapó,” yalepó.

*Dowi kepe tepeyóló betale whi wisirale fo
(Mat 8:28-34, Mak 5:1-20)*

²⁶ Atéró, atima ai Kaleli węi kęla tęyóló, Kadarin hae kwiamó sókó felepó.

²⁷ Atéró, Yesu ą nuku taaróló hae tópaae taae felemó, ai be huluamó betą dowi kepe tepeyóló betere whi ątamo hokolaa yaai walepó. ą mo take bitiré woutei, kutikélé deréni, tiki hąle whi dou tómótóro bitua yalepó.

²⁸ Atéyale whiné Yesu daale kolóló, keterę yóló ama hó aqómó deraapisa fóló fió mulu fo fakeyóló duraalu, “Mo taoró betere Tale Kótóné Naalema-ó, yąlo yąpaae dapa, naao ę momó kae susupu-raqse,” yalepó.

²⁹ Ti noatepae, Yesuné kale dowi kepepaae duraalu, ai whi tuąmó beteretei taaróló sókó fae dere

fomó yalepó. Ti ąta, take mepaae whinė *sein* képiné dokóló mulótua yaletei, kale dowi kepené ą whı bitinire tikipaae fópóló, hókó fatua yalepó.

³⁰ Yesuné ąpaae woseturaalu, “Naao doi deé?” depa ama duraalu, “Yąło doita Lisanipó,” yalepó. Ti noatepae, ą tuámó keperape mo hąle ọla kaae woló, betó moleteinépó.

³¹ Téró, kale dowi keperape atima betere tiki taaróló, mo apaae derepale dolopaae hókó de-raqse yóló momó du, momó du, yalepó.

³² Ai du sorokó mole aqmó hupurape kimimó daae mupa, dowi keperapené Yesupaae woseturaalu, “Dą ai hupurape tuąpaae biṭi faai dapa, naao dąpaae fae yaaloé? depa, Yesuné wisirapa téyae,” yalepó.

³³ Atétepa, kale dowi keperape kale whı tuámó betaleteti taaróló, kale hupurape tuąpaae tepeyóló biṭi felepó. Tétepa, kale hupurape botokó fele tikimó węiné sąane kulamó doropóló, węiné sorokó fóló, fea sisiraae felepó.

³⁴ Atétepa, kale hupu kaae tare whırape witu-raalu botokó fóló, doasi be huluaró ipu berapeta-mopaae fóló atimané kelale ala deté kwęyalepó.

³⁵ Ai fo wosale so whı feané noa ala yalerópóló kelaai felepó. Atéró, Yesu berteremó sókó felemó, dowi keperape tepeyóló betale whıtei tué wisi muóló, mo whı kaae kuti wisitamo betepa kilitu, atima wiyalepó.

³⁶ Téró, mepaae ai ala depa, kelale so whiné ai wale so whıpaae duraalu, “I whıta, dowi keperape tepeyóló betale whıtei, mió ą wisiyóló mo sesere whı kaae, ai berterapa kelae,” yalepó.

³⁷ Téró, ai kale Kadarin hae kwiamó betó mole so whi doasi wituraalu, Yesupaae atima taarólo fae yólo, setu betalepó. Atétepa, a faairaalu, wei nukupaae bití holalepó.

³⁸ Tétepa, dowi keperape tepeyólo betale whiné Yesupaae akélé yatamo fénére? yólo wosalepó.

³⁹ Tétepa, Yesuné a doteyaaí duraalu, “Ya etamo faalomeipa, Kótóné yapaae erale ala yó melaai naao bepaae fesaae fae,” yalepó. Atétepa, kale whi a fóló, Yesuné apaae erale alarape ai be huluamó betó mole so whi feapaae yó melaté kweyalepó.

*Yesuné betá senaaleró sotamo wisirale fo
(Mat 9:18-26, Mak 5:21-43)*

⁴⁰ Atéró, Yesu a momó wei kela teyólo uté teró sókó fóló beteremó, a wópóló kaae tawóló betó mole so whi fea hekesetamo a boperale walepó.

⁴¹ Yesu atéró betepa, Kótóné fo wosetere be kaae tare whi Jairus wóló, Yesu kelalemó, mo doasi whipa, ama hó aomó deraapisa fóló fió mulu, apaae mo miótóro ama bepaae faalopóló, wosetu betalepó.

⁴² Aita hale mei, 12 ba fo kemere senaale mo betatóro beteretei mo felekemó sukai depa yalepó.

Téró, Yesu tumó fu betepa, so whi feané betekí betekí deté fu betalepó.

⁴³ A atéró sókó felemó, fake fu betepa 12 ba fo kemere so betá walepó. Tétu betepatei, mo whi betanékelé ama ai kisi bete wisiraaire mo sunipó.

⁴⁴ Atére so a so whi kuamó Yesuné sisóro kikiti sókó wóló, ama tómó deró betere kuti salemó olaa yaletamotóro, ama samea fu betaletei tikalepó.

⁴⁵ Atétepa Yesuné atimapaee duraalu, “E né olaa yaleé?” yalepó. Téyalemó, ai so whi feané atima meipó depa Pitané duraalu, “Doa whi-ó, so whi feané ya tē alu yóló ai daae mole ape,” yalepó.

⁴⁶ Tétepa Yesuné duraalu, “Diakó whi betané e olaa yaletikimó, yalo fotokó sókó felepa, e né olaa yaleé?” yalepó.

⁴⁷ Téró, so whiné keletómó kale soné ama yale ala hiranénipa, a Yesuné hó aqomó deraapisa fóló fió molepó. Atéru, ama kisi bete wisi yópóló kisipa mutu olaa yalemó, kisi bete mo hapale tétitóró wisiyalepo.

⁴⁸ Téró, kale sopaae duraalu, “Ti senaale-ó, naao kisipa tiki tiraletiné ya ai wisiyalepa, hosaa muni deyóló dua fae,” yalepó.

⁴⁹ Kale sotamo ai fo du betepatei, fo wosetere be kaae tare topo whi Jairus-né ama be whi wóló apaae duraalu, “Naao senaale mo ti ai sukale ape. Térapa, yó matere whipaae fo me kae ini taalae,” yalepó.

⁵⁰ Ai dere fo wosóló, Yesuné kale whi Jairus-paae duraalu, “Naao senaleta wisiyaalopa, ya fomoyóló whaaliani, kisipa tiki betā tirae,” yalepó.

⁵¹ Atéró etéyalepó. A kale fo wosetere be kaae tare topo whi Jairus-né bemó sókó fóló duraalu, “Mepaae whirape etamo faai dapóló waqse. Pita, Jon, Jems, kale senaalené alimaró hamatamo betā wópóló yae,” yalepó.

⁵² Atéró, sókó fóló kelalemó, kale senaale sukóló mupa molóró fo tiki whaatamo du betepa, Yesuné atimapaee duraalu, “Ai senaleta, sukuni noke

firapa, diaaŋ fo tiki whaaró moló-utamo taalae,” yalepó.

⁵³ Ai fo depa, atima mo so whinė kisipané i senaaleta, mo ti sukunapóló, ą dọ nanalepó.

⁵⁴ Tetepa, kale senaalené naasemó tao sóró duraalu, “Tì senaale-ó, ɣa turukó holae,” yalepó.

⁵⁵ Atétepa, ama kepe bete ą tuapaae momó biṭi wouraalu, mo hapale tétitóró turukó holóló daayalepó. Tétepa, Yesuné atimapaee duraalu, “Me ɔlakó nópóló melae,” yalepó.

⁵⁶ Atétere ala kolóló, kale senaalené ama alimaró hamatamo hokomó sókó furaalu, sirayalepó. Tétepa, Yesuné atimaamopaae fo mulótu duraalu, “I ala yalepóló, mepaae so whipaae momókó yaqse,” yalepó.

9

Yesuné sóró beterales 12 whirape dotonale fo (Mat 10:5-15, Mak 6:7-16)

¹ Atéro etéyalepó. Yesuné ama dosayóló sóró betero betere 12 whirape betapaae tourale ape depa, walepó. Atéro wóló betó mupa, ama doasi fotokọ bulóo, so whi tuámó dowi keperape betereitei, dóló hokonótua yóo, mepaae kae kae kisi daale so whirape wisirótua yóo, yópóló sóró beteralespó.

² Atéro atima doteyaa i duraalu, “Dią be hulua dokọ feapaae fóló, Kótóné teteróló kaae tare aqmó mole ala yó melóo, mepaae hepo daale so whikélé wisiróo yaasepóló fae,” yalepó.

³ Atéro ama atimapaee duraalu, “Dią furaalu dotó tikikélé, waró yotamokélé, mo nokole

ɔlakélé, *monikélé*, kutikélé me dekaaporoló momókó sóró faqse.

⁴ Diɔ me be huluamó sókó fɛnalemó, betɔ whiné diɔ dape supa, ti ai whitamotóró fitua yóló, fole sukamó ai be taalae.

⁵ Mepaae so whiné diɔtamo dape sini depa, ti atimané yale alamó dapóló kisipa muǒpólópa, ai be hulua taaróló faairaalu, diaaǒ hómó dakere hae terepée deróló fae,” yalepó.

⁶ Atéro atima fóló, be hulua dokǒ feamó kale fo wisi yó maté kwɛyóo, atima kotere be huluamó kisi muó mole so whikélé, fea wisiraté kwɛyóo, yalepó.

⁷ Atima ai ala deté kutu beterapó dere fo Kaleli hae kwia tɛteróló kaae tare whi Herot-né wos-alepó. Mepaae so whiné kale sukale whi Jon momó kepaayóló beterapóló deté fele fo wosetu, Herot-né ama kisipa tiki kǒló kǒló du betalepó.

⁸ Atétepa mepaae so whiné duraalu, “Mo take betale whi Ilaija wóló biturapó. Tétepa, mepaae so whiné du, mo take betóló sukale Kótóné ama kǒló whirapekó, momó kepaayóló wou yalepó,” du betalepó.

⁹ Tétepa kale topo whi Herot-né duraalu, “Jon-ta, yaǒo diki tare whirapené depa tikalepa, aita demó dérópóló,” ama kɛle faai kisipa mualepó.

Yesuné 5,000 whirape ɔla melale fo

(Mat 14:13-21, Mak 6:30-44, Jon 6:1-13)

¹⁰ Téró, ama dotɛyale whirape atima momó fesaae wóló, atimané yale alarape Yesupaae yó melalepó. Téró, ama atima maaté dape sóró, Bet-saida be huluapaae felepó.

¹¹ Atima atéró felepó dere fo so whì mo turóné woseturaalu, ă sya felepó. Atima atéró ă beterepaae wapa, wisirapóló dape sóró, Kótóné tẹteróló kaae tare aomó mole ala atimapaee yó melóo, mepaae hepo daapa wale so whíkélé wisiróo, yalepó.

¹² Atéró, suka doropoletamo ama yó matepa wosetere 12 whìrape ă beterepaae wóló duraalu, “Dăta ọlakélé meire tikimó betera, i so whì felekemó tẹ mole berapepaae fóló atimané naaire ọlaró fiyaaire betamo atimanétei kekăai fópólópa, dotonae,” yalepó.

¹³ Ti fo depa, ama atimapaee duraalu, “Diaaotei, atima naaire ọla melae,” depa atimané ăpaae duraalu, “Dănéta, *bred* o bula aporó yóo, ya tamo yóo, yóló betă i mole ape. Térapa, naao kisipané i betó mole so whìné naaire ọlakó dănétei dupune fópóló kisipa mute?” yalepó.

¹⁴ Atéró, aimó betó muale soró naale senaale-tamo dosăani, whì maaté dosăayóló touróturaalu, 5,000-rópó.

Tépatei, ama yó matere whìrapepaae duraalu, “Dosăayóló 50 whìrape kae kae yóló beteraté kwęyae,” yalepó.

¹⁵ Tétepa, ama yó matere whìrapené so whì fea taleróló beteraté felepó.

¹⁶ Atépa, Yesuné *bred* o bula aporó yóo, ya tamo yóo yóló taruraalu, hepen-paae kese holóló Kótópaae mo kée yóló terekée daalu yalepó. Téró, ama yó matere whìrapepaae melatepa, atimanémo so whì feamó ăliraté kwęyalepó.

¹⁷ Atéró, atima fea nalemó sùtepa, buki muni feletei, ama yó matere wh̐rapené siré kw̐yóló, 12 yorape deyóló f̐analepó.

Pitané Yesupaae Kótóné sóró beteró betere wh̐ Kerisopó yale f̐o

(Mat 16:13-28, Mak 8:27-9:1)

¹⁸ Téró, me sukamó etéyalepó. Ama yó matere wh̐rape atimasisi maaté moma du bitu, ama atimapaee duraalu, “Ai so wh̐ feané ẹ-a, depó du bitu de?” yalepó.

¹⁹ Ti fo depa, atimané duraalu, “Mepaae so wh̐né y̐ata, w̐i t̐opurateré wh̐ Jon-pó, mepaae so wh̐né ti Elaijapó, mepaae so wh̐né ti mo take be-tale Kótóné k̐ló wh̐rapekó kepaayóló bituraalu, du beterapó,” yalepó.

²⁰ Ai fo depa, ama atimapaee duraalu, “Di̐néta ẹ depóló kisipa mute?” yalepó. Atétepa Pitané duraalu, “Y̐ata, Kótóné so wh̐ fea t̐eteróló kaae tan̐póló, sóró beteró betere wh̐ Kerisopó,” yalepó.

²¹ Ti fo depa, Yesuné atimapaee fo fotok̐iné duraalu, “Pitané ai yale fota, so wh̐paae momókó yaq̐se,” yalepó.

²² Téró ama duraalu, “Kale Wh̐né Naalema kae kae sek̐i ala saalo ai ape. Doasi wh̐ disir-apenékélé, mo so wh̐mó Talepaae momaratere topo wh̐rapenékélé, Moses-né as̐ere fo yó matere wh̐rapenékélé, ̐ mené d̐póló, só deraalo ai ape. Téyaalotei, ̐ momó kepaayóló betaalopó,” yalepó.

²³ Téró ama yó matere wh̐rapepaae duraalu, “Wh̐ me de ẹ fole t̐mó waa̐ kisipa mutepa, ti

naao yaaire ala tẹteróló yà dóló oleraaire filipaa ni naaotei beleyóló, betere dokọ ẹ sya ape.

²⁴ Mepaae so whi dené ama betere bete me ala yaqsórópóló amatei hotowaró kaae tapa, atétere so whiné betere bete aluyaalo ai ape. Téyaalotei, whi me dené yàlo ala eróturaalu, Talepaae naaopóló taalatepa, atétere whiné betere bete aluni, mo ti betó tawaalopó.

²⁵ Betà whiné i haemó muó mole wisi wisi ọla dekéro soro betapaae du betere tuamó ama betere bete alutepa, ti me noa dupu wisikó saaloé?

²⁶ Mepaae whi de witu halemó, ẹkélé, yàlo fokélé tuenipó depa, kale Whiné Naalemakélé, Alimakélé, mo kae betere *ensel*-rapekélé ama mo kae ere dẹtamo wale sukamó, Whiné Naalemanékélé ai whi ẹ tuenipó, yaalopó.

²⁷ Téyaalopa, yàlo diapaae mo i dere ape. Dià i daae mole so whi mepaae sukaiapatei, Kótóné tẹteróló kaae tare ala mó kelaalopó,” yalepó.

*Yesuné ama tiki kae daane wale fo
(Mat 17:1-13, Mak 9:2-13)*

²⁸ Yesuné i forape yóló bitiré fóló, bokó waleró be dẹ kemetepa, etéyalepó. Pita, Jon, Jems, atima Yesuné dape soro du sorokó molepaae moma yaairaalu felepó.

²⁹ Atéro holóló momatu betalemó, ama kelepaa kae daane wóo, ama deró betere kutikélé mo epée dẹ kaae yó fóo, yalepó.

³⁰⁻³¹ Atére tuamó, whi tamo Moses-ró Elaijatamo mo kae ere dẹtamo sókó wóló, Yesutamo fo du betepa kelalepó. Atima atéro du betale fota, Yesu

à i hae taarólo hepen-paae momó fesaae faaire ala dokonólo, Jerusalem bemó eraalopó du betalepó.

³² Pitaró ama fulumu whirapetamo noke fi turukó horólo kelalemó, kale whi tamo mo doasi ere de tuamó daalu, Yesutamo fo du betalepó.

³³ Atéró, kale whi tamo Yesu taarólo faai depa Pitané duraalu, “Yó matere doa whi-ó, dà fea etéro betere ala mo wisirapó. Dané diámó furu be sore tēnaai kisipa mutapó. Me yamó tēnoo, me Moses-mó tēnoo, me Elaijamó tēnoo, yaalopó,” yalepó. Aita, Pita à noa fo enénitepa, kóló kóló duraalu yalepó.

³⁴ Pitané atéró fo du betepatei, sako dorowólo atima husuratepa, doasi winé sukutu betalepó.

³⁵ Ai sako dolomó i fo yalepó. “Ita, yalo Naalepó. À sókó sóró, yalo kae beteró beterepa, ama dere fo wosae,” yalepó.

³⁶ Ai fo yólo kemetepa kelalemó, Yesu à betà daapa kelalepó. Ama yó matere whirape atimané ai kelale alarape mo so whipaae ini, hirólo bitiré felepó.

Yesuné dowi kepe tepeyólo betere naale wisirale fo

(Mat 17:14-21, Mak 9:14-29)

³⁷ Atéró be deýó hotepa, atima ai du sorokó mole tiki taarólo dorowou betalemó, so whi mo hāle ọla kaae atamo tumó hokolaa yaaí walepó.

³⁸ Ai so whi betó mole kua dolomó betà whi turukó holólo daalu, fo tokorólo duraalu, “Yó matere whi-ó, yalo mo betà naale naao wisirale waaloé?”

³⁹ Suka fea dowi kepené à taneta depa, keteré yólo ama kóló dako sókó wua dapó. Até duraalu,

dowi kepené ɔ taaróló feni, fotokɔné ama tiki fesoóló, hó naasekélé sosoro faróló mo dorótua dapó.

⁴⁰ Até du betepa, naao yó matere wh̄rapepaae h̄konaaloé? yóló wosalemó, atima s̄n̄ipó,” yalepó.

⁴¹ Ai fo depa, Yesuné atimapaee duraalu, “Mió i alimó kisipa tiki tiréni, dow̄aae fóló kópaae fu betere so wh̄-ó, diɔ tɔ wisipaae f̄póló ɛ diɔtamo betale supa, ai naale ipaae dapesó ape,” yalepó.

⁴² Kale naale dapesó wou betepatei, dowi kepené haepaae taae deralepó. Atéro haemó mulu, fesoótu betepa, Yesuné kale keperape foné sóró duraalu, ai naale tuamó beteretei h̄kó faróló, alimapaee malepó.

⁴³⁻⁴⁴ Kótóné doasi fotokɔné eralepóló, so wh̄ feané kilituraalu, siratu betalepó. Yesuné atéro yale alamó so wh̄ feané haió, i-a noa ala yalerópóló, siratu betepa, ama yó matere wh̄rapepaae duraalu, “Yɔlo diɔpaae i yaaitere fo mo wisiyóló wosóló kisipa muae. Kale Wh̄iné Naalema mo wh̄rapené d̄póló, mené eleké deyaalo ai ape,” yalepó.

⁴⁵ Ama atéro yale fo kinóló moleteiné bete atima wisiyóló kisipa initepa wosaai yalemó, atima wituraalu taaralepó.

*Doasi topo wh̄ de betaaloé yale fo
(Mat 18:1-5, Mak 9:33-40)*

⁴⁶ Téro, Yesuné ama yó matere wh̄rape atima-sisitei de doasi topo wh̄ beteré yóló, u só derólu i só derólu dere ala kaae salepó.

⁴⁷ Atimané atéro mutere kisipa Yesuné kolóló, naale beta tao sóró turukó horóló ʔ daale demó daalalepó.

⁴⁸ Téró, ama atimapaae duraalu, “Whi me dené yalo doimó etei kaae naale wisiyóló dape supa, ti etei dape sirapó. Whi me dené ʔ wisiyóló dape supa, ti ʔ doteyale sekétei dape sirapó. Whi me de dia tuamó naale belekamale aleyóló belei betepa, ti ʔ doasi whi ai betere ape,” yalepó.

⁴⁹ Ai fo depa wosóló, Jon-né duraalu, “Tale doa whi-ó, beta whiné naao doi yóló dowi kepe hokonótu betepa, ʔta dakó meipóló kisipa mutu, dané apaae atékese yóló, sesé du betalepó,” yalepó.

⁵⁰ Ai fo depa, Yesuné apaae duraalu, “Diaaʔ ʔ sesé yaʔse. Ti noatepae, mepaae diatamo bóe dinitere whita, ti diatamo mole whi ai ape,” yalepó.

Yesu wisiyóló dape sini yale fo

⁵¹ Téró, Yesu i hae taaróló hepen-paae dapesó holaai feleke deremó, ʔ me tikipaae faai kisipa muni, Jerusalem be huluapaae maaté faai fotokʔ yalepó.

⁵² Téró, Yesu ʔ nalo faairaalu, mepaae whirape beró naaire ʔlatamo donoróló mulaai atimapi fʔpóló dotonatapa, atima Samaria hae tuamó tene bemó sókó felepó.

⁵³ Téyaletei, ai be hulua so whi feané ʔ Jerusalem bepaae faai wale kilitu, dape sinipó.

⁵⁴ Atétere ala kilitu, ama yó matere whitamó Jems-ró Jon-tamoné apaae duraalu, “Tale-ó, i be huluamó betó mole so whi fea hepen-mó mole si dorowópóló yaé yóló kisipa mute?” yalepó.

⁵⁵⁻⁵⁶ Ai fo depa, Yesu ɔ fetée fóló atimaamo foné sóró, atima me be huluapaae felepó.

Betɔ whiné Yesupaae yɔ sya walapó yale fo
(Mat 8:19-22)

⁵⁷ Atéro atima fu betalemó, tɔ tuámó whi betané ɔpaae duraalu, “Yɔ mopaae fupa, ti ɛkélé yátóró sya waalopó,” yalepó.

⁵⁸ Ai fo depa, Yesuné duraalu, “ Hɔnarapeta, atima fitere tiki yóo, barapekélé fiyaaire dépi daayóo eretei, Whiné Naalema betɔ toró mulóló fiyaaire tiki inipó,” yalepó.

⁵⁹ Atéro, whi mepaae duraalu, “Yɔ ɛ sya ape,” yalepó. Ai fo depa, kale whiné duraalu, “Tale-ó, folosóró ɛ yɔlo ayapi dourɔle fulapa, wisire?” yalepó.

⁶⁰ Ai fo depa, Yesuné ɔpaae duraalu, “Sukune ɔɔre whiné ti sukune whi dourópóló, yɔ ti Kótóné tɛtéróló kaae tare ɔmó mole ala yó maté kwɛyae,” yalepó.

⁶¹ Atéro, me whínékélé duraalu, “Tale-ó, ɛ yɔ sya waaitei, yɔlo hae ayapaae kɔleó fo ene faai kisipa mutapó,” yalepó.

⁶² Ti fo depa, Yesuné ɔpaae duraalu, “Whi me de ama kutó ditu bitutei, depaae kele mulatere whiné Kótóné tɛtéróló kaae tare ɔmó mole kutó diraaire sunipó,” yalepó.

10

Yesuné 72 whirape dotɛyale fo

¹ Atéyale kɔlipaae. Talené mepaae 72 whirape sóró beteróló, ɔ faai dere be hulua dokɔpaae atimapi fópóló, tamo tamoyóló dotɛyalepó.

² Atéro doteyaai atimapaae duraalu, “Kutómó ɔla mo dekeró ɔlumépatei, ai ɔla saaire whi betá doaló meipó. Térapa, ai ɔla sere ala teteróló kaae tare Talené mepaae whirapekó ai kutópaae dotonópóló, Talepaae kemayae.

³ Diá bete haorape betere tuápaae *sipsip* hupu malerape kaae, ɔlò i dotonatere ape.

⁴ Diá furaalu *moni* detere bekélé, mo yokélé, hó bekélé, sóró faqse. Týmó furaalu, so whípaae kɔléó fokélé ini, fó betá yae.

⁵ Diá betá whiné bemó sókó furaalu, Kótóné hosaa muni deyóló dua betere ala diá tuámó mulópóló yae, fo betá yae.

⁶ Ai be tuámó hosaa muni deyóló dua betere whitamó betepa, ti Kótóné hosaa muni deyóló dua betere ala ai whi tuámó muaalopó. Meipa, ti ai ala diatamo momó fesaae waalo ai ape.

⁷ Ai fitere bemótóró bitu, atimané diámó matere ɔlaró weitamotóró nuku betae. Ti aita, diaaɔ diteremó kutómó dupu dono ai sere ape. Térapa, diá be dokɔ hɔko fité kuni, fitere bemótóró fitua yae.

⁸ Téró, diá betá be huluamó sókó fenalemó, ai be hulua so whiné diá wisiyóló dape sóró ɔla matepa, ti ai ɔlatóró nae.

⁹ Atéro bitu, ai be huluamó kisi daae mole so whi wisirótua yae. Diaaɔ atimapaae yó mótu, ‘Kótóné teteróló kaae tare alakélé diá beterepaae mo felekemó wale ape,’ fo yae.

¹⁰ Téyaalotei, diá betá be huluamó sókó fenalemó, atimané diá wisiyóló dape sinitepa, ti ai be bela tuámó daalu, atimapaae i fo yae.

11 ‘Diaaḡ yale alamó, diḡné be hae ḡané hómó dakeretei diaaḡ keletómó i heleketera ape,’ fo yae. Diḡné dowaae fu betepa, Kótóné tẹteróló kaae tare aḡmó mole ala mo felekemó waalopa, diḡ diriyóló kisipa muae yae,” yalepó.

12 Atéró, Yesuné ama yó matere wh̄rapepaae duraalu, “Yalo diḡpaae mo i dere ape. Kótóné i haemó betó mole so wh̄ taletere sukamó, Sodom be huluamó betó mole so wh̄paae doasi seḡei ala eraalotei, diḡ wisiyóló dape sinitere be hulua so wh̄paae eraaire seḡei alata, mo doasi bosenóló eraalo ai ape.

13 Korasin beró Betsaida be huluatamomó betó mole so wh̄ diḡ tuḡpaae doasi seḡei ala waalopa, diḡ mo wió yae. Ti noatepae, i be hulua tamomó erale kelemei kaae, Tair-ró Saidon be huluatamomó erólugaśóró, ti atima mo taketitei yei kuti bukóo, kili diyóo, yóló kisipa feteyóló bituḡpó.

14 Téyaalotei, Kótóné fo tokóló tale dere sukamó Taia-ró Saidon be hulua so wh̄tamopaae seḡei ala eraalotei, diḡpaaeta, ai bosenóló mo doasi seḡei ala eraalo ai ape.

15 Diḡ Kapeneam be hulua so wh̄-ó, diaaḡ kisi-pané diḡ Talené ó saḡpaae dapesó horaalopóló de? Meipa, doa ḡleó. Wh̄ mo ti sukóló aluyaaire dolopaaetei derepaalo ai ape,” yalepó.

16 Tétepa, Yesuné ama yó matere wh̄rapepaae duraalu, “Mepaae diaaḡ dere fo wosetere so wh̄né ti yalo dere fokélé wosetapó. Mepaae so wh̄ dené diḡ h́ratepa, ti ẹkélé h́ratapó. Téretei, mepaae wh̄ dené yalo dere fo woseni nisyóló h́ratepa, ti ẹ dotẹyale wh̄kélé h́ratapó,” yalepó.

17 Téró, kale doteyale 72 whirape hekesetamo momó fesaae wóló duraalu, “Tale-ó, dané naao doi yóló dowi keperape doló hōkonatepa, dané dere fo mo betā wosóló fua dapó,” yalepó.

18 Ti fo depa, ama atimapaae duraalu, “Hepen bemó dowi Satan epée dē kaae fitāa deté i haepaae dorowapa kelalepó.

19 Dowi wuliró tōrapetamo diané tēya depa, dané bōe whi Satan-né bole fotokōné diā do-raalomeipó.

20 Ti ai alata motei, kale dowi keperape diā aqomó sukóló beteremó hekeseni, hepen bemó diaaō doi aseyóló moleteimó betā diā hekesetu betae,” yalepó.

21 Atéyale sukamó, Yesu ă Dēi Kepe Wisiné fotokōratepa, doasi hainé sukutu duraalu, “Hepen beró haetamo aleóló muló betere Aya Tale-ó, *skul* yóló doasi kisipa sere whiraperó fea ala tuēre whirapetamoné kelaqsóró kinóo, ketei aqre whirapené kolópóló, hākearóo dere kilitu, yālo yapaae mo kēe yóló, naao doi sóró horatapó. Aya-ó, aita mo naao kisipa mole alatóró erapó,” yalepó.

22 Téró, Yesuné atimapaae duraalu, “Ai ala feata, yālo tēteróló kaae tanópóló, Ayané epaae meló beterapó. Whi betānékélé Naalema tuēni, Alimané betā tuērapó. Atére kaae, Alimakélé whi betāné tuēni, Naalemané betā tuērapó. Atérené Naalemané ama Aya i ape yóló yó melaai tuē mole so whipaae yó matepa, ai so whinė maaté Alima tuēnérapó,” yalepó.

23 Téró, Yesu ă ama yó matere whirape atimanale bitu, ă atima beterepaae fetée fóló du-

raalu, “Mió diaaḡ kelené i kilitu betere ala tué sere so whi Kótóné wisiró beterapóló, haḡné sukutu beterópóló yae.

²⁴ Ti noatepae, yaḡo diḡpaae mo i dere ape. Mió keletere ala take betale kóló whiraperó topo whirapetamoné kelenée deté waletai kilini yóo, diaaḡ wosetu betere fokélé wosenée deté waletai woseni yóo ipakalepó,” yalepó.

Samaria whiné Juda whi tao sale fo

²⁵ Téró, Moses-né asere fo yó matere whi betḡ turukó holóló Yesu sḡsóró duraalu, “Yó matere whi-ó, ẹ mo ti betó tawaairaaḡ, noa alakó yaaloé?” yalepó.

²⁶ Ti fo depa ama duraalu, “Ai asémó noa fo ere? Ai yóló muló betere fo dosḡatu, naao noa kisipa mute?” yalepó.

²⁷ Ai fo depa, kale whiné ḡpaae tokó mótu duraalu, “Tale Kótópaae ẹkesené sinóló yaala sókó fole alata, naao hosaa turónékélé, kepe turónékélé, fotokḡ turónékélé, kisipa tiki turónékélé, du betae. Tétu, naaotei ya ẹkesené sukutu dere kaae, naao be whi so whipaaekélé, atéró ẹkesené sukóló yaala sókó fu betae,” yalepó.

²⁸ Ti fo depa, Yesuné kale whipaae duraalu, “Aita, naao mo dono tokó matapa, ya mo ti be-taasepóló, ai alatóró haḡe yó tawae,” yalepó.

²⁹ Téró kale whiné ama yale fonétei ḡ só de-ranépa, ḡ donore whi aḡyóló Yesupaae wosetu-raalu, “Naao ẹpaae be whipó dere fo-a, demó de?” yalepó.

³⁰ Ai fo depa, Yesuné duraalu, “Whị betà i Jerusalem be taaróló, Jeriko bepaae durupu be-talepó. Téyalemó, ọlémi nokole whịrape tị tuámó melaa muóló, ama kuti sorokóló taae faróló ọ susupuróló felekemó sukąai du betepa atima felepó.

³¹ Atéró, Talepaae momaratere whị betà ai kale whị derepele tùmó durupuraalu kelalemó, kale whị tùmó mupa, dekeróló ọ dẹmó derepelepó.

³² Atétẹpa, betà Lipai fake whị ọkélé sókó walemó, kale whị sinóló mupa kolóló, dekeróló ọkélé dẹmó felepó.

³³ Téyaletei, betà Samaria whị ọkélé kale whị mole tikimó sókó wouraalu kelalemó, kọlei ala epa kilitu, ama tao saai kisipa mualepó.

³⁴ Atéturaalu, ọ kale whị mole felekepaae fóló, kale whịné doalére tikimó *wel* wẹiró *wain* wẹitamo dilóló dokalepó. Téró, kale whị ama *donki* hupu tómó beteróló fóló, uké whịrape fitua dere bemó beteróló, kale whị ama mo wisiyóló kaae tarepó.

³⁵ Téró, be dẹtpa hịka kale whịné ama *silpa moni* tamo sóró, kale uké whịrape fitere be kaae tare whịpaae duraalu, ‘Yọlo i matere *moniné* ọ kaae taté felalemó, ai *moni* tamo kemetepa, ti ẹ wóló naao *moni* yọlo tokọ melaalopa, ọ mo wisiyóló kaae tawae,’ ” yalepó.

³⁶ Téró, Yesuné kale Moses-né asẹre fo yó matere whịpaae duraalu, “Naao kisipané i whịrape sorekó mé whị kale dale whịné ama be whị kaae aọyaleé?” yalepó.

³⁷ Ti fo depa, kale whịné momó tokọ mótu du-

raalu, “Kolené sukutu tao sale whípó,” yalepó. Ai fo depa, Yesuné apaae duraalu, “Ama yale ala kaae, naaokélé yaai fae,” yalepó.

Yesu Mataró Meriatamo betere be huluamó be-tale fo

³⁸ Téró, Yesu a ama yó matere whirapetamo tumó fité woló, Mata betere be huluamó sókó wapa, Matané atamo betaai dape salepó.

³⁹ Matané kema Mariakélé Yesuné hó aomó bituraalu, ama dere fo wosetu betalepó.

⁴⁰ Atétu betepatei, Marta a atima naaire olamó bipi du bituraalu, ama yó matere fo wisiyoló wosenipó. Atétepa, kale so Yesu beterepaae wóló apaae duraalu, “Tale-ó, e yalo wotoró depe tukó wei ala du betetapa, ama e tao sene wópóló, naao apaae dumié?” yalepó.

⁴¹ Ti fo depa, Talené apaae duraalu, “Ti senaale Mata-ó, yata mepaae ala noa yaaloé yóló, doasi whaalia du betereiteiné ya ai só deró betere ape.

⁴² Téretei, mo doasi topo ola betā ya seni, yayā ai ere ape. Mariané ama betā mo doasi topo olapóló kisipa muóló sóró taretei dané fasó saalomeipó,” yalepó.

11

*Yesuné Talepaae moma dere ala yó melale fo
(Mat 6:9-15, 7:7-11)*

¹ Téró me sukamó. Yesu a me tikimó bitu, moma du beterepó. Atéró, moma yóló kemetepa, ama yó matere whi betané apaae duraalu, “Tale-ó, Jon-né ama yó matere whirapepaae Kótópaae momatere

ala yó melale kaae, naao dăkélé yó melaasepé,” yalepó.

² Ai fo depa, ama atimapaee duraalu, “Diaaọ Talepaee moma dere ala etéró yae.

‘Aya-ó, yăta dowi ala mo betăkélé munire Kótó betereteiné so whî feané naao doi wisinaale doasi mulóppóló yae.

Naao têteróló kaae tare aqmó mole ala wisi wópóló yae.

³ Be dę dökő betă betămó dăné naaire ọla naao sŭmó ălae.

⁴ Mepaae so whîné dăpaee erale dowi ala kwia tani, me ọla meipóló hăle kemeratapa, dăné dowi ala kwiakélé naao hăle kemerae.

Téturaalu, sŭ sere alané dă deé nalaqsóró, naao dă ălisóró fae.’ ”

⁵⁻⁶ Téró, ama atimapaee duraalu, “Diăkó betă whîné ama fulumu whî saletómó wóló betepa, ă diliki sŭ tuătamo ama noma beterepaee fóló duraalu, ‘No-ó, yălo fulumu whî mióti sókó waleteteiné naaire ọla meitepa, yăpaee *bred* o bula sorekó ă maletamo melaasepé fo dekéró yó tapa, noa ala yaaloé?’

⁷ Ai be dolomó betere whîné i fo yaalopó. ‘Be tŭ kinóló yălo naale senaaletamo fireteiné turukó holóló, naao kematere ọla menanénipa, ẹpaee dotopoi fo ekesé,’ dua dapó.

⁸ Yălo diăpaee i dere ape. Kale whî ă halaaainé kematóró hăle yó tapa, ama fulumu whî turukó horóló kematere ọla manénipatei, mo sŭmótóró melaalo ai ape.

⁹ Atérapa, yălo diăpaee i dere ape. Talepaee me ọlakó kematepa, ai kematere ọla melóo, keketepa

ti ai ọla mo kolóo, tų tukiyae yóló tų dupa, ti tukì yóo yaalopó.

¹⁰ Ti noatepae, mepaae kematere so whíné ti mo sua dapó. Mepaae so whíné keketepa ti ai ọla mo kilitua dapó. Mepaae so whíné tų tukiyae yóló tų dupa, atétere so whì wópóló tų tukítua dapó.

¹¹ Diákó me whíné diaaọ naale senaalené yakópóló kematepa, ya taaróló, dowi wuli male melaaloé?

¹² Ó naao senaale naalené ba kekó ‘Ałae’ depa, ai kematere ọla taaróló, whì tukó nokole tọ melaaloé? Meipó.

¹³ Dią dowi ala du betere whìrape bitutei, diaaọ naale senaalemó wisi wisi ọla matere ala diaaọ ai kisipare ape. Atére kaae, mepaae so whì dené Dẹi Kepe Wisi kematepa, ó hepen-mó betere diaaọ Aya Talené mo melaalo ai ape,” yalepó.

*Yesupaae Belsebul-né fotokọratepa dapó yale fo
(Mat 12:22-30, Mak 3:20-27)*

¹⁴ Téró me sukamó etéyalepó. Dowi kepené whì betą kóló nomonó betepa, Yesuné dóló họkonalepó. Atétepa, kale dowi kepe sókó furaalu, ama fo kaae sóró deremó, ai touró betere so whì feané sirayalepó.

¹⁵ Atétepa, mepaae so whíné duraalu, “Aita, dowi keperapené topo kepe Belsebul-né fotokọratepa, dóló họkonótu beterapó,” yalepó.

¹⁶ Ai fo depa, mepaae whìrapené ama noa ala deró ą sų sóró kaae kilituraalu, ąpaae hepen bemó mole betą fareyópu eratapóló dąné kisipa yaaipa, erae yalepó.

¹⁷ Atéró mutere tué tiki Yesuné kisipa yóló atimapaee duraalu, “Mepaae doasi topo whirape atimané teteróló kaae tare tuámó atimasisitei bóe dupa, ti teteróló kaae tare ala mo haepaae doropóló doyóo, betá be huluamó betó mole so whikélé atimasisitei bóe dupa, ti ai be haepaae doropóló mo doyóo yaalopó.

¹⁸ Satan ama fake atimasisitei bóe dupa, ti ama teteróló kaae tare ala netéró fotokọ buaalóé? Yálo i dere fota, diaaọ ẹpaae yá dowi keperapené topo kepe Belsebul-né fotokọratepa, hẹkonótu beter-apó depa i dere ape.

¹⁹ Ti diaaọ ẹpaae topo kepe Belsebul-né fotokọratepa, dóló hẹkonalepó dere-a, diá fak-enékélé dóló hẹkonótu betere ala né fotokọratepa de? Motamo Kótóné fotokọ bulatepa dapó depa, ti fo tokóló taletere sukamó atimanétei diá só der-aalopó.

²⁰ Téretei, yálotamo Kótóné fotokọné dowi keperape dóló hẹkonélipa, ti Tale Kótóné teteróló kaae tare aqómó mole ala diá tuápaae wóló i mole ape.

²¹ Fotokọ bole whiné be ó ọla ọla mepaae whiné doraq́sóró, sesé duraalu, kale whiné ama tóró dikitamo tawóló, siki siki yóló kaae tapa, whi mené doraalomeipó.

²² Téretei, mepaae doasi fotokọ bole whiné bóe sókó wouraalu, kale doasi fotokọ bole whi dóló teteróló, bóe dele ọla ọlakélé fea fasóló, ama bemó muó mole wisi wisi ọlakélé fea sóró ama be whitamọ ẹli yaai sóró fulapó.

²³ Whi me de ẹtamo betámó bitinipa, ti ẹtamo bóe dilapó. Whi me de ẹtamo bitu, ẹ fasóló ọla

ɔla betapaaeróló munénitepa, ai whiné yało ɔla ɔla hɔko besekératapó.

²⁴ Atéró, kale dowi kepe whiné depe tuámó beteretei, sókó furaalu kópui hae tikipaae ɔ feléyóló betaaire tiki kekɔairaalu fua dapó. Atéró fóló, kelenalemó betaaire tiki kilinitepa, ɔ take betale be kelaai momó fesaae faai dapó dua dapó.

²⁵ Atéró ɔ sókó wóló kelenalemó, kale be wisiyóló fuóló taae faróló, wisiró betepa keletapó.

²⁶ Téró, kale dowi kepe ɔ momó fóló, mepaae dowi ala mo turó fɔane wɛikeró keperape dape sóró, kale bepaae momó bitɪ walapó. Atétepa, kale whɪ ɔ take bitu sawa doyaleteti, mió mo ti doyó faalopó,” yalepó.

²⁷ Atéró Yesuné ai forape du betepa, so whɪ fea betó mole kuamó so betɔné fo fakeyóló duraalu, “Yɔ deyóló awɔ male so naao hae Tale Kótóné wisiró beterapa, ɔ haɪné sinóló beterópóló yae,” yalepó.

²⁸ Ti fo depa, Yesuné atimapaae duraalu, “Ai dukiratere fota mepaae whɪ de Kótóné fo wosóló, sya fóló erótu betere so whɪta, Tale Kótóné wisiró betereteiné haɪné sukutu beterapó,” yalepó.

Yesupaae me ala yaairemó dere fareyópukó erae yale fo

(Mat 12:38-42, Mak 8:12)

²⁹ Téró, so whɪ fea wóló touró betepa Yesuné duraalu, “Mió i alimó betere so whɪ dowi alané fɔanutei, ɛpaae doasi sira yaaire me fareyópukó erae du beterapó. Tépateti, me kae eraalomeipa, mo take Jonapaae erale ala kaae betɔ eratepa kelaalo ai ape.

³⁰ Ti noatepae, Ninipa so whinė Jonapaae erale fareyópu kilituraalu, ita Kótóné dotonale whípóló kisipa moipakalepó. Atéyale kaae, mió i alimó betere so whinėkélé Whinė Naalemapaae eratere ala kilituraalu, ita Tale Kótóné dotonó betere whípó kisipa muaalo ai ape.

³¹ Betā Saoti hae kwia tēteróló betere doasi topo *kwin* soné mió i alimó betó mole so whı́tamo fo tokóló taletere be dēmó, diā só deraalo ai ape. Ti noatepae, ai sota hae kwia dene falepaae biti wóló, Solomon-né fosó fosói kisipa muóló yó matere fo wosaai walepó. Téyaletēi, Solomon-né mole kisipa bosenóló whı́ betā i betere ape.

³² Téretei, Ninipa be hulua so whı́ró diā mió i alimó betó mole so whı́tamo só deraai fo tokóló taletere be dēmó atimanétei diā só deraalopó. Ti noatepae, atima Jonané yó mótu betale fo wosóló, kisipa tiki feteyalepó. Tépatēi, Jonakélé tēteróló bosenée fale mo doasi seké whı́ betā wóló i betere ape.

*Keleta tiki fea dēró betere sá supó yale fo
(Mat 5:15, 6:22-23)*

³³ Mo whı́ betānékélé, *lamp* sá dēróló kinéli tikipaae ó nukuné husiróló mulótimipó. Dēróló daalótua dere tikimótóró mulótua dapó. Mepaae so whı́ be dolopaae wapa, ai dēmó beterópóló, dēró beterapó.

³⁴ Naao keleta, ti tiki turó dēró betere *lamp* sá sū ai ape. Naao kele tamo wusuró wisipa, ti naao tikikélé turó dērapó. Téretei, naao kele tamo wusuró dilikipa, ti naao tikikélé turó dilikirapó.

³⁵ Naao tiki tuámó dó tare de diliki yaqsóró, mo hotowa yóló kaae tawae.

³⁶ Térapa, naao tiki turótamo depa, ti tiki me kwiapaae sawa dilikikélé ini, tiki featóró deyó furaalu, belapaaekélé sókó faalo ai ape,” yalepó.

*Yesuné Farisi whirapepaae wiyó yae yale fo
(Mat 23:1-36, Mak 12:38-40, Luk 20:45-47)*

³⁷ Yesuné ai fo yóló kemetepa, Farisi whi betané atamo ɔla naairaalu ama bepaae dapesó fóló, ɔla nukuatere ni fake tómó tiróló beterepó.

³⁸ Atéru, Yesu ɔla naairaalu, atimané mara mole ala sya furaalu, folosóró ama naase fokunitepa, kale Farisi whi a hokomó sókó fu sirayalepó.

³⁹ Atétepa Talené apaae duraalu, “Aita motei, diɔ Farisi whiné ɔla nokole nukuró wutitamo hale tómó ere bólu maaté fukutua dapó. Téturaalu, diaaɔ tiki tuapaaeta, ti fea ɔla senée yóló ekeletere alaró ukusitere alatamoné ai faane ape.

⁴⁰ Diɔ okokoi tué mole whirape-ó, Kótóné diaaɔ tó tikimó ere ala fea taleturaalu, u tuapaaekélé tale dumipóló de?

⁴¹ Diaaɔ nuku tuámó mole ɔla sóró yolealere so whi tao sóró melae. Atétepa, ti diaaɔ tiki tuámó ere ala fea Kótóné kilitu, mo kokorapó fo yaalo ai ape.

⁴² Farisi whirape-ó, diané kutómó ere sawa ɔlakélé naase tamo supa, dekeyóló betɔ Kótópaae hale móturaalutei, mo donotóró taletere alaró Kótópaae yaala sókó fole alatamo sisópaae erótu beterepó. Atére alamó doasi sekei ala diɔ tupaae waalopa, wiyó yae. Donoyóló taletere alaró Kótópaae yaala sókó fole alatamo touróló, Kótópaae hale matere alakélé uqsóró mo wisi uapó.

⁴³ Farisi whīrape-ó, diā fo wosetere bepaae furaalu, doasi doi mole whīrape bitua dere tikimótóró betaai ekele yóo, ọla dotonaterere tikimó daalukélé, so whīné doasi whī wisi-ó yóo, yóló dukiraterere kokómó ai ala dua dapó. Atétere alamó diāpaae doasi sekei ala waalopa wiyó yae.

⁴⁴ Farisi whīrape-ó, diāta u tūpaae whī dou epatei hāle tiki aqpa, ai tómó so whī fua wua du beterapó. Ti diāta, douró betere whī kaae aqrapa, wiyó yae,” yalepó.

⁴⁵ Tétepa, Moses-né asere fo yó matere kisipa fosóre whīné āpaae duraalu, “Yó matere whī-ó, naao ai dere forapené dā mo ti só deratapó,” yalepó.

⁴⁶ Ti fo depa Yesuné duraalu, “ Moses-né asere fo yó matere whīrape-ó, diaaọ so whīpaae i ala yae, i ala yaqse, du betere alata, doa sekei ọla so whīné hūlumó belerótu dere kaae du beterapó. Ai sekei ọla diaaọ belerótu bitutei, atima fasóló tao sere alamo dumipó. Atérapa, diāpaae waaire sekei alamó wiyó yae.

⁴⁷⁻⁴⁸ Take diaaọ noutererapené dale Kótóné kóló whīrape dourale tiki be wisiyóló tēnótu beterapó. Mió atétu betere alané diaaọ ayarapené whī dale ala wisirapóló, hākeamó yó matapó. Atéteremó diāpaae doasi sekei ala eraalopa, wiyó yae.

⁴⁹ Atéró betale alamó Kótóné ama fosó fosóre kisipa sya furaalu, i fo erapó.

‘Yalo kóló whīraperó *aposel* whīrapetamo atima beterepaae dotonaalotei, mepaae whī mo ti dóo, mepaae hāle susupuróo yaalopó,’ erapó.

⁵⁰ Atérapa, mo take kaae sóró dilé wale kóló wh̄irapené samearó mió diaaḡ du betere wh̄irapené sameatamomó kwia turó mió i alimó betere so wh̄i diaaḡ saalo ai ape.

⁵¹ Ita, mo dapó. Atéyaaire alata, Abel-mó kaae sóró dilé wóló, kale momatere bemó Kótópaae simó sukūlaa dalatere tikiró kae tukóló muló betere be ke tuamó dale wh̄i Sekaraiamó dale yóló kwia feata, mió i alimó betó mole so wh̄iné saalopó.

⁵² Moses-né asere fo yó mótu betere wh̄irape-ó, Kótóné mo bete mole alapaae sókó faaire so wh̄i faqsóró tū tukitere *ki* diaaḡ fasó salepó. Tí diāta, ai tumó fumitei, atima faai du betere so wh̄i diaaḡ sesétu beterapó. Atétere alamó diā doasi sekei ala saalopa, mo wiyó yae!" yalepó.

⁵³ Ai fo yóló kemetepa, Yesu ą felemó, kale Farisi wh̄iraperó Moses-né ere fo yó matere wh̄irapetamoné ą só deraairaalu, deteraai fo du betalepó.

⁵⁴ Aita h̄ale mei, ą h̄asókó fuléró kelaai kae kae wosetere fo du betalepó.

12

Farisi wh̄irape wisiyóló kaae tawae yóló yale fo (Mat 10:26-33)

¹ Atéró, so wh̄i mo dekeró wale tikimó hae tiki faapa, folosóró Yesuné ama yó matere wh̄irapepaae duraalu, "Farisi wh̄irape tuamó bole yist diāpaae tekaqsóró hotowaró kaae tawae. Atimata tiki tuāpaae dopatei, tó tikimó h̄ale wisire nisi du beterapó," yalepó.

² “Mió kilini hiró betere ala fea, take hakearatepa so whi feané kolóló tué yaalopó.

³ Diaaḡ diliki tuamó du betere fo demó depa wosóo, be dolomó dua kikití dere fo be huluamó daalu fakeyóló depa so feané wosóo, yaalopó.

⁴ Norape-ó, diāpaae i dere fo wosae. Mepaae whirapené diaaḡ tó tikita dóló sukunaalotei, take diāpaae me ala eraalomeipa, ai alapaae wiyaḡse.

⁵ Wiyaai depata, ti naao mo tikikélé, kepe betekélé, doróló mo ti dó tare sipaae deraaire fotokḡ bole Kótó beterapa, āpaae betā mo doasi wiyaē.

⁶ Sonaai *moni* ke tamoné aporó ba belekaatikí dupunérápó. Atére barape betakélé Kótóné kisipa keterótimpó.

⁷ Diāta, ai ba belekaatikítamo sūni, Kótóné ama hosaa mole doasi ḡla ai ape. Diaaḡ topo nikikélé Kótóné ama sūmó dosāayóló kisipareteiné diā wiyaḡse.

⁸ Yalo diāpaae mo i dere ape. So whi feané kele tómó mepaae whiné duraalu, Yesuta ę teteróló kaae tare Talepó depa, Whiné Naalemanékélé Kótóné *ensel*-rapené keletómó ā yalo fo eratere whipó yaalopó.

⁹ Téyaalotei, whi me dené so whi feané keletómó ā Keriso fake meipó depa, ti Whiné Naalemanékélé, Kótóné *ensel*-rapené keletómó ai whi ā kisipanipó yaalopó.

¹⁰ Mepaae whi dené Whiné Naalema eróló foné só deratepa, ai dowi ala kwia kemeróló aluranérápó. Tépatēi, kale Dēi Kepe Wisiné ditere kutó faleyóló só deratepa, ai kwia mo aluranénipó.

11-12 Bóe wh̄irapené fo wosetere bepaae ó so wh̄i t̄eteróló kaae tare wh̄irapepaae ó *Gavman*-né sóró beteró betere topo wh̄i beterepaae fo tek̄ai dapesó fupa, dīa noa fo yaaloé yóló, whaalia yaq̄se. Ti noatepae, atétere sukamó diaāq yaaitere fo fea Dēi Kepe Wisiné yó melaalo ai ape,” yalepó.

Néli wh̄iné h̄oko ala yaletei fo salepaae dó faróló yale fo

13 Tétepa so wh̄i fea touró betere kuamó, wh̄i bet̄ané Yesupaae duraalu, “Yó matere wh̄i-ó, yālo no d̄amoné ayané mómu ̄la ̄la bukóló, ̄male mel̄ópólópa, naao yālo nopaae yae,” yalepó.

14 Ti fo depa Yesuné duraalu, “Ti wh̄i-ó, di-aamomó ̄la ̄la bukóló mel̄ópóló né ̄ sóró beteralee?” yalepó.

15 Téró ama atimapaae duraalu, “Kae kae ̄la fea senée yóló au nokole alané dīa doraq̄sóró, mo hotowaró kaae tawae. Ti noatepae, ̄la ̄la mo dekéró sóró tare alané wh̄i beteró bitinipó,” yalepó.

16 Téró, ama atimapaae fo sale fo etéró yalepó. “Betā néli wh̄iné ama diyale ke kutómó ̄la dekéró salepó.

17 Ai ala kilitu, ama etei kisipa mualepó. ‘Ama kutómó yó mole ̄la mulaaire tiki meipóló,’ ̄a fomo du betalepó.

18 Téró ama duraalu, ‘Yālo ̄la ̄la mulaai t̄eale be fisikóló mo doakale be t̄eyóló yālo kutómó sere ̄laró mepaae wisi wisi ̄latamo mulaalopó.

19 Atéróló yālotei etei fo enérápó. ̄ ̄la ̄la mo sumó moleteiné mió me kutó dini doasi ba fomó s̄a nóló h̄ale bitu, mole ̄laró w̄eitamo maaté

haɪtamo nukulé fu betaalopó,' ere fo kisipa muni airapó.

²⁰ Tépatéi Kótóné ɔpaae duraalu, 'Kisipa okokore whi-ó, naao betere bete mió dilikitamo yalo tokó sirapa, naao donoróló mulale ɔla né saaloé?' yalepó.

²¹ Whi me dené mepaae ɔla ɔla whi tao sóró hale móturaalu, ita Kótópaae matapóló kisipa muóló meni, ɔtóró néli whi betaai dapóló fea ɔla ekeleyóló betapaae du betepa, ti i ere fo ai whipaaetóró eraalo ai ape," yalepó.

Naaire ɔla ó yɔyɔre ɔlamó whaalia yaqse yale fo (Mat 6:25-34)

²² Téró, Yesuné ama yó matere whirapepaae duraalu, "Yalo diɔpaae i dere ape. Diɔ naaire ɔla meitepa, noa naaloé yóló whaalia du betaqse. Naao tikimó kisipa mutu, kutikélé noa saaloé yóló whaalia du betaqse.

²³ Nokole ɔlata, wisi ɔlatei whiné betere beteta, mo doasi ɔlapó. Kutikélé wisi ɔlatei, whiné tikita mo doasi ɔlapó.

²⁴ Barapéné dere ala kolóló kisipa muae. Ati-mané naaire ɔla wae biliyóo, ɔlumé depa sóró bepaae mulatere alakélé yóo, dumipó. Tépatéi, Kótóné atima kaae taru, betere dokó fea atimané naaire ɔla mótua dapó. Hepen bemó betere di-aaɔ Ayané barape kolósu, diɔ kolósu depa, diɔ so whipaae ama hosaa mo turó mulapó.

²⁵ Diɔkó betɔ whiné ama betaaire alamó kisipa muóló whaalia duraalu, ɔ betaaire ba fo sumó ɔloranére?

²⁶ Ai sawatamo ala diăné enénipa, ti mepaae doasi alarapemó noatepa whaalia du betere?

²⁷ Håle yó mole nerape fuatere ala kolóló, kisipa muae. Ai ne fua kémi bisikóló kuti nomotumitei, ama ere au wisi kelaalo mo kokorapó. Atére auné Solomon-né derótua yale kokoi kutiné au bosene falapó.

²⁸ Diă kisipa tiki sawa tiró betere so whirape-ó, haemó hāle yó mole nerapeta mió maaté yóló dó simó biliraaire ɔlatei, Kótóné wisiyóló aurótua dapó. Ai nerapepaae erótu betere alakélé mo bosenóló, diaaɔ deraaire kuti Kótóné sũmó melaalomeipóló de?

²⁹ Diăné naaire ɔla ó wẽimó hosaa turó muóló noa naaloé yóló doasi whaalia du betaɔse.

³⁰ Ti noatepae, hāle hoko betere so whi feané ai ɔla saai dapóló ketekẽ buóló wóputu beteraipó. Ti diăné yaɣatere ɔla hepen bemó betere diaaɔ Ayané ama mo tuẽrapó.

³¹ Térapa, Kótóné tẽteróló kaae tare aɔmó betaai dapóló, ketekẽ buóló kikitũ betepa, ti yaɣa du betere ɔla ɔla ama sũmó melaalo ai ape.

³² Yało *sipsip* hupu malerape-ó, diaaɔ Ayané ama tẽteróló kaae tare ala ɔ wisi kisipa muóló haĩtamo diămó hāle melaalopa, whaalia yaɔse.

³³ Térapa, diaaɔ muó mole ɔla dotonóló *moni* sóró mepaae yolealere so whimó hāle melae. Atétere alané hāle muó tawópóló, *moni* detere be wisi aletapó. Atétepa, ti wisi wisi ɔla hepen bemó hāle muó taru, kemekélé yaalomeipó. Aimó ɔlémi nokole whikélé, hoséli ó ero sinékélé, turukóló doraalomeipó.

³⁴ Mé tikimó naao wisi wisi ɔla mupa, ti naao hosaakélé aimótóro mulapó,” yalepó.

Kutó mo wisiyóló kaae tawale fo
(Mat 24:42-51)

³⁵ “Diɔ kutó dine faairaalu kuti deróló bitu, sɔrapekélé duku beterópóló, dɛróló mulae.

³⁶ Ti atétere alata, mepaae kutó diratere whɔrape atimané doasi whɔ betɔ so dokotere be dɛmó dɛtere ɔla nale feletei fesaae wópóló, kaae tatu dere kaaepó. Atépa, kale whɔ wouraalu be tɔ dupa, ɔ be dolopaae holópóló, hapale atimané be tɔ tukɔyaalo ai ape.

³⁷ Atéro, atima tɛtéróló kaae tare whɔ wouraalu kelerɔlemó, ama ɔla ɔla mo wisiyóló kaae tapa, ɔ hɛkeseturaalu atimapaee mo wisi ala eraalopó. Yɔlo diɔpaae mo i dere ape. Kale topo whɔ ɔ kuti wisi deróló, ama kutó diratere whɔrape wópóló ɔpi fóló, ɔla nokole ni fake tómó kaae tawóló be-taalopó.

³⁸ Kale doasi whɔ ɔ be diliki tuɔmó ó be teó dɛterepaae sókó wouraalu ama kutó diratere whɔrape kelerɔlemó, fea ɔla ɔla sɔmó donoró betepa, ɔ hɛkeseturaalu atimapaee mo wisi alatóro eraalo ai ape.

³⁹ Tépatɛi, i dere fo mo diriyóló wosóló tuɛ muae. Betɔ be talené ama be fulukóló ɔla ɔla ɔlémi saaire whɔ i sukakelemó waalopóló kisipa uɔsóro ti ama be fulukóló ɔla ɔla sóro fópóló kaae tawuɔ meipó.

⁴⁰ Térapa, diɔkélé hotowaró donoróló betae. Ti noatepae, kale Whɔiné Naalema waalomei nisiyóló mokɔleyaa yóló betere tuɔmó waalo ai ape,” yalepó.

41 Tétepa Pitané duraalu, “Tale-ó, naao ai fo salepaae dó faróló dere fo-a, dapaae maaté dépé, so whi feapaaekélé de?” yalepó.

42 Ai fo depa Talene duraalu, “Beta fosó fosóre kutó diratere whi ama doasiné dere fotóró wosóló eró tapa, mepaae kutó diratere so whi apaae teteróló kaae tawae enérapó. Tétu, tukóló muló betere sukamótóró atimané naaire ɔla maté fópóló, ama naase tuámó mulóló a fulapó.

43 Téró kale doasi whi a momó fesaae wouraalu kelerálemó, ama diyae yóló fele kutó mo wisiyóló dipa kilitu, ai whipaae mo doa hekesené sinóló mo wisi ala eraalo ai ape.

44 Yalo diapaae mo i dere ape. Kale topo whiné ama ɔla ɔla fea ai whipaae naao mo wisiyóló kaae tawae yóló ama naase tuámó mulaalopó.

45 Tépatéi, kale kutó diratere whiné ama etei kisipa munérapó. ‘Yalo doasi a foloti feletei hapale wómipó,’ dua dapó. Atéreteiné, a bitu mepaae kutó diratere whiraperó sorapetamo fokosói ala yóló, du beteró a ɔlaró weitamó dekéro nóló topo doyóló keyaa faalopó.

46 Atéru kale doasi whi waalopóló kisipani, mokɔleyaa yóló betere tuámó a sókó wouraalu, kale whi diyóló turukópi sóró kisipa tirénire so whitamó touyóló beterópóló, hókó faraalopó.

47 Ai whiné ama doasiné mole ama kisipa tué irutei, a donoróló bitu doasiné dirae yale kutó diréniyalemó, fokosói ala yóló mo doasi susupuraalo ai ape.

48 Téyaalotei, mepaae kutó diratere whiné atima doasiné mole kisipa bete wisiyóló sinipa, ti ai

whipaae kwia mótukélé sawa tétitóró melóo, dele alakélé dekéro ini, tétitóró dóo yaalopó. Nalo kale doasi wóló, ama doasi alarape teteróló kaae tawae yale whipaae duraalu, yalo yapaae melóló fele kutórape fea maé yóló wosaalopó. Mepaae so whiné me whipaae duraalu, ‘Dané ɔla ɔla kaae tawae,’ yóló huyóló mélipa, ti atima momó fesaee wou ama male sɔróló maé yóló wosaalopó,” yalepó.

Fake tekeyóló, betaalopóló yale fo
(Mat 10:34-36)

⁴⁹ “Ẹta i haepaae waleteta si sóró walepó. Ai si i haemó mo hapale dó holópóló, mo taketi noke uapóló kisipa mutapó.

⁵⁰ Tépa, ẹ mo kae wẹi tópuaaire ala betá moletei kemeraai kaae taru, mo doasi sekené sukutu beterapó.

⁵¹ Ẹ i haepaae waleteta, diaaɔ kisiapané diɔ i haemó betó mole so whitamó hosaa muni deyóló dua betaaire ala sóró walepóló de? Meipó. Yalo diɔpaae mo i dere ape. Ẹta, diɔ fake tekeyóló beterópóló, tekenale walepó.

⁵² Atérené mió i betere alimó kaae sóró, betá bemó aporó so whi betepa, atimasisitei bóe dóló tekeyóló, sore whi kae betóo, tamo whi kae betóo, yaalo ai ape.

⁵³ Atimasisi atéro fake tekeyóló kae bitu, al-
imané naaletamo bóe dóo, naalené alimatamo bóe dóo, hamané senaaletamo bóe dóo, senaalené hamatamo bóe dóo, whiné hama hyama sotamo bóe dóo, hyama soné ama whi hama sotamo bóe dóo, yaalopó,” yalepó.

Dere ala kilituraalu i ala yaalopóló kisipa yaaire fo

(Mat 16:2-3)

⁵⁴ Téró, Yesuné aimó touró betere so wh̄ipaae duraalu, “Suka doropolepaae s̄ako h̄okolo depa kilitu, etei fo dua dapó. Mió hali waairaalu ai dere ape deretei, motóró wua dapó.

⁵⁵ Bes̄ékélé *Saut* depaae wapa kilitu, mió mo dirii suka yaai dapó deretei motóró dua dapó.

⁵⁶ Dīa tó tikiné wisire nisi du betere so wh̄irape-ó, i haemó dere alaró samó dere alatamo ti diaāq mo diriyóló kisiparapó. Mió i alimó dīa tuamó erótu betere ala dīané kilitu betera nalo waaire alimó yaaire ala bete diriyóló tué initere noatepa de?

⁵⁷ Dīané dere ala diaāqtei taleyóló, ita mo dono ala dapóló kisipatere noatepa de?

⁵⁸ Wh̄i mené yātamo fo tokóló só deraai taletere wh̄i beterepaae dapesó fupa, diaamosisi tumó furaalu donoratepa wisirapó. Ti noa yāsóró meipó. Ama yā dapesó fóló, taletere wh̄iné naase tuamó mulatepa, ai wh̄inémo diki tare wh̄irapené topo wh̄iné naase tūapaae mulatepa, yā *dipula* beterāsóró dapó.

⁵⁹ Yālo yāpaae mo i dere ape. Nao melópóló d̄ale mulale *moni* fea melaleteti, kale sonaai *moni* ke mo ti kemeróló menitepa, ti yā sókó feni, h̄ale bitiré faalo ai ape,” yalepó.

13

Kisipa fetenitepa aluyaalopóló yale fo

¹ Ai forape yóló kemeteretamo Pailat-né dale mepaae Kaleli wh̄irapené samea Kótópaae

sukɔlaa dalóló hɔle matere ɔlatamo touróló mótu beteraṗó fo mepaae wh̩rapené Yesupaae ene waleṗó.

² Ai fo depa Yesuné atimapaae duraalu, “Diaaṗ kisipané ai dale Kaleli wh̩rapeta, mepaae hɔle betó mole Kaleli so wh̩né yale dowi ala bosenóló, atima mo doasi dowi ala ereteiné dalepóló kisipa mute?

³ Ténipa, yɔlo diɔpaae i dere fo wosae. Diaaṗ dowi ala taaróló kisipa fetenitepa, ti diɔkélé ai wh̩rape yale kaae yaalo ai ape.

⁴ Ai fo kaae, me i ape. Sailoam be huluumó tene fɔloi be kolokó dorowouraalu, mepaae 18 wh̩rape daleṗó. Diaaṗ kisipané ai wh̩rapené yale dowi alané mepaae Jerusalem be huluumó betó mole so wh̩né dowi ala bosenée faleteiné erapóló kisipa mute?

⁵ Aténipa, yɔlo diɔpaae i dere fo wosae. Diɔkélé diaaṗ du betere dowi ala taaróló kisipa fetenitepa, ti atima yale kaae diɔkélé fea dóló aluraalo ai ape,” yaleṗó.

⁶ Téró, ama atimapaae i fo sale yaleṗó. “Wh̩ betané ama képi du kutómó betɔ nose biliyaletei oloréro keḗ felemó, du betɔkélé olenipa kelaleṗó.

⁷ Atépa, ai kutó talené ama kutó kaae tare wh̩paae duraalu, ‘Ai nose du oloréro ba fo sore tuámó keḗleta yaletei, du mo betɔkélé olere kilinipa, diyó mulae. Ti ai dowi wɔsa daale niné hae fe hɔle kemerópóló, noatepa kaae tawaaloé?’ yaleṗó.

⁸ Ai fo depa, kale wh̩né ɔpaae duraalu, ‘Doa wh̩-ó, ba fo betɔ tuámó yɔlo mepaae keḗlaai ɔla ɔla sóró ai ni betemó munaalopa, daalópóló taalae.

⁹ Waaire ba fo tuámó kaae tarālemó, olotepa ti wisirapó. Olenitepa ti diyó mulaalopó,’ ” yalepó.

Saa naai dāle muló betere sukamó sisó fulukó tare so wisirale fo

¹⁰ Saa nokole be demó Yesu ą fo wosaai tẹ mole berapekó betą bemó Talené ala etérópóló yó mótu betalepó.

¹¹ Tétu beteremó, aimó dowi kepené sisó fulukuró betepatei, 18 ba fo kemere so beterepó. Atéruraalu, ą donoyóló betere alakélé ini, mo heméetóró tarepó.

¹² Atépa Yesuné kolóló ąpaae ape yóló duraalu, “Ti so-ó, yą dokóló muló betere kisi bete mió ai kemeratere ape,” yalepó.

¹³ Atéró, kale soné tikimó naase mulaletamotóró, ama sisó fulukó taretei donone hotepa, Kótóné doi sóró holalepó.

¹⁴ Saa nokole sukamótei Yesuné ai so wisiraterere ala kilitu, ai fo wosetere be kaae tare topo whi ą fopaae butu, aimó betó mole so whipaae duraalu, “Kutó diyaaire be dęrapeta apo miró mulapó. Térapa, diaaą kisi bete wisirópóló depa ti Saa nokole be demó wéni, hąle be dęrapemó wua yae,” yalepó.

¹⁵ Ai fo depa, Talené ąpaae duraalu, “Dią tó tikiné hąle wisire nisi du betere whirape-ó, Saa nokole sukamótei diaaą *bulmakau ó donki* hupurape duló beteretei wẹi nópóló dapesó fua dumié?

¹⁶ Atére kaae, Abraham-né deté yale i betere so dowi Satan-né képiné dokóló muló betepa, 18 ba fo hąle kemeyalepó. Atépa ą fópóló, Saa nokole be demótei, yąlo teraayalepa ai ala dore?” yalepó.

¹⁷ Ama ai fo deremó, ʔatamo dei kisipa muóló só deraaire wh̄rape atimatei hale duraalu, wiyalepó. Téyaletēi, so wh̄i feané ama ai dere ala kilituraalu, kok̄oi ala dapóló doasi h̄ekesené sukutu betalepó.

Mastard niró yist-tamopaae dó faróló yale fo sale

(Mat 13:31-33, Mak 4:30-32)

¹⁸ Téró Yesuné duraalu, “Kótóné t̄eteróló kaae tare aq̄mó mole ala et̄erapóló noa alapaae dó faróló yaaloé?

¹⁹ Ti aita, i ala kaaené kelerapó. Bet̄a wh̄iné *mas-tard* ni ke sawatamo só fóló, kutómó biliyalepó. Atéró kale ni holóló, doasi ami daapa, tetej̄mó sikimó kotere barape sirimó daaneta dua dapó,” yalepó.

²⁰ Atéró, ama kale yale kaae momó duraalu, “Kótóné t̄eteróló kaae tare aq̄mó mole ala noatamo s̄uróló enére?

²¹ Aita, i ala dere kaaepó. Bet̄a soné *flawa* o bula duraalu, *yist* mo sawatamo bulatereteiné doasi o bula alerótua dapó,” yalepó.

Betek̄ene sawa t̄umó fae yale fo

(Mat 7:13-14, 21-23)

²² Ai alarape yóló kemetepa, Jerusalem-paae fole t̄umó t̄e mole doasi be huluaró sawa be hulu-arapemó Yesu faai furaalu, Talené fo yó maté fu betalepó.

²³ Atéró, mepaae wh̄iné Yesupaae duraalu, “Tale doasi-ó, bet̄a bet̄a so wh̄i maaté aluyaqsóró tao saaloé?” yalepó.

24 Ai fo depa ama atimapaee duraalu, “Diā mo sawa betekēne tūmó sókó faairaalu, ketekē buóló fae. Yālo diāpaae mo i dere ape. So whī fea ai sawa tūmó faai dapóló faalotei fenénipó.

25 Ai be talené ama be tū kinó betepa diā wóló belamó daalu tūmó haluróló fo fakeyóló duraalu, ‘Tale doa whī-ó, dā holaai dapa tū tukīyae,’ yaalopó. Ai fo depa ama diāpaae duraalu, ‘Diā maae so whīrapeé?’ yaalopó.

26 Tétepa, diaaḡ i fo yaalopó. ‘Dā fea betāmó bitu, ḡlaró wēitamo náo, yā dāné tūrapemó daalu yó matere fo wosóo, du betale so whīpó,’ yaalopó.

27 Ai fo yaalotei, ama atimapaee i fo yaalopó. ‘Dowi ala yó tare so whīrape-ó, diā maae wale so whīró ę kisipanipa, taae fae,’ yaalopó.

28 Atétepa, diaaḡ Abraham, Aisak, Jekop, mepaae Kótóné whīrapekélé fea ama tēteróló kaae tare be tuāmó betó mupa kelaalopó. Téyaalotei, diā ai be tuāpaae honi, belamó dele doasi sóró wole du bitu, diaaḡ serekenétei diā tukóló nuku betaalo ai ape.

29 Atétere be dēmótóró suka hotereró wale so whīkélé, suka doropoleró wale so whīkélé, u dēpaae wale so whīkélé, i dēpaae wale so whīkélé, mo fea Kótóné tēteróló kaae tare be tuāmó detere ḡla naairaalu, atima betaaire tiki séle séle sóró betaalopó.

30 Mió i alimó mepaae nalo wale so whī folosene fóo, mepaae folosóró fole so whīrape nalone fóo yaalo ai ape. Yālo i dere fota, ḡsókó feni, mo yaalopó,” yalepó.

Yesuné Jerusalem so whi hosaamó sirapóló yale fo

(Mat 23:37-39)

³¹ Atéyale sukamótóró, mepaae Farisi whirape Yesu beterepaae wóló duraalu, “Herot-né yá daai du betera, i be taaróló, metikipaae fae,” yalepó.

³² Ai fo depa, atimapaee duraalu, “Diá fóló, ai whi dóló nokole dowi haqpaee i fo yae. Mióró dótamota, ẹ mepaae kisi daae mole so whiró dowi kepe tepeyóló betere so whitamó wisiróló, sore be dené ti yálo diyaai yale kutó fea kemeróló dālemó sókó fatapó yae.

³³ Téyaalotei, mió ó dó ó duakélé, atimané ẹpaae me ala eratepa taaréni, hāle fó maaté yaalopó. Ti noatepae, Kótóné kóló whi kae tikimó sukutepa aqni, Jerusalem bemótóró sukutepa ti mo dono-rapó.

³⁴ Jerusalem, bemó betó molẹ so whirape-o, Kótóné ama fo eratere kóló whirape dóo, mepaae ama diá beterepaae doteyale whirapekélé kapo duné siróló dóo, dua yalepó. Kale bané malerape ama baase aqpaee buósu dere kaae, diaaq naale senaale yálo atéro buó saalopóló dua yalemó, diāné hōralepó.

³⁵ Térapa, mió diaaq be mo wópu maalo ai ape! Yálo diāpaae mo i dere ape. Ẹ diaaq kilini hāle bitiré fóló, Talené doimó wale whi-ó, Kótóné hamokoróló tao sere alané wisirópóló yae dere sukamó ti ẹ momó kelaalopó,” yalepó.

14

Yesu Farisi whiné bemó ọla naai betere fo

¹⁻² Téró, Saa nokole sukamó Yesu a Farisi whirapekó doi mole whiné bemó ɔla naai fóló beterepó. Atépa, beta hó naase tópure whi Yesu betere felekemó betepa, me alakó déró kelaai kaae tawóló betó molepó.

³ Atépa, Yesuné Farisi whiraperó Moses-né asere fo kisipare whirapetamopaae duraalu, “Saa nokole sukamótei whi wisiratepa fo mulepé, meié?” yalepó.

⁴ Ai fo depa, atimané me fokélé tokó menipó. Atétepa, Yesuné kale whi wisiyópóló tikimó tawóló, turukó hóróló fópóló doteyalepó.

⁵ Atéró, Yesuné atimapaee duraalu, “Diákó whi betané ama naale ó *bulmakau* hupu saa nokole be demótei nóku dolopaae doropóló mupa, téti hapale tao saalo meié?” yalepó.

⁶ Ai fo depa, atimané apaae me fo tokó menipó.

⁷ Téró, atima ɔla naai wale so whirape doasi doi mole whi betere tikimó betaai dapóló fole ala kilitu, atimapaee etei fo sale yalepó.

⁸ “Whi mené ama so dokoturaalu detere ɔla naai ape depa furaalu, doasi doi mole whirape bitua dere ni fake wisimó betaai ekɛle yaɔse. Ti noatepae, ya teteró betere doasi doi mole whirapepaae ape eretei, ya kisipani ai ape.

⁹ Atéró wóló betepa, diaamopaae ape yale whiné duraalu, ya betaai yale tikimó i seké beterópóló, ya hale tikimó betae depa, ya doasi hale saalopó.

¹⁰ Atéyaɔsóró, yapaae ɔla naai ape depa furaalu, doasi doi mole whirape betere ni fake aɔmó hoko betae. Atépa, yapaae ɔla naalopa ape yale whiné

kilituraalu, ‘No-ó, ya i wisi tikimó bit̃i holae yaalo ai ape.’ Atétepa, yaṭamo bet̃amó ɔla nuku betere so wh̃iné keletómó naao doi hale sóró horaalopó.

¹¹ Ti noatepae, mepaae wh̃i dené amatei ʔ doi sóró horatepa, atétere wh̃i ti Kótóné haepaae só deróo, wh̃i me de amatei deróló dua betepa, ti Kótóné ʔ sóró horóló doasi doi mulóo, yaalo ai ape,” yalepó.

¹² Téró, Yesuné ʔpaae ɔla naai ape yale wh̃ipaae duraalu, “Naao suka tuamó ó dikitamo ɔla naairaalu, naao fulumu wh̃irape ó naao norape ó fake so wh̃irape ó yaṭamo felekemó betere néli so wh̃irapepaae maaté ɔla naai ape yóló dape saʔse. Naaotamo ai ala depa, atimapaee erale ala kaae, ʔapaaekélé eraalo ai ape.

¹³ Téni, ai detere ɔla naairaalu, haḷe yolealere so wh̃i ó tiki dore so wh̃i ó hó dore so wh̃i ó kele dilikire so wh̃i fea ape yóló dape supa, ti Kótóné ʔa wisiróló hale horaalopó.

¹⁴ Ti atei kaae so wh̃irapené naao erale alamó ʔapaae momó tokó menanénipó. Naao ai dere alamó saaire dupu wisita, take wisi ala yóló sukʔle so wh̃irape kepaayóló wale sukamó senérápó,” yalepó.

So dokoteremó detere doasi ɔlapaae dó faróló yale fo sale

(Mat 22:1-10)

¹⁵ Atéró, Yesuné ai dere fo wosóló, aimó ɔla nuku betere wh̃irapekó bet̃ané ʔpaae duraalu, “Kótóné t̃eteróló kaae tare aq̃mó bitu, detere ɔla naalopóló kisipa mutu betere so wh̃ita ti Kótóné wisiró beter-apa, doasi haṭné sukutu beterapó,” yalepó.

16 Ai fo depa, Yesuné apaae tokó mótu duraalu, “Whi betané ama doasi ɔla deyaairaa, taleyóló mulóló so whi feapaae naai ape yalepó.

17 Atéró kale whiné ɔla deyaaire be de wapa, ɔla naai ape yale so whi dapesene fópóló, ama kutó diratere whi dotonalepó. Atétepa, a fóló atimapaae duraalu, ‘Mió ɔla taleróló muló betepa faalopa ape,’ yalepó.

18 Atéró deté kweyaleteti, atima fole hómó kutórapené bipi epa fenénipó dua yalepó. Folosóró whi betané duraalu, ‘No-ó, yalo dóti dupuyóló diyaaire kutó keke faaireteiné, e yátamo faalomeipó,’ yalepó.

19 Kale dere fo kaae whi menékélé duraalu, ‘No-ó, e ta yalo dóti dupuyale naasetamo *bulmakau* hupurapené dere ala keke faaireteiné yátamo fenénipó,’ yalepó.

20 Whi menékélé kale dere fo kaaetóro yóló duraalu, ‘No-ó, e so mo dótóro dokóló betereiteiné yátamo fenénipó,’ yalepó.

21 Atétepa, kale kutó diratere whi momó fesaae wóló, whirapené yale fo ama doasipaae yalepó. Tétepa, kale be tale a fopaae buóló ama kutó diratere whipaae duraalu, ‘Ya mo hapale fóló ai doasi be hularó sawatamo be huluatamopaae fole tumó yolealere so whikélé, tiki momaare so whikélé, keke dilikire so whikélé, hó naase dore so whikélé, fea wópóló dapesene fae,’ yalepó.

22 Ti fo depa, ama yae yale alarape yóló kilipaae kale kutó diratere whiné duraalu, ‘Doa whi-ó, naao epaae yae yale alarape fea yalo sumó yaleteti,

mepaae whi beteraaire de hãle ai mune fale ape,' yalepó.

²³ Tétepa kale doasi whiné ɔpaae duraalu, 'Ya doasi turapemó fóló, tɔ demó betó mole so whikélé fea dape siré kweyóló wapa, ti be kerape fea sunérapó.

²⁴ Yalo yapaae i dere ape. Mepaae whi de ɔla naalopa ape yalemó wéni yale so whirapeta, yalo doasi detere ɔla mo sawakélé hoteyaalomeipó,' yalepó.

*Filipaa ni beleyóló fenitepa Yesuné yó matere
whi betenénipó ere fo
(Mat 10:37-38)*

²⁵ Téró, so whi mo hãle ɔla kaae Yesutamo fu betepatei, Yesu fetée wóló i fo yalepó.

²⁶ "Mepaae so whi detamo ɛ beterepaae wouraalu, ti ama aya ó hae ó ama so, naale senaale ó ama noraperó nerapetamopaaekélé ó ama betere betekélé hóróló bóe dinitépa, ti ɔ yalo dere fo wosóló yó matere whi betenénipó.

²⁷ Mepaae whi dené ɔ oleraaire filipaa ni amatei beleyóló ɛ sya anitepa, ti atétere whikélé, yalo yó matere whi betenénipó.

²⁸ Diakó betɔ whi ama kisipanétamo, doasi fɔloi be olekeyóló tɛyaairaalu, ama tare *moniné* sumó tɛnéréró kisipanépi talenérápó.

²⁹⁻³⁰ Ti noatepae, be tɛyaai folosóró bete kaat-uraalu, dirii eleké bilitapó. Téteretei, kale be kemerénipa kilitu, mepaae so whiné dɔ nanóló doka doka duraalu, i sekéné mo folo tɛale betei kemerénipóló dɔ nanaalopó,' yalepó.

³¹ Fo sale me i ape. Me hae kwia teteróló kaae tare topo whinė me hae kwia teteróló kaae tare topo whıtamo bóe dęle faairaalu, 10,000 diki tare whıraperó me topo whinė 20,000 diki tare whırapetamo bóe dupa, 20,000 diki tare whırape dóló kemeraalopé neté yaalorópóló kale topo whı ą kisipapi tekenérápó.

³² Atéró bóe whırape mo umó wou betepatei, ama kisipanétamo atimatei betapaae dęlépa, ti bóe dele ala taarópó. Mió dą bóe fiyóló dua betaalopó fo ene fae yaalopó.

³³ Atétere kaae, diąkó whı me dené ama muó mole ąla ąla fea me ąla meipóló taarénitepa, ti yąlo fo eratere whı betenénipó.

³⁴ “Kóta, mo feléi ąla wisitei ama felé kemetepa, ti momó kae neyóló felé bulaaloé?

³⁵ Atéró felé initere kóta, ąla betepaaekélé munéni, hąle tikipaae taae fatua dapó. Mepaae whı detamo wosęli dapa, ti i dere fo wisiyóló wosópóló yae,” yalepó.

15

*Aluyale sipsip hupupaae dó faróló yale fo
(Mat 18:12-14)*

¹ Téró, mepaae *takis moni* sere whıraperó so whinė dowi ala dere whırapepó du betere whırapetamo Yesuné dere fo wosaai ą beterepaae tourąle wóló betó molepó.

² Atépa, mepaae Farisi whıraperó Moses-né asęre fo yó matere whırapetamoné Yesu kikiti eratere fo yóló duraalu, “I whinėta dowi ala du

betere wh̄irapetei, touróló ɔla betamó nuku beter-apó,” yalepó.

³ Ti fo depa, Yesuné atimapaee etei fo sale yalepó.

⁴ “Diakó wh̄i betané 100 *sipsip* hupurapekó betā hupu alupa, 99 hupurape h̄ale tuā tikimó beteróló, alure hupu keketé kw̄eyóló dape sumié?

⁵ Atéró, dape supa, ǵ h̄ekesené sukóló bepaae dapesó wua dapó.

⁶ Atéró, bepaae só fóló, ama fulumu so wh̄iró be wh̄i so wh̄itamopaae tourāle ape yóló duraalu, ‘Yālo kale aluyale hupu kekitu beteró dape salepa, diākélé fea ɛ dere kaae h̄ekese yae,’ yaalopó.

⁷ Yālo diāpaae i dere ape. Atétere kaae, betā dowi ala du betere wh̄i kisipa tiki feteyóló Kótó beterepaae wapa, ti hepen bemó mo doasi h̄ekese dere alané i haemó dere h̄ekese t̄eteróló bosene falapó. Téretei, mepaae 99 so wh̄iné duraalu, dā me dowi alakélé dumipa, kisipa tiki h̄ale neyóló feteyaaloé dere so wh̄ipaae h̄ekese doaló dumipó,” yalepó.

Aluyale moni kepaae dó faróló yale fo

⁸ Ai ala kaae me i ape. “So betané *silpa kapané* aleyale naasetamo *moni* kekó betā alutepa, ama noa ala yaaloé? Kekaairaalu s̄a d̄eyóló be tuāmó muó mole mome wisiyóló fuóló kekóló mupa sumié?

⁹ Atéró su, ama fulumu so wh̄iró be wh̄i so wh̄itamopaae kale aluyale *moni* ke saleteiné dā h̄ekese yaalopa, diā fea betāpaae tourāle ape enérápó.

¹⁰ Yalo diapaae i dere ape. Ai ala dere kaae, mepaae whi de ama dowi ala taaróló, kisipa feteyóló Kótópaae wapa, ti ó hepen bemó betere *ensel-rape* mo doasi hekesené sinaalo ai ape,” yalepó.

Aluyale naalepaae dó faróló yale fo sale

¹¹ Atéró, Yesuné ama deté wou betere fo tómó me i fo yalepó. “Whi betané naale tamo beterepó.

¹² Téru, me deke naalené alimapaae duraalu, ‘Apa-ó, naao yalo no damomó melaai muló betere ɔla ɔla bukóló ɛmaletamo ɔlae,’ depa, alimané naalema tamo tuámó bukuralepó.

¹³ Atéró kale deke naale alimané melale ɔla ɔla fea sóró, mo saletó tikipaae felepó. Atéró bitu, mepaae kae kae ala hoko deté fu beteró, ama kale sóró fele ɔla ɔla fea kemeralepó.

¹⁴⁻¹⁵ Atéró beteremó, ai hae kwiamó doasi wote ali wóló ɔ naaitere ɔlakélé meitepa, ɔ fóló whi betapaae duraalu, ‘Naao me kutókó mupa yalo diraalo pó yóló wosalepó.’ Ti fo depa, kale whiné ama hupurape kaae tawaaire kutó betá mulapa dirane fae yóló doteyalepó.

¹⁶ Atéró fóló, kale hupurape kaae tapa mené ɔmó nokole ɔlakélé menípó. Tétepa, ɔ wotemó kale hupurape matere besaae bolo naai kisipa mutu betalepó.

¹⁷ Atétu ama take muale kisipa feteyóló, momó wisi kisipa muóló duraalu, ‘Yalo ayané ama kutó diratere whirapeta, ɔla dekéro mupa nuku betereitei, ɛ imó wotené sukutapó.

¹⁸ Tétereteiné, mió ɛ momó yalo aya beterepaae fesaae fóló i fo yaalo pó. Apa-ó, ó hepen-mó betere

Kótópaaekélé, yapaaekélé yalo wisi ala eréni, mo doasi dowi ala eralepó.

¹⁹ Atéyaleteiné, mió ę naao naale aqóréni, kutó diratere whirape kaae beterae,' yaairaalu faai kisipa mualepó.

²⁰ Atéro tuę teketu betero, kale naale ą betere tiki taaróló, alima beterepaae momó fesaae felepó. Atéro kale naale mo umó wou betepa alimané kolóló, ama hosaamó suraalu, ą mo hapale sururu yóló fóló, apuó taru kóló tukó nalepó.

²¹ Atétepa kale naalené alimapaee duraalu, 'Aya-ó, naao kele tómókélé, hepen bemó betere Aya Kótóné kele tómókélé, mo doasi dowi ala yalepó. Téyalepa, mió ę naao naale aqraqse,' yalepó.

²² Téyaletei, kale naale alimané ama kutó diratere whirapepaae duraalu, 'Dią mo hapale fóló, ąmó deraaire kuti wisi sóo, naasemó bulaaire bi sóo, hómó horaaire hęleke be sóo, yóló derae,' yalepó.

²³ Atéro, ama kutó diratere whirapepaae duraalu, 'Dané ą hękeseróló ęla deraalopa, betą ser-aa*i bulmakau* hupu male sene fae.

²⁴ Ti noatepae, yalo i naaleta sukaletei momó kepaayóló biture kaae erapó. Mo ti aluyale whitei momó dape sóró biture kaae epa, mió dané ąmó ęla deróló hękese yaairaalu i dere ape,' yalepó.

²⁵ Até du betepa, kale whinė topo naale kutómó daai be bela felekemó sókó walemó, *kitatamo* wole fo yóló, kilitu betere fo wosalepó.

²⁶ Até du betepa, ama kutó diratere whirapekó

betapaae ape yóló duraalu, ‘Doa ai-a, noa ala-maaté du bitu de?’ yalepó.

²⁷ Ti fo depa ama apaae duraalu, ‘Naao no me alakélé ini, mo wisiyóló sókó waleteiné, ayanaaoné seraai *bulmakau* hupu male dóló ɔla i derótu betere ape,’ yalepó.

²⁸ Ai du betere ala kilitu, kale topo naalené alimamato doasi fopaae buóló, bepaae hotere hōyóló belamó dalepó. Atépa, alima doropóló naalema be dolopaae holópóló, bératere fo yalepó.

²⁹ Téyaletei, ama alimapaae duraalu, ‘Kelere! Ba fo dokɔ fea ɛ naao wae sóró kutó diratere whi kaae bitu, hókélé ini naao erae dere ala yalo eró tawalepó. Téyaletei, yalo fulumu whirapetamo dóló nópóló, naao *meme* hupu male betákókélé menipó.

³⁰ Até yaletei, naao ai naale hoko nópumó kutu beteró naao melale wisi wisi ɔla fea aluróló wapatei, naao amó seraai *bulmakau* hupu male dóló ɔla ai deratere ape,’ yalepó.

³¹ Ai fo depa alimané duraalu, ‘Ti naale-ó yata, suka fea ɛtamo betereteiné yalo mole ɔla ɔla feata, ti naaotóro ai ape.

³² Téreteiné da fea həkese duraalu, amó ɔla deralepa, ya depe sekeni həkese yae. Ti noatepae, naao no a mo ti sukale whi momó kepaayóló wóló biture kaae epa ɔla deratere ala taarēni, mo enérápó. Ata, aluyale whitei, momó sókó wapa dape sóró i betere ape,’ ” yalepó.

16

ɔla ɔla tɛtéróló kaae tawae yale fo sale

¹ Téró, Yesuné ama yó matere wh̄rapepaae i fo yalepó. “Wh̄i mené bet̄a néli wh̄ipaae duraalu, naao ɔla ɔla kaae tare wh̄iné wisiyóló kaae tani, h̄oko besekérótu beterapó depa wosalepó.

² Atei fo depa, ama sóró beterales wh̄ipaae ape yóló ɔpaae woseturaalu, ‘Naao du betere ala mené ɔpaae ene walepa, naao ȳalo ɔla ɔla netéró kaae tare? Mió naao ditu betere kutó kemeraai dapa, naao t̄eteróló kaae taru deté wale ala fea ɔpaae yae,’ yalepó.

³ Ai fo depa kale wh̄iné ama kisipanétei duraalu, ‘Ȳalo doasiné ɛ melale kutó kemeratepa, mió ɛ noa kutókó diyaaloé? Hae duk̄iyaaire fotok̄okélé buni yóo, me wh̄ipaae ɔla kema dere alakélé, hale yóo ereteiné, ɛ noa ala yaalorópó.

⁴ Tépat̄ei, ɛ i kutó taaróló fupa, mepaae so wh̄iné ɛ mo wisiyóló dape sópóló, i ala bet̄a yaai kisipa mutapó,’ yalepó.

⁵⁻⁶ Atétepa, kale wh̄iné ama doasiné ɔla ɔla kwia mulóló sale wh̄irape bet̄a bet̄a ape depa, walepó. Atéró kale folosóró kwia mulóló sale wh̄ipaae woseturaalu, ‘Ȳalo doasiné ɔla naao meteró saleé? depa, ama duraalu, d̄ale 4000 *lita olip wel* w̄ei salepó,’ depa, kale wh̄ipaae duraalu, ‘Ȳa hapale fóló sawa betéró, naao sale 4000 *lita wel* w̄ei d̄ale helekóló, 2000 *lita as̄eyae*,’ yalepó.

⁷ Téró, kale dere kaae me wh̄ipaae woseturaalu, ‘Naao ȳalo doasiné ɔla meteró saleé?’ depa, kale wh̄iné duraalu, ‘*Whiti* yorape 1000 salepó,’ yalepó. Ti fo depa, kale wh̄iné ɔpaae duraalu, ‘Naao melaai sale kwia as̄ereitei helekóló 800 as̄eyae,’ yalepó.

⁸ Atéró, kale ɔla ɔla talené ama sóró betemale whi wisipa meitei a dukiróló duraalu, 'I whita ɔlémi nuku bitutei, topo daalu fosó fosói ala maaté du beterapó. Ti i haemó betere so whi atimasisi u tao su i tao su dere ala mepaae so whiné kilitu, mo fosó fosóre so whipóló dukiratere alané, kale de tuamó betó mole so whi teteróló ketei aqratapó,' yalepó.

⁹ Yalo diapaae i dere ape. I haemó bituraalu, naao sere *moni* mepaae yayare so whi tao sóró hale melae. Atéró fea melóló kemeratepa, atimané ya mo ti te tare bepaae holae yóló dape saalo ai ape.

¹⁰ Mepaae whi dené sawa kutó mo wisiyóló kaae taru dirótu betepa, so whiné kilitu i sekéné kutó mo dono ditapóló kisipa tiratere whinéta ti doasi kutókélémo wisiyóló diranérápó. Mepaae so whi denétamo sawa ɔla mekó ɔlémi supa, ti doasi ɔlakélé ɔlémi senérápó.

¹¹ Atétepa, i haemó muó mole ɔla ɔla diaaɔ wisiyóló kaae tawaaire sunipa, mo ti muó tare wisi wisi ɔla diapaae kaae tawae yóló né melaaloé?

¹² Me whiné diapaae kaae tawae dere ɔla ɔlatamo diaaɔ mo wisiyóló kaae tanitepa, naao mo ti muó tawaaire ɔla yamó né melaaloé?

¹³ Beta kutó diratere whinétei, doasi topo whi tamoné kutó diranénipó. Atétepa, ti me whipaae yaala sókó fóló mulu, ama kutó diróo, me whi hóróló ama erae dere alakélé eréni yóo, yaalopó. Ai ala dere kaae, beta whinétei Kótóné kutóró mepaae *moni* saaitere kutótamo touróló diranénipó," yalepó.

14 Ai fo depa, mepaae *monimó* hosaa muóló ekɛlere Farisi wh̄rapené Yesuné ai dere fo wose-turaalu, faleyóló doka doka du betalepó.

15 Ti fo depa, ama atimapaee duraalu, “Diɛné ai du betere ala so wh̄iné kilitu, mo wisirapó du betepatei, diaaɔ hosaa tuamó kinóló mole ala ti Kótóné kolóló mo kisiparapó,” yalepó. Atétepa, ama atimapaee duraalu, “Mo so wh̄inéta, diɛné mo doasi bete mole ala dapó du betepatei, Kótóné keletómó ti bete muni, mo sonaalérápó.

16 Kale Moses-né asɛre foró Kótóné kɔló wh̄rapetamoné yó maté waleteti, Jon betale alimókélé taaréni, haɛ yó matétóró fu beterepó. Atétu betepa, Kótóné tɛteróló kaae tare aɔmó mole kisi fo wisi wosaai dapóló haɛné sukuturaalu, so wh̄i fea aipaae alaletamo fu beterapó.

17 Ti sɔró haetamota kemeyaalotei, Kótóné fo kwia mo sawakélé aluyaalomeipó.

18 Wh̄i me dené ama topo so tokó daaróló so me kae dokotepa, ti Kótóné fɔ tukóló nópu nukulapó. Wh̄i me dené me wh̄iné tokó daalale so dokotepa, ti aikélé yóló muló betere fo tukóló nópu nukulapó,” yalepó.

Néli wh̄iró Lasarus-tamoné yale ala

19 “Téró suka fea kelaalo mo kokɔi sonaa kuti maaté derótua yóo, mo feléi wisi ɔla maaté nóo du betere néli wh̄i beterepó.

20 Ai néli wh̄iné ama be tɔ sókó walemó yoleale wh̄i humu fulu daayóló bitu, suka fea ɔla kematu betere wh̄iné doi Lasarus beterepó.

21 Atéró bitu, ɔ wote depa kale néli wh̄i ni fake tómó ɔla nukuraalu, folope sorokóta deretei

naai kisipa mutu betepa haorapené ama humu ʔe nukua depakélé, dowʔae fóló beterepó.

22 Ai ala du betere tuámó kale whi Lasarus sukutepa, *ensel*-rapené ʔa beleyóló fóló, Abraham betere uté tēró beteralepó. Atéró ʔa sukʔale kilipaae kale néli whikélé sukutepa douralepó.

23 Téró, kale néli whi mo ti dó tare simó duku bituraalu kese falalemó, kale Lasarus Abraham-tamo daapa kelalepó.

24 ʔa atépa kolóló duraalu, ‘Aya Abraham-ó, naao ʔe kʔle depata, ti kale Lasarus-né naase doumó wēi fē eróló yʔalo hape siri bulʔale wópóló dotēyae. Ti noatepae, ʔe siné dukuraalu doasi dele sereteiné dapó,’ yalepó.

25 Ai fo depa Abraham-né duraalu, ‘Ti naale-ó, aita mo deretei, naao kisipa muae. Take yʔa haemó betale sukamó wisi wisi ʔlamaaté su betalepó. Até du betepa, Lasarus ʔa dowi ʔla sua yaletēi, mió ʔa imó hosaa muni deyóló hēkesenē sinitu betepa, yʔa doasi dele ai su betere ape.

26 Téretei, dʔa imó betere whi aipaae wóo, atéró betere whi ipaae wóo yaq́sóró, tuámó doasi fao muló betereiné dʔa aipaae tē wonénipó,’ yalepó.

27 Ai fo depa, kale whiné Abraham-paae duraalu, ‘Aya Abraham-ó, Lasarus yʔalo ayané bepaae fóló norapepaae ene fópóló yae.

28 Ti noatepae, yʔalo norape aporó betepa, ʔe doasi dele su betere tikipaae atimakélé waq́sóró, ene fópóló dapó,’ yalepó.

29 Ti fo depa Abraham-né duraalu, ‘Moses-ró Kótóné kʔló whirapetamoné yó mótu betere fo

wosóló, atima kisipa feteyóló tué tiki tiratepa, ti té yópólópó,' yalepó.

³⁰ Ai fo depa, kale whiné Abraham-paae duraalu, 'Aita mo deretei, sukale so whi fólótamo depa, ti atimané du betere dowi ala taaróló, kisipa feteyóló waalopó,' yalepó.

³¹ Ti fo depa ama duraalu, 'Moses-ró Kótóné kóló whirapetamoné yó mótu betere fo wosenitepa ti sinóló kepaayóló wale whiné dere fokélé wosóló kisipa tiki tiraalomeipó,' " yalepó.

17

Dowi alamó dée nalatere whi sekei ala erópóló yae yale fo

(Mat 18:6-7, 21-22, Mak 9:42)

¹ Téró, Yesuné ama yó matere whirapepaae duraalu, "So whi fea dowi ala yóló dée nópóló kae kae susera alarape waalo ai ape. Té yaalotei, whi me dené me whi dowi ala yópóló dée nalatepa, ti atétere whipaae doasi sekei ala eraalopó.

² Diakó mé whiné i betó mole naale senaale belekātikikó dowi alamó dée nalatepa, ti atétere whiné depamó képi dulóló, doasi kapo fake oleróló wēi kēlapaae taae deróluasóro mo wisi uapó.

³ Atérapa, diaaḡ dere alarape diānétei mo hotowa yóló kaae tawae. Naao notamo mepaae dowi ala depa, ti atékesé yóló ḡ foné sae. Ténalemótamo, naao dere fo wosóló ḡ kisipa feteyóló wapa, ti ama yale ala me ḡla meipóló ḡle kemerae.

⁴ Betḡ be demótei, naao noné wēikeró félimó yapaae dowi ala eralepóló, ya beterepaae fesaae wóló, 'No-ó, ḡalo yapaae wēikeró félimó dowi ala

eraleteiné doasi kōleó ene wapa,' ti naaomo kwia tani, me ɔla meipóló hāle kemerae," yalepó.

⁵ Téró, Kótóné ama fo erāle fōpóló doteyāle whīrapené duraalu, "Tale-ó, ɗané kisipa tiki doaló tiró bitinireteiné mo diriyóló tiraai dapa, naao ɗa yó ɗlae!" yalepó.

⁶ Ti fo depa Yesuné atimapaee duraalu, "Diɗ kisipa tiki tiró betere alatamo mo sawa *mastard* niné ke kaae bupa, ti i daale *malberi* nipaae naao feleke turó tokóló, doasi wēi kēla tuamó daane derepae depa, naao dere fo wosóló mo téyaalo ai ape.

⁷ Diɗkó betɗ whīné ama kutó diratere whī ɔla wae biliyaai hae dukiyóló mulale fóló, ó *sipsip* hupu kaae tane fi teó waletamotei kale doasiné ama kutó diratere whīpaae, 'Yɗ ɔla naasepóló ha-pale ape,' fo dua de? Meipó.

⁸ Doasi whīné atei fo yaalomeitei, etei fota ti enérápó. 'Yɗlo naaire ɔlaró wēitamopi donoróló, ɛ nuku betepa ti naao naaire ɔla donoraasepólópó dua dapó.'

⁹ Kale kutó diratere whīné ama doasiné ɗpaae dirae dere kutó fea diyóló kemeratepa, ama doasiné ɗpaae mo kée fo dua de? Meipó.

¹⁰ Atétere kaae, Kótóné ɗiɗpaae dirae dere kutó diyóló kemetepa, ɗiaaɗtei ɗiɗ bopé fake enére? 'Dɗa, whī wisi meitei, ɗané ditere kutóró diyalepó fo enérápó,' " yalepó.

Naase tamo whīrape dowi humu fuluné tiki dopa wisirale fo

¹¹ Ai fo yóló kɪlipaae Yesu ʔ Jerusalem be huluapaae sókó faairaalu, Samariaró Kaleli haetamo dʔale tuʔmó fu betalepó.

¹² Atéró ʔ betʔ be huluamó sókó felemó, dowi humu fuluné tiki dore naase tamo whɪrape ʔtamo hokolaa yaai wóló, mo tumó daae molepó.

¹³ Atéró daalu fo fake yóló duraalu, “Doa whɪ Yesu-ó, naao dʔ kʔlené sukutu tao sae!” yalepó.

¹⁴ Ai fo depa, Yesuné atima kelalemó kʔlené sukutepa duraalu, “Diʔ fóló, so whɪmó momaratere whɪrapepaae diaaʔ tiki yó melale fae,” yalepó. Atétepa, atimané tiki yó melaai tʔ tuʔmó fu betepatei, atimané dowi humu fulu torokó fóló wisiyalepó.

¹⁵ Atétepa, atimakó betʔ whɪné ama tiki fopeyalemó wisipa kilituraalu, momó fesaae fóló fo fakeyóló Kótóné doi sóró horaté fu betalepó.

¹⁶ Até deté wóló, Yesu daale felekemó deraapisa fóló mulu, mo kée du betalepó. ʔta, Samaria hae kwiamó wale whɪkópó.

¹⁷⁻¹⁸ Tétepa, Yesuné atimapaae woseturaalu, “Mepaae naase tamo whɪrape yʔlo wisiréníe? Ita, kae fake whɪtei Kótóné doi hale sóró horatapa, Naase aporó kemeyóló douró whɪrape-a, neyʔléé?” yalepó.

¹⁹ Téró ama ʔpaae duraalu, “Naao kisipa tiki tiró betale alané yʔ wisiralepa, turukó holóló mo dua fae,” yalepó.

*Kótóné tɛtéróló kaae tare ala wóló mulapóló yale
fo
(Mat 24:23-28, 37-41)*

²⁰ Atéró, me sukamó Farisi wh̄irapené Yesupaae duraalu, “Kótóné t̄eteróló kaae tare ala noa be demó wapa so wh̄i feané kelaaloé?” yalepó. Ti fo depa Yesuné atimapaee duraalu, “Kótóné t̄eteróló kaae tare alata, wh̄iné kelené kolóló tūe yópóló me fareyópu kae yaalo meipó.

²¹ So wh̄i feané imó ó umó wóló beterapó fo enénipó. Ti noatepae, Kótóné t̄eteróló kaae tare alata, mió dīa tūamó i wóló mole ape,” yalepó.

²² Téro, ama yó matere wh̄irapepaae duraalu, “Take waaire be d̄erapekó bet̄a tūamó kale Wh̄iné Naalema kelenée du betaalotei mó kelaalo meipó.

²³ Atéró kekitu betepa, mepaae so wh̄iné duraalu, ‘Kale Wh̄iné Naalema umó wóló beterapó,’ ó ‘Imó wóló beterapó,’ depa, mo dere nisyóló sya faq̄se.

²⁴ Ti noatepae, kale Wh̄iné Naalema ̄a wouta, ep̄ee duraalu hae kwia fea d̄eyó fu dere kaae yaalo ai ape.

²⁵ Ai alarape fea yaaipatei, folosóró ̄api kae kae susupui ala supa, ti mió i alimó betó mole so wh̄iné ama fo woseni, ̄a h́oraalo ai ape.

²⁶ Take Noa betale alimó yale kaae, mió Wh̄iné Naalema waaire alimókélé atétóró yaalo ai ape.

²⁷ Take Noa betale alimó, so wh̄i fea ̄laró w̄eitamo nokole alakélé, so wh̄itamo beteratere alakélé, wh̄i so dokotere alakélé, deté fu betepatei, Noasépi nuku tūapaae bit̄i horalepó. Até d̄eretamotóró, atima ai du betale ala kemene felepó. Atéturaalu, doasi w̄ei dukulé horóló so wh̄i fea sisiraae felepó.

²⁸ Ai yale kaae, take Lot betale alimókélé, so wh̄i

fea wisiyóló bitu ɔlaró wɛitamó nokole alakélé, ɔla ɔla dotonóló duputere alakélé, ɔla wae bilitere alakélé, be tɛtere alakélé, fea deté fu bitipakalepó.

²⁹ Atétu betepatei, Lot ɔ Sodom be hulua taaróló foletamotóró hepen bemó siró kapo whaa kaae ere *sulpa* sitamo hali kaae dorowóló, so whi fea doralepó.

³⁰ Atétu yale kaae, kale Whiné Naalema mió kinóló beteretei hakeamó wapa, so whi feané ke-laalo ai ape.

³¹ Atétere sukamó, whi me ama siki bemó biti hae bemó mole ɔla wisi saai dapóló derepaɔse. Kutómó daale whi momó fesaae fóló, bemó mupa wale ɔla momókó sene faɔse.

³² Ti noatepae, Lot-né soma yale ala kisipa muae.

³³ Mepaae whi de yało ala erótutei, ama betere bete me ala yaɔsórópóló, amatei hotowayóló kaae tapa, ti atétere whiné betere bete aluyaalopó. Tépatei, whi me dené ama betere bete me ɔla meipóló taalatepa, ti ama betere bete aluni, mo ti muó tawaalopó.

³⁴ Yało diɔpaae i dere ape. Dilikitamo whi tamo betɔ besekémó fipatei, me whi dapesó furaalu, me whi fipa taaróló faalopó.

³⁵ So tamo *flawa* o bula yaai derɔketu betepa, me so dapesó furaalu, me so taaróló faalo ai ape,” yalepó.

³⁷ Tétepa, kale yó matere whirapené Yesupaae woseturaalu, “Tale-ó, ai alarape-a momó eratepa kelaaloé?” depa, ama duraalu, “Na ó hupu kɛlaai nokole barape sikimó sɛ kwɛyóló bopétu betepa, ti

ama naaire ɔla kɛlaai mupa ai dere ape yóló kisipa yaalopó,” yalepó.

18

Tao sae yóló dotopo du betale wulia sopaae dó faróló yale fo

¹ Ai fo yóló kemetepa, Yesuné ama yó matere whirapené Talepaae momatere ala hɛle yó tanópóló, etei fo sale yalepó.

² “Ai doasi be huluamó fo tokóló taletere whi betɔ beterepó. Ai whita, Kótó kolóló witere alakélé ini, dotoróɛ falepó.

³ Ai be huluamó betɔ wulia so beterepó. Ai so ama bóe whiné ɛtamo fo tokóló só deraɔsóró ɛ tao sópóló, suka fea fo taletere whi beterepaae eneta du betalepó.

⁴⁻⁵ Kale soné betɔ fo maaté eneta du betepa, ɛ hóturaalu i fo yalepó. ‘Èta, Kótókélé mo so whikélé, kolóló wi inire whitei, i wulia soné ɛ tao sae yóló dotopoi fo maaté eneta yó taneteiné ɛ hótɛpa ɛ tao saalopó,’ ” yalepó.

⁶ Téró Talené duraalu, “Kale fo tokóló taletere dowi whiné i sopaae yale fo wosóló kisipa muae.

⁷ Kótóné ama sorokó su yóló beteró betere so whiné dɛtamokélé, dikitamokélé, kematóró yó tapa, ai kematere ɔla ama melaalomeié?

⁸ Yɔlo diɛpaae i dere ape. Kale fo tokóló só deraaire whiné diɛ só deraɔsóró, ama mo hapale tao saalo ai ape. Téyaalotei, kale Whiné Naalema i haepaae wale sukamó so whi fea kisipa tiki tiró betepa kelaalorópó,” yalepó.

Farisi whiró takis moni siré kotere whitamone yale ala

⁹ Yesuné i fo sale atimapaee yó mótu duraalu, mepaae whi atimata mo donoi ala dapóló bopé faketuraalu, mepaae so whi teteratere alamó Yesuné etei fo sale yalepó.

¹⁰ “*Taks moni* sere whiró Farisi whitamoma yaairaalu, momatere be dolopaae holalepó.

¹¹ Téró, kale Farisi whi ă turukó holóló daalu amatei, ămó etei kaae moma yalepó. ‘Tale Kótó-ó, ęta mepaae whirape dere kaae ęla ęlémi nokole alakélé, nópu nokole alakélé, mepaae dere dowi alakélé, ó i daale *takis moni* sere whi kaae bitinipó. Tėru yălo yăpaae mo kée dapó.

¹² Ęta, betă fulamótei be dę tamomó ęla néni, weyóló hăle bitu, yălo ęla ęla naase tamo moletei dekeyóló, betă Talepaae mótua dapó,’ yalepó.

¹³ Téyaletei, kale *takis moni* sere whi ă mo tumó daalu, hepen bepaae kese horéni haepaae hemée deyóló daalu, ‘Tale Kótó-ó, ęta dowi ala dere whipa naao kolené sukutu, yălo dowi ala kwia kemerae,’ yalepó.

¹⁴ Yălo diăpaae i dere ape. Kale nalo momay-ale *takis moni* sere whinė ama dowi ala Talené kemeratepa, ă haıtamo bepaae feletei, me whinė ama dowi ala hăle mupatei felepó. Mepaae whi de amatei ă deróló dua betepa, ti Kótóné ă sóró horaalo ai ape,” yalepó.

*Naale belekqatiki Yesupaae dapesó wale fo
(Mat 19:13-15, Mak 10:13-16)*

¹⁵ Téró so whi feané teó sóró betó mole naale senaale tikimó Yesuné naase mulópóló,

à beterepaae dapesó wua dere ala kilitu, ama yó matere wh̐rapené dapesó wakesé yóló, atima foné salepó.

¹⁶ Téyaleteti, Yesuné kale naale senaale à beterepaae dapesó ape yóló duraalu, “Atei kaae naale belek̐atiki ẹ beterepaae wópólópa, sesékese. Ti noatepae, Kótóné t̐teróló kaae tare aq̐mó betaaire alata, atei naale senaale belek̐atiki kaae fóló betenérápó.

¹⁷ Yálo di̐paae mo i dere ape. Mepaae so wh̐ detamo i betó mole naale senaale belek̐atiki kaae betepa, ti Kótóné t̐teróló kaae tare aq̐mó sókó fóló betenérápó,” yalepó.

*Néli wh̐iné Yesupaae wosale fo
(Mat 19:16-30, Mak 10:17-31)*

¹⁸ Atéró, betà Juda topo wh̐ wóló Yesupaae woseturaalu, “Yó matere wh̐ wisi-ó, mo ti betere bete saairaalu, yálo noa alakó yaaloé?” yalepó.

¹⁹ Ai fo depa, Yesuné ̐paae tokó mótu duraalu, “Betà wh̐kélé wh̐ wisi bitini, Kótó à betà wisir-apa, naao ẹpaae noatepa wh̐ wisi-ó fo de?

²⁰ Ti noatepae, kale tukóló muló betere fota, naao dos̐ayóló ai kisipare ape. So nópu na̐se, wh̐ da̐se, ọlémi na̐se, me wh̐ dilikóló kapala fo ya̐se, naao hae aya aq̐mó mo dua betae erapó,” yalepó.

²¹ Ai fo depa, kale wh̐iné tokó mótu duraalu, “Ai alarape feata take ẹ ketemó bitu deté waleteti, miókélé h̐le yótóró tarapó,” yalepó.

²² Ai fo depa, Yesuné ̐paae duraalu, “Mo betà ala betà yà y̐y̐rapó. Térapa, naao muó mole ọla ọla fea dotonóló, *moni* sóró mepaae yolealere so

whimó melae. Atéro yaṭa, hepen-mó mole wisi wisi ɔla saasepóló ɛ sya ape,” yalepó.

²³ Kale hamoko whiné ai fo woseturaalu, ɔ doasi néli whi mo beterapóló kisipa mutu, kutiri humula yóló fomotamo felepó.

²⁴ Atéteremó, Yesuné ɔ kelené kikéyóló kaae taru duraalu, “ɔla ɔla fea tare whi Kótóné teteróló kaae tare aqmó sókó fóló betaaire mo doasi dirirapó,” yalepó.

²⁵ “Ti noatepae, *kamel* hupu ketéli dolomó sókó faaire hapóluni, sumó fenérápó. Tépatei, doasi ɔla ɔla mole néli whirapeta, Kótóné teteróló kaae tare aqmó sókó faaire mo hapólurapó,” yalepó.

²⁶ Ai fo depa wosale so whiné Yesupaae woseturaalu, “Dɔ feata alunérapa, Kótóné demaaté tao saaloé?” yalepó.

²⁷ Ai fo depa Yesuné duraalu, “Mo whiné enénire ala Kótóné mo sumó enérápó,” yalepó.

²⁸ Tétepa Pitané duraalu, “Dɔné be ó ɔla ɔla fea mupa taaróló, ya i sya wale ape,” yalepó.

²⁹ Ai fo depa Yesuné duraalu, “Yalo diɔpaae mo i dere ape. Mepaae whi dené ama be ó soma ó nomarape ó hama alima ó naale senaale taaróló, Kótóné teteróló kaae tare aqmó betaai dapóló fupata, ti mió i alimó bitukélé ama taaróló wale ɔla ɔla tómó beleróló, Kótóné mo dekéro matepa saalo ai ape.

³⁰ Ai ɔla maaté meitei, take waaire alimó mo ti betaaire betekélé saalo ai ape,” yalepó.

*Yesu ɔ sinaaire fo mó yaletei
(Mat 20:17-19, Mak 10:32-34)*

³¹ Atéró, Yesuné yó matere 12 wh̄irape dep̄apae dapesó fóló bitu duraalu, “D̄ata Jerusalem be huluap̄apae holaai folet̄ei, Kótóné ama k̄oló wh̄irap̄ené i ala yaalopóló as̄ere fo mió mo dokonóló kale Wh̄iné Naalemap̄apae eratepa kelaalo ai ape.

³² Āta, Juda meire fake wh̄irap̄ené d̄ópóló eleké deyóló, atima naase tūap̄apae mulaalo ai ape. Atétepa, atimané ̄a doka doka yóo, haleróo, fes̄aa apuróo, képi t̄ikiné fokosoi ala yóló, ̄a mo ti sukópóló d̄oo, yaalo ai ape yalepó.

³³ Téyaalotei, sore be demó ̄a mo ti suk̄aletei momó kepaayóló betaalopó,” yalepó.

³⁴ Ama yó matere wh̄irap̄ené ai yale fo wosóta yaletei, bete hiróló moleteiné diriyóló kisipa sini, k̄oló k̄oló du betalepó.

*Kele dilikire wh̄i wisirale fo
(Mat 20:29-34, Mak 10:46-52)*

³⁵ Téró Yesu ̄a Jeriko be huluap̄apae felekemó sókó faai t̄umó fu betalemó, bet̄a kele dilikire wh̄i t̄u demó bituraalu, fua wuatere so wh̄ip̄apae monikó ̄alae yóló, kema du betalepó.

³⁶ Atéró wosalemó, so wh̄i mo fea t̄umó fua wua du betepa, ai so wh̄ip̄apae woseturaalu, “Doa ai-a, noa ala maaté du bitu de?” yalepó.

³⁷ Ti fo depa, atimané ̄ap̄apae duraalu, “Nasaret be hulua wh̄ikó Yesu i fole ape,” yalepó.

³⁸ Ai fo depa, ama fo fakeyóló duraalu, “Depit-né Naalema Yesu-ó, naao ̄e k̄olené sukuturaalu tao sae,” yalepó.

³⁹ Atéró, mep̄apae folosóro fele so wh̄iné kale wh̄ip̄apae momó yaai dée yóló foné salepó.

Tétepatei, kale sekéné fo faketóro dekeró yó taru duraalu, “Depit-né Naalema Yesu-ó, naao ẹ kolené sukæ,” yalepó.

⁴⁰⁻⁴¹ Atétepa Yesu ẹ keiyóló daalu, kale whirapepaae duraalu, “Ai whi ẹ beterepaae dapesó ape,” yalepó. Atétepa, kale whi dapesó wóló felekemó daapa, Yesuné ẹpaae woseturaalu, “Yalo yamó noa alakó erópóló de?” depa, kale whiné duraalu, “Tale-ó, yalo kelené ọla ọla kelené yóló kisipa mutapó,” yalepó.

⁴² Tétepa, Yesuné ẹpaae duraalu, “Naao kisipa tiki tirale alané naao kele ai wisiyalepa, mió kela,” yalepó.

⁴³ Yesuné ai fo deretamotóro kale whiné ama kele wisitepa, Yesu sya furaalu, Kótóné doi hale sóró horaté felepó. Ai ala depa kelale so whínékélé Kótóné doi hale sóró horalepó.

19

Takis moni siré kotere whi Sakius-né yale ala

¹ Atéro, Yesu ẹ Jeriko be huluamó sókó fóló, ai be belamó fu betalepó.

² Téyalemó, *takis moni* siré kotere whirapené doasi topo whi Sakius beterepó. Aṭa, fea ọla ọlané néli whipó.

³ Ama kisiapané Yesu deró kelaai dapóló felemó, aimó mo hale ọla kaae so whi touróló daae moleteiné, Sakius ẹ halekeruraalu Yesu wisiyóló kilinipó.

⁴ Atépa, kale whi ẹpi sururu yóló fóló, Yesu tumó wale kelaai, betá nose kaae ni siki doló holóló kaae tawóló beterepó.

⁵ Atépa, Yesu ă ni betemó sókó fóló ai ni sikipaae kele horalemó Sakius daapa kolóló duraalu, “Sakius-ó, mió ę yaťamo naao bemó betaai kisipa mutapa, ya mo hapale dere ape,” yalepó.

⁶ Atétepa, ă hapale téti dorowóló, heketetamo Yesu dape sóró ama bepaae felepó.

⁷ Atétepa, ai daae mole so whi feané Yesu Sakius-né bepaae fupa kolóló, atimasisi kikiti eróló duraalu, “Aťa dowi ala du betere whitamotei, betaai ai fele ape,” yalepó.

⁸ Téyaletei, kale Sakius ă turukó holóló Talepaae duraalu, “Tale-ó, mióta, yaľo i mole ęla ęlarape bukóló, mepaae yolealere so whimó melóo, yaľotamo so whi dilikóló mepaae *monikó* simó ti douřó félímó tómó beleróló tokó melóo, yaai dapó,” yalepó.

⁹ Ai fo depa Yesuné ăpaae duraalu, “Kótóné so whi aluyaqsóró tao sere ala mió i bepaae walepó. Ti noatepae, i whi ăkélé Abraham-né naaletóró beterapó.

¹⁰ Ti Whiné Naalema ă waleteita, aluyale so whi kekóló tao saairaalu, walepó,” yalepó.

*Naase tamo whirapené doasi whiné kutó diraa
moni sale fo sale*

(Mat 25:14-30)

¹¹ Atéró, ama ai du betere fo wosetu betepatei, ă Jerusalem be hulua felekepaae sókó waleteiné Kótóné tetéróló kaae tare aomó mole ala so whiné kisipané mo felekemó sókó waaitere nisi du betalepó. Atétepa ama du betere fotamo touróló, atimapaae i fo salekélé yalepó.

¹² Atéró ama duraalu, “Hae kwia fea tēteróló kaae tare topo whīrapené fake whī betā topo whī sóró beteratepa momó fesaae wóló, hae kwia ama tēteróló kaae tawaai dapóló, ʔ felepó.

¹³ ʔ atéró faairaalu, ama kutó diratere naase-tamo whīrapepaae ape yóló duraalu, ‘Yalo i matere *moniné* mepaae kutó diraté fóló, tómó beleróló sóró muló betepa, momó fesaae wou ke-laalopóló,’ ʔ felepó.

¹⁴ Téyaletei, ama be whī so whīné ai sekéné atima tēteróló kaae tawaqsóró kisipa mutu, ‘Kale doasi topo whīpaae ene fópóló, atimakó mepaae whīrape ʔ fi kīlipaae dotēyalepó.’

¹⁵ Até yaletei, doasiné kale whīpaae naaotóró tēteróló kaae tawaasepóló, yā sóró beteratapa fae depa, ʔ bepaae fesaae walepó. Téró, ama kutó diratere whīrapepaae melale *moniné* mepaae kutó diróló, tómó beleróló meteró saleró kelaaiapa, dapesene fae yóló, whīrape dotēyalepó.

¹⁶ Atétepa, ama *moni* melale whīrapekó betā whī folosóró wóló duraalu, ‘Doa whī-ó, take naao ɛpaae betā melale *moni* bosenóló, mo dekéró sóró muló beterapó,’ yalepó.

¹⁷ Ti fo depa, kale topo whīné duraalu, ‘Yalo kutó diratere whī wisi-ó, naao ai ere ala mo wisirapó. Ti noatepae, yalo mo sawatamo melale ɔla naao mo wisiyóló kaae tawirapa, naasetamo be huluakélé naaotóró tēteróló kaae tawaasepe,’ yalepó.

¹⁸ Kale dere kaae whī me wóló duraalu, ‘Doa whī-ó, naaota ɛpaae *moni* betā melaletēi, yalo mepaae kutó dité fóló, naao melale *moni* tómó beleróló aporó sóró muló beterapó,’ yalepó.

19 Ti fo depa, ama topo whinė tokó mótu duraalu, ‘Aporó be huluarape naao teteróló kaae tawaasepóló, yálo yá sóró beteratapó,’ yalepó.

20 Téro kale dere kaae, ama kutó dirale whi me wóló duraalu, ‘Doa whi-ó, naao kale melale *monita*, yálo me kutókélé dini, kuti kwiané bopeyóló mulaletei, i sóró wale ape.

21 Ti noatepae, yáta mo kekepai whi bitu, mené qlatei naao sóo, me whinė biliyale qla naao bukóló, kwiapaae yá sóo dua dapó. Atétere ala yálo tuéruraalu, ę witepa naao yae yale ala inipó,’ yalepó.

22 Ti fo depa ama topo whinė ąpaae duraalu, ‘Yáta, kutó diratere whi dowipó. Yátamo fo tokóló yá só deraaitere ala ti naao dere fonétei yá ai só deretere ape.

23 Ti naao atei kaae kisipa mulutei, ę fesaae wouraalu hųróló sópóló *moni* mulatere tikipaae mulale fole noatepa yaleé?’ yalepó.

24 Téro, kale topo whinė aimó daae mole whirapepaae duraalu, ‘Ama ai tare *moni* fasóló naase tamo *moni* tare whipaae melae,’ yalepó.

25 Ai fo depa, atimané kale topo whipaae duraalu, ‘Doa whi-ó, ai whita naase tamo *moni* taketi sóró tarapó,’ yalepó.

26 Ti fo depa ama duraalu, ‘Yálo diąpaae i dere ape. Mepaae qla qla hųróló mole whipaae ti mo dekéro beleróló melaalo ai ape. Téyaalotei, mepaae whi de qla qla sawa téti mupa, ti ai qla fasó saalo ai ape.

27 Téyaalotei, mepaae yało teteróló kaae tare aqmó betere hóróló bóe dele whirapeta, ipaae dapesó wóló, mo ti sinópóló dae,' ” yalepó.

Yesu Jerusalem be huluapaae doasi topo whi aqyóló sókó wapa hale sóró horale fo

(Mat 21:1-11, Mak 11:1-11, Jon 12:12-19)

28 Téró Yesuné i fo yóló kemetepa, atima Jerusalem be huluapaae furaalu, ama alísó felepó.

29 Atéró, a Betpas beró Betani betamopaae sókó faai fu betalepó. Ai be hulua tamo felekemó *Olip* dupó du betere tiki erapó.

30 Aimó ama yó matere whi tamo dotonaai atimaamopaae duraalu, “U bepaee diaamopi fae. Ai bemó sókó fóló kelenalemó, whikélé betóló kunire teó *donki* hupu duló betaalopó. Téyaalopa, ai hupu taayóló ipaae dapesó ape.

31 Atéró taanalemótamo, whi mené diaamopaae woseturaalu, ‘Ai neyaa de?’ depa, ti i fo yae. ‘Momó dapesó waaitei, Talené ama diyaaire kutó mupa sóró ape yale tikimó sóró fulapó yae,’ ” yalepó.

32 Atéró dotonatepa fóló kelalemó, atimaamopaae yale fotórómo epa kelalepó.

33 Atépa, atimaamo kale *donki* hupu halika teraatu betalemó, hupu talerape wóló atimaamopaae woseturaalu, “Ai hupu teraatu betere-a noayaa de?” yalepó.

34 Ti fo depa atimaamoné duraalu, “Ita Talené ama diyaaire kutó mupa, serale fae yale tikimó sóró fulapó,” yalepó.

35 Atéró, Yesu beterepaae dapesó wóló daaló bitu, atimaamoné deró betere fłoi kutirape

sorokóló, Yesu ʔ hupuné sisó tómó beterópóló, whamenalepó.

³⁶ Atéró ʔ ai hupu tómó betóló wapa, so whi folosóró furaalu, atimané deró betere kutirape sorokóló tumó whamenaté felepó.

³⁷ Atéró, ʔ Jerusalem be huluapaae felekemó sókó faairaalu, *Olip* du sokore aʔpaae doropole tumó sókó derepelepó. Aimó, ama yó matere so whi mo feané Kótóné kae kae kelemei alarape eratepa kelaletiné atima hēkesené sukuturaalu, fo fakeyóló Kótóné doi hale sóró horaai kae salepó.

³⁸ “Mió Talené doimó wale doasi topo whi wisi-ó, Kótóné ya wisirópóló yae!”

“Kótóné hepen be tuamó mole hosaa muni deyóló dua betere ala so whi feapaae erópóló yae.

Téturaalu, mo taoró betere Kótóné kae mole doasi doi hale sóró horae!” deté fu betalepó.

³⁹ Tétepa, ai so whi kuamó betó mole Farisi whirapené Yesupaae duraalu, “Naao yó matere whirapepaae taalae yóló, foné sae,” yalepó.

⁴⁰ Ti fo depa ama atimapaae duraalu, “Yalo diapaae mo i dere ape. Atimatamo fo ini dua betepa, ti tumó ai daae mole kaporapenétei doasi fo fake yaalo ai ape,” yalepó.

⁴¹ Atéró, Yesu ʔ Jerusalem be huluapaae felekemó sókó faai fu bitu, ai doasi be hulua tuapaae kese deralemó, mo kōlei ala epa, ʔ doasi wole yalepó.

⁴² Atéró woleyóló duraalu, “Hosaa muni deyóló dua betaaire ala mió i be demótóró diʔ beterepaae walapóló, kisipa uʔsóró ti mo wisi uʔpó. Téuʔtei, ai ala yaaire be de kemeyaletiné mió diaaʔ kelené kelaʔsóró, kinó beterapó.

⁴³ Téretei, nalo me be demó kale bóe whirape atima naao bepaae dorowaairaalú, be bopéro betere tipimó hae k̄ayóló mulaté holóló, naao be bopéro betaalopó.

⁴⁴ Atére tómó atima daane holóló, diákélé diaa naale senaalekélé tao sóró haemó hairaalo ai ape. Kane fake me tómó beleretei, atéro mulópóló taalaalomeipó. Ti noatepae, Tale Kótóné dī tao saai wale be de diaa kisipani, h̄oraletinépó,” yalepó.

Momaterere bemó ɔla dupu du betepa Yesuné h̄okonalefo

(Mat 21:12-17, Mak 11:15-19, Jon 2:13-22)

⁴⁵ Téró, ̄a momaterere be bolaare tipi tūapaae sókó holalemó, whirapené ɔla ɔla dotonóló dupu du betepa f̄ópóló dóló h̄okonalepó.

⁴⁶ Atéró, ama atimapaae duraalu, “Ȳalo beta, moma maaté yaai t̄enapóló as̄emó epatei, diaa ai du betere alané ɔlémi wh̄i betere be āorótu beterapó,” yalepó.

⁴⁷ Atéró momaterere bemó, betere dok̄o fea ama fo yó maleta du betalepó. T̄etu betepatei, so wh̄imó momaraterere topo wh̄irapekélé, Moses-né as̄ere fo yó matere wh̄irapekélé, so wh̄i kaae tare mepaae wh̄i disirapekélé, fea touyóló, Yesu daaire t̄u kekitu betalepó.

⁴⁸ Téyaleteti, atimané ̄a daaire t̄u me kilinipó. Ti noatepae, yó matere fo so wh̄iné wosóló, hosaamó su betaletiné ̄a daaire t̄ukélé kilinipó.

20

Yesupaae ya topo whi né sóró beteralee yóló wosale fo

(Mat 21:23-37, Mak 11:27-33)

¹ Téró, me sukamó Yesu a momatere be tuamó Kótóné ala etérópóló so whi feapaae yó matere alaró, kale mió wosetere fo wisitamo yó mótu betalepó. Tétu betepa, mo so whimó momaratere whirapekélé, Moses-né asere fo yó matere whirapekélé, mepaae whi disirapekélé, fea touyóló a beterepaae walepó.

² Atéro wóló apaae duraalu, “Naao ai alarape yópóló, ya né sóró beteralee?” yalepó.

³ Ti fo depa, ama atimapaae duraalu, “Yalokélé diapaae wosetere fo betá i dapa, epaae tokó alae.

⁴ Jon-né wei tópuratere ala ó hepen bemó yae depa yalepé, mo whiné yae depa yaleé?” yalepó.

⁵ Ai fo deremó, whirape atimasisitei fo kelaaró duraalu, “Dánétamo, hepen bemó yae depa yalepó depa, ti dapaae ama dere fo wosóló kisipa tiki tiratere noatapa deé enérapó.

⁶ Tépateti dané duraalu, mo whiné yae depa yalepó depa, ti doai wóló betó mole so whiné kapo duné da siróló daalopó. Ti noatepae, Jonta so whipaae yó matere Kótóné kóló whi betaleteti feané kisiparapó,” yalepó.

⁷ Atétepa, atimané apaae duraalu, “Jon-né wei tópuratere ala apaae né yae depa yaleró, da kisipani-pó,” yalepó.

⁸ Ai fo depa Yesuné duraalu, “Diaa qalo wosale fo tokó menitepa, ti diané epaae wosale fokélé tokó melaalo meipó,” yalepó.

*Whi betané ama kutó kaae tanópóló sóró beter-
atere alapaee dó faróló yale fo*

(Mat 21:33-46, Mak 12:1-12)

⁹ Téró Yesuné so whípaae ai fo deté fóló, me i fo salekélé yalepó. “Whi betané ama kutó diyóló *wain* képi wae biliyalepó. Atéró, ai kutó mepaae whirapené kaae taru, ɔlumétere ɔla sóró dotonótu betae yóló, ɔ fɔlo sukamó me be huluapaae bitɔ felepó.

¹⁰ Kale ɔla ɔlumétepa sere alimó, kale kutó talené ama kutó diratere whikó betapaae duraalu, ya kutó kaae tare whi beterepaae mepaae ɔlumére ɔlakó serɔle fae yóló dotɛyalepó. Téyaletɛi, kutó kaae tare whirapené ɔ du beteró, haɔe fɔpóló dotɛyalepó.

¹¹ Téró, kale dere kaae ama kutó diratere whi me dotɛyalepó. Téyaletɛi, ai whikélé atimané dóló susupuróló, haletamo haɔe fɔpóló dotɛyalepó.

¹² Atéró, kale dere kaae sore dakoróló whi memo dotɛyalepó. Téyaletɛi, ai whikélé atimané du beteró samea sókó faróló, belapaae sóró taae deralepó.

¹³ Téró, kale *wain* képi kutó talené duraalu, ‘Mió yaɔlo noa alakó yaaloé? Yaɔlo yaala sókó fóló hosaa turó mole naale betɔ atima beterepaae dotonatepa, atimané ɔ mo wisiyóló dape sóró, ama dere fo wosaalopóló kisipatu, dotɛyalepó,’ yalepó.

¹⁴ Téyaletɛi, kale kutó diratere whirapené ɔ wale kolóló, atimasisitei fo dokóló duraalu, ‘Aita, i kutó talené ama naalepó. Alima sinitepa, i kutóró mepaae mómu ɔla ɔlatamo fea ama saɔsóró, ɔa saairɔalu, ɔ daalopa siépe,’ yalepó.

15 Atéró, atimané ǵ kale *wain* képi kutó tuámó sóró belapaae taae deróló mo ti dalepó. Atétepa, kutó tale wóló atimapaee noa alakó eraaloé?

16 Kale kutó diratere wh̄rape mo ti dóló sukunóló, ai kutó mepaae wh̄rapené kaae tawópóló melaalopó,” yalepó.

Tétepa, aimó betó mole mo so wh̄i feané ai dere fo wosóló duraalu, “Aita enénire alatei dapó,” yalepó.

17 Téró, Yesuné kelené kíké yóló kaae taru atimapaee woseturaalu, “Kótóné fo tuámó, ‘Mepaae be t̄tere wh̄rapené taae farale kane faketei, sóró be hulua eleké wisinaale botokoróló deyaalo ai ape,’ yóló asēmó ere fo-a, noa betené yaleé?”

18 Téyaalotei, mepaae so wh̄i de ai kapo fake tómó kotóo sóró dée nukupa, ti ama tiki turukó fóló doalé maaté yaalo ai ape. Téyaalotei, ai kale kapo dokó dorowouraalu t̄iya dere so wh̄ita, mo ti derakó fóló muaalo ai ape,” yalepó.

19 Tétepa, Moses-né as̄ere fo yó matere wh̄raperó mo so wh̄imó momaratere topo wh̄rapetamoné ama ai yale fo saleta, atimapaetóro dapóló aimótóro tawóló daai yaletei, ai touró betere so wh̄iné atimapaee me ala eraǵsóró, witepa taaralepó.

*Sisapaae takis moni melaróe yóló wosale fo
(Mat 22:15-22, Mak 12:13-17)*

20 Atétepa, atimané Yesuné me alakó ḥasókó fóló déró kelaai, mepaae wh̄rape mo ala dere wh̄i aqyóló kíkiti kaae tawóló beterópóló, mepaae wh̄rape dot̄eyalepó. Aita ḥale mei, ǵ ḥasókó

fóló, ama i fo mo depa wosalepóló, Rom *Gavman* topo whĩné naase tuámó mulale faai kisipa mutu yalepó.

²¹ Atétepa, kale whĩrapené ąpaae woseturaalu, “Yó matere whĩ-ó, naao dere foró so whĩpaae yó matere alatamota, mo dono dapó. Naao fake so whĩ maaté taosuraalu, mo so whĩ sisópaae erótumpó. Naaota, Kótóné tuę mole alatóró mo dono yó mótu beteretei ąané kisiparapó.

²² Ti ąané *takis moni* Sisapaae materetei-a, donorépe meié?” yalepó.

²³⁻²⁴ Atimané ą só deraai dere ala ama kolóló, atimapaee duraalu, “Ai *denarias moni* yálo ke-laalopa ępaee yó ąlae yóló matepa tao sóró duraalu, *moni* tómó i mole asoró doitamo-a né?” yalepó.

²⁵ Ti fo depa, atimané duraalu, “Sisanépó,” yalepó. Tétepa ama duraalu, “ Sisané ąlapa, ti Sisapaae melae. Kótóné ąla ti Kótópaae melae,” yalepó.

²⁶ Atéró, Yesu so whĩ feané keletómó me alakó ąsókó fuléró kelaai sų saletei, ą ąsókókélé feni, ama atimapaee fesaayóló dere fomó, atima hokomó sókó furaalu fokélé tekini, siratei du be-talepó.

Sinale whĩ kepaayóló so dokaaloé yóló wosale fo (Mat 22:23-33, Mak 12:18-27)

²⁷ Mepaae sukąle so whĩ kepaayaalo meipó, du betere Sadyusi fakekó mepaae whĩrapetamo Yesupaae wosetere fo yaai walepó.

²⁸ Atéró duraalu, “Yó matere whĩ-ó, whĩ betą so dokaletei, naale senaalekélé deni ąále sinitepa,

noma me whiné ai so wulia dokóló naale de-
tepa, ti ai naale noma sukále whi betale sirimó
beterópóló yae fo Moses-né asémó dāpaae erapó,”
yalepó.

²⁹ “Take weikeró nomarape beterepó. Atéró
bitu, topo whi so dokaletai, ai sotamo naale deni,
a hāle sinalepó.

³⁰ Atéró sukutepa, kale so wulia noma me
whinémo dokalemó, ai whikélé naale deni, hāle
sukālepó.

³¹⁻³² Nomarape fea até deté fóló, nalo mo ke-
merótu noma awā taalu whiné dokaletai, akélé
hāle sukālepó. Atéró mo ti kemeróturaalu, kale
sokélé sukālepó.

³³ Atéró, weikeró whirapené dokale so take
kepaayóló wale sukamó, mé whiné dokaaloé?”
yalepó.

³⁴ Ti fo depa Yesuné atimapaee duraalu, “Mió
i alimó bitu, whi so dokóo, so whitamó fóo, du
beterapó.

³⁵ Tétu betepatei, sukále so whi momó
kepaayóló betaaire alimó atéró whi so dokotere
alakélé, so whitamó beteratere alakélé, sinitere
alakélé ini, hepen bemó betere *ensel* kaae betaalo
ai ape.

³⁶ Téturaalu, atima kepaaró betere naale senaale
ereteiné Kótóné ama naale senaaletóro betaalopó.

³⁷ Ni sesaapemó duku betere si mi dolomó yale
fo Moses-né aserapó. Aṭa, Abraham, Aisak, Jekop-
sépi fea teteróló kaae tare Kótó beterapó. Atére
foné sukále so whi aluni, kepaayóló beterapóló,
hākeamó yó matapó.

³⁸ Ti ʔata, sukʔale so whi maaté teteroló kaae tanitei, mo betere so whikélé teteroló kaae tare Kótó beteropó. Ti noatepae, sukʔale so whikélé, betere so whikélé, fea amatóro betero beteropó,” yalepó.

³⁹ Moses-né asere fo yó matere whirape mepaaené ʔapaa tokó mótu duraalu, “Yó matere whi-ó! naao dere fota, mo dono dapó,” yalepó.

⁴⁰ Téyaletei, ama ai yale foné atima haleturaalu, whi betanékelé ʔapaa me wosetere fo inipó.

So whi teteroló kaae tare whi-a né naaleé yale fo (Mat 22:41-46, Mak 12:35-37)

⁴¹ Téró, Yesuné atimapaae duraalu, “Kótóné so whi teteroló kaae tare whi Kerisota, Depit-né naalepó du betere-a noa fo betené de?

⁴²⁻⁴³ Ti ai fo bete Depit-né amatei, ʔakearoló buk Sam-mó aseýoló muló beteropó.

ʔaléné ę teteroló kaae tare Talepaae duraalu, “Yʔalo naao bóe whirape tétei aleroló, naao hó aqomó beteraalopa, kaae tawoló yʔalo turu naase demó betae,” ’ erapó.

⁴⁴ Ti Depit-né ʔ teteroló kaae tare Tale-ó du betaleteimo, ama naalepó, fo neteró yaleé?” yalepó.

⁴⁵ Téró, aimó betó mole so whi feané ama yó mótu betere fo wosetu betepatei, Yesu ʔ ama yó matere whirape daalepaae fetée fóló duraalu, “Moses-né asere fo yó matere whirapené dere alané diʔ doraqsóro mo wisiyoló kaae tawae.

⁴⁶ Ti atimata, so whi feané doasi whi-ó yóló, dukiratare kokomó so whi fea tourʔleta dere tikipaae faairaalu, mo fʔloi kuti wisimaaté deroló fua yóo, Kótóné fo wosetere be dolopaae fukélé,

mo wisi tikimótóró betaai həkese dua yóo, ɔla detere sukamókélé, topo wh̄rape bitua betere tikimó, betaai ekele yóo, dua dapó.

⁴⁷ Téturaalu, kale wulia sorapekélé dilikóló ati-mané ɔla ɔla fea ɔlémi sóo, moma duraalukélé, so wh̄iné dukiraterere kokómó ɔlo s̄yóló yóo, dua dapó. Take kemetere sukamó atétere wh̄rapené saaire kwiata, mepaae so wh̄iné saaire seke bosenóló, mo doasi saalo ai ape,” yalepó.

21

*Wulia soné moni ke derɔle wale fo
(Mak 12:41-44)*

¹ Téró Yesu ɔ momatere bemó bitu kaae taremó, mepaae néli wh̄iné Kótópaae h̄ale matere *moni* deratere dolopaae dekéró derɔleta du betalepó.

² Atétepa kelalemó, betɔ yoleale wulia sonékélé sonaai *moni* ke belek̄amale tamo derɔle walepó.

³ Atétepa ama duraalu, “Yɔlo diɔpaae mo i dere ape. I yolealere wulia soné derale *moni* kené so wh̄i feané derale *moni* taaróló, mo bosene falapó.

⁴ Ti noatepae, so wh̄i feanéta doakale *moni* mupatei, téti maaté derɔleta yalepó. Téyaletei i wulia sonéta, ama depe dolo sesé mole *moni* ketei, mo ti kemeróló derɔle walepó,” yalepó.

*Sɔró haetamo kemeyaaí deremó eratere
fareyópu*

(Mat 24:1-35, Mak 13:1-31)

⁵ Téró, mepaae ama yó matere wh̄rape atima furaalu, “Mepaae so wh̄iné Kótópaae h̄ale matere ɔla ɔlaró kapo fake wisitamóné momatere be

wisinaale tɛyale tikimó kokoné sininó betɛrapa kelae,” yalépó.

⁶ Tétepa, Yesuné atimapaee duraalu, “Diaaɔ mió i keletere ɔla ɔla feata, take waaire sukamó me kapotamo atéró wolekepa kelaalomeitei, fea fisikó fóló, haemó kolokó doropóló mupa kelaalo ai ape,” yalépó.

⁷ Ti fo depa atimané apaae woseturaalu, “Yó matere whi-ó, ai alarape-a noa sukamó yaaloé? Noa kaae fareyópu eratepa, kolóló kisipa muaaloé?” yalépó.

⁸ Ai fo depa Yesuné duraalu, “Mepaae whiné kapala fo yóló diɔ dilikaɔsóró, mo hotowa yóló kaae tawae. Ti noatepae, mepaae dilikitere whirape wouraalu yaalo doi yóló, ‘Kale waalopó du betere whi ɛtórótípó. Ali mió felekemó walapó,’ depa mo nisyóló sya faɔse.

⁹ Doasi bóe dele alaró mepaae whirape atimané hae tiki atimatei tɛtéróló kaae tawaairaaalu, *Gavman* whitamó bóe du betɛrapó dere fo wosóló wiyaaɔse. Ti noatepae, folosóró ai alarape mo yaalotei, kemeyaaire ali folo sókó waalomeipó,” yalépó.

¹⁰ Téró atimapaee duraalu, “Me hae kwiamó betó mole so whiró me hae kwiamó betó mole so whitamó bóe dóo, me hae kwia tɛtéróló kaae tare topo whiraperó me hae kwia tɛtéróló kaae tare topo whirapetamo bóe dóo, yaalo ai ape.

¹¹ Atéturaalu, hae kwia feamó doakale bao dere alakélé, doasi sekei alakélé, wotetere aliró hepo alitamokélé waalopó. Téturaalu, so whi mo doa winé sinóló diri furu furu yaaire alaró me ala

yaairemó dere fareyóputamo samó eratepa, diaaḡ kelaalopó.

¹² Ai alarape yaaitei folosóró, mepaae whinė diḡ dóló susupuróló, fo wosetere berapepaae dapesó fóló, *dipula* beteraalo ai ape. Atéró, diḡ doasi topo whıraperó *Gavman* whırapetamo beterepaae dapesó faalopó. Diḡ yało ala erótu beteremó bóe duraalu ai alarape yaalopó.

¹³ Atétere alané yało yó melale alarape atimané keletómó yó melópóló, diḡ tẹ ai mulatere ape.

¹⁴ Atimané diḡ só deraairaalu, fotokőiné depa diḡ noa fo yaaloé, yóló whaalia yaḡse.

¹⁵ Ti noatepae, ai ala deretamo yało diḡpaae kisipa tiki dotoróę fole alaró atimané dere fo tokó melaaire fotamo yó melaalo ai ape. Diḡané ai fo depa woseturaalu, diḡ só deraaitere whırape folópu kolokó fóló, mo betḡ whinėkélé me tokó matere alakélé yaalomeipó.

¹⁶ Diaaḡ hae aya ó norape ó fake whırape ó fulumu whırapenékélé, diḡ dópóló eleké deyaalo ai ape. Téturaalu, diḡ mepaae whırape atimané mo ti dóló sukunaalopó.

¹⁷ Atétu, so whı mo feané diḡtamo bóe dóló, diḡ hóraalo ai ape. Ti atétere alata, atimané ę hórótu diḡkélé ai hóratere ape.

¹⁸ Téyaalotei, diaaḡ topo niki mo betḡkókélé aluyaalo meipó.

¹⁹ Diḡ mo ti betaaire bete saairaalu, mo diriyóló betae.

²⁰ Diaaḡ kelerḡlemó, Jerusalem be hulua bóe whırapené bopéró betepa kilituraalu, kale be hulua mió mo felekemó dóló wópu mulaai dapóló, kisipa muae.

²¹ Atétere sukamó, Judia hae kwiamó betó mole so whì dià ti du sorokó molepaae botokó fóo, mepaae doasi be hulua tuamó betó mole so whì dià ai be hulua taaróló fóo, mepaae ai hae kwiamó betóló fale so whìkélé ai doasi be hulua tuapaae faqsóró yae.

²² Ti atétere alimó yaaire alata hãle meipó. I haemó betóló fale so whìné yale alamó Kótóné kwia móturaalu, doasi sekèi ala eraalopóló, ašemó ere fo dokonóturaalu, mo eraalo ape.

²³ Ti aita, Kótóné i hae kwia feamó betó mole so whítamo doasi fopaae buturaalu, só ai deratere ape. Atétere be demó mepaae naale ere soraperó, naale teó awà nuku betere sorapetamo betà kòleó, mo doasi sekèi ala saalo ai ape.

²⁴ Téturaalu, atima mepaae ti bóe dele sepakené dóló kemeróo, mepaae so whì ti hae kwia feapaae *dipula* sóró dapo dapo yóo, yaalopó. Tétu, Jerusalem be mo ti doróló torokó faróló, Juda meire fake atimané teteróló kaae taté fóló, Kótóné dale muló betere kwiamó sókó fupa, ti kemeyaalo ai ape.

²⁵ Atéturaalu, samó daale sukanékélé, hõrerapenékélé, wéliénékélé, kae kae alarape depa kolóo, doasi wèi kèla whaau yóló holóo yaalopó. Atétere ala i hae kwia feamó betó mole so whìné kilitu, noa ala du derópóló hosaa wèi wèi yóló wiyaalopó.

²⁶ I hae kwia feamó betó mole so whìné ó sà wore duraalu, hõrerape torokó dorowale kilitu, i haemó noa ala du derópóló, doasi winé sukçalopó. Tétu, diri furu furu yóló be fesaaetamo du dere kaae yaalo ai ape.

27 Ai alarape yóló kemetepa, kale Whiné Naalema ó sáko dolomó doasi bole fotokóró mo kae ere de wisinaaletamo hakeamó wapa kelaalopó.

28 Ai alarape kaae sóró depa kilitu, aluyaqsóró Kótóné ama dupure so whi mo felekemó dape-sene walapóló kisipa mutu, haɣtamo turukó holóló daae muae.

29 Atéró, ama atimapaee i fo sale yalepó. Ti daale ni noseró mepaae nirapetamoné ere ala diaaɣ kolóló kisipa muae?

30 Nirape sóku fóló, tokɔ momó beletepa kilitu-raalu, kale ba fo ali mió mo felekemó ai sókó wale ape dua dapó.

31 Atei alarape kaae depa diaaɣ kilitu, Kótóné tɛteróló kaae tare ala mió mo felekemó walapóló kisipa muae.

32 Yalo diɣpaae mo i dere ape. Mió i alimó betó mole so whi sukuni hɛle betepatei, i alarape folosóró yaalo ai ape.

33 Sáró i haetamo kemeyaalotei, yalo fo betɔ mo kemekélé ini, hɛle muó tawaalopó.

34 Diɔ wei nóló topo dotere alané diaaɣ tiki ó naao dere ala hɛle ɣla kaae taae fatereteikélé, ó i haemó whaaliatu betere alakélé, diɣné hosaa tuamó sekené sinitere alakélé du betepa, i be de sókó wouraalu ya hemó duku dere kaae yaqsóró, mo hotowaró kaae tawae.

35 Ti noatepae, ai yaaire alarapeta, i hae kwiamó betó mole so whi mo feapaae waalo ai ape.

36 Kale Whiné Naalema betere tikimó diɣkélé betaalopó. Téyaalopa, ai alarapené diɔ só de-

raqsóró, betere dokɔ fea hotowayóló kaae taru, momatere ala yó tawae,” yalepó.

³⁷ Atéró, Yesu ʔ suka fea ai momatere bemó Tal-ené ala etérapóló yó melóló, be kuluka deretamo ʔ *Olip* du sorokó molepaae fini fi wuatu betalepó.

³⁸ Atei ala du betepa, so whi fea mo hikatitei turukó holóló Yesuné momatere bemó yó mótu betere fo wosaai wua yalepó.

22

Judas-né Yesu eleké deale fo

(*Mat 26:1-5, 14-16, Mak 14:1-2, 10-11, Jon 11:45-53*)

¹ Kale bosene fele be dɛ kisipa mutu, fopei *bred* o deyóló nokole be dɛ felekemó sókó waai depa etéyalepó.

² So whimó momaratere topo whiraperó Moses-né asɛre fo yó matere whirapetamo so whiné kapo duné siróló daqsóró wituraalu, Yesu kikititi daaire tɔ kekitu betalepó.

³ Téró, atima 12 yó matere whirapekó betɔ whiné doi Judas Iskariot tuɔpaae dowi Satan bitɔ walepó.

⁴ Tétepa kale Judas ʔ fóló, mo so whimó momaratere topo whiraperó momatere be kaae tare diki tare whirapené topo whirapetamo betó molepaae felepó. Téró Yesu dópóló netéro eleké deyaaloé? yóló, fo dokaai felepó.

⁵ Atéró, fo dokóló kemetepa, hɛkese duraalu *moni*-né ʔ dupuyaalopó, yóló mulalepó.

⁶ Atéró, Judas-né wisirapó depa, so whì touróló bitinitere sukamó Yesu dópóló naase tuápaae mu-laaire tų kekitu betalepó.

Yesu amayó matere whìrapetamo siki bemó bitu ọla nale fo

(Mat 26:17-30, Mak 14:12-26, Jon 13:21-30, 1Ko-rin 11:23-25)

⁷ Kale bosene fele be dẹ kisipa mutu, fopei *bred* o deyóló nokole be dẹmó betạ *sipsip* hupu male dóló, Talepaae simó sukula daróló melaaire be dẹ sókó walepó.

⁸ Téró, Yesuné Pitaro Jon-tamo dotonaa du-raalu, “Diaamo fóló, kale bosene fele be dẹmó deyóló naaire ọlakó taleyóló mulaai fae,” yalepó.

⁹ Ti fo depa atimaamoné ọpaae woseturaalu, “Naao kisipané ai ọla-a, dẹmoné momó taleyóló mulópóló de?” yalepó.

¹⁰ Ai fo depa ama duraalu, “Diaamo ai be hulua tuamó sókó fẹlalemó, whì betạ wẹi wuti beleyóló tumó diaamotamo hokolaa yaalo ai ape. Téyaalopa ọ sya fóló, fole be dolopaae diaamokélé buó deya.

¹¹ Téró, ai be talepaae etei fo yae. Yó matere whíné ọpaae duraalu, ‘Yọlo yó matere whìrapetamo bosene fele be dẹmó, ọla deyóló naaire be kekó momó donoróló muló betere?’ yóló, wosae yalepó,” yalepó.

¹² Aténalemó, ama diaamopaae óté taoró doasi be ke yó melaalo ai ape. Ai be ke dolomó betaaire ni fake ó mepaae ọla ọlakélé fea sụmó donoróló muló betepa kelaalo ai ape.

¹³ Atétepa atimaamo fóló kelalemó, Yesuné yale fo motóró epa kelalepó. Atéró bituraalu, kale

bosene fele be demó atimané deyóló naaire ɔla aimó donoróló mulalepó.

¹⁴ Atéró, kale ɔla naaire suka kele sókó wapa, Yesuné yale fotóró mo epa kelalepó. Atéró *aposel* whirapetamo ɔla nokole ni fake tómó boperó bitu ɔla nuku beterepó.

¹⁵ Atéru, ama atimapaae duraalu, “E doasi seke saaire ala feleke depa, kale bosene fele be demó detere ɔla da betámó nokoletiné e mo doasi hekese dapó.

¹⁶ Ti yalo diɔpaae i dere ape. I bosene fele be demó detere ɔla e néli hale bitiré fóló, Kótóné teteróló kaae tare aqomó mió i ɔla detere ala bete dokonatapa, ti momó naalo ai ape,” yalepó.

¹⁷ Atéró, Yesuné *kap* wuti sóró taru, Tale Kótópaae mo kée yalepó. Atéró mótu, Yesuné atimapaae duraalu, “I matere wei tao sóró, diɔ fea nósú deté fóló, kemerae.

¹⁸ Ti yalo diɔpaae mo i dere ape. Mió i nokole *wain* képi wei momó kaae néli hale bitiré fóló, Tale Kótóné teteróló kaae tare ala sókó wale sukamó momó naalopó,” yalepó.

¹⁹ Téró, ama *bred* o bula tao sóró Kótópaae mo kée yóló, terekée daalu yóló ɔnirótu duraalu, “Ita, yalo tiki diɔmó i matere ape. Térapa, diɔné e kisipa muóló nukulé fu betae,” yalepó.

²⁰ Atéró, atima ɔla nóló kemetepa, kale yale kaae wei wuti tao sóró taru duraalu, “I *wain* weiɔa, Kótóné ama so whi tao saalopóló, kisi yóló mulale fo diriróturaalu, diɔ tao saai sunée farale yalo sameapó.

²¹ Téretei, i ni fake tómó etamo betámó ɔla nuku betere whinétei, e dópóló eleké deyaalopó.

22 Téyaalotei, Whịné Naalema i ala yópólópó yóló, Kótóné tukóló muló betere fo mo dokonóturaalu eraalo ai ape. Téyaalotei, Whịné Naalema dópóló eleké deyaaire whị beta mo doasi sekei ala saaireteiné kọlerapó,” yalepó.

23 Ti fo depa, ai ala-a né yaai dée yóló, atimasitei u wosene i wosene du betalepó.

24 Atéró kale dere kaae, ama yó matere whịrape atimasisi doasi topo whị-a, de betaai dée yóló fonétei alale su betalepó.

25 Tétepa Yesuné atimapaae duraalu, “Kale Juda meire fake tẹteróló kaae tare topo whịrapenémo so whị tẹteróló kaae tanópóló, sóró beteró betere whịrapeta doasi néli whị bitu, so whị fea tao sóró wisi ala erótu betere whịrapepó dua dapó.

26 Tépatei, diạ atei kaae ala ini, diạ tuámótamo doasi topo whị betepa, ti mo ketei kaae betóo, diạ tẹteróló kaae tare topo whị ti kutó diratere whị kaae betóo yae.

27 Ti noatepae, ọla deyóló nokole sukamó doasi doi mole whịrapené noa ala dua de? Ti atima doasi whịrape ni fake tómó bitu, ọla maaté nuku beterepé, kutó diratere whị kaae bitu, ọla biliyóló maleta dua de? Meipó. Ai doasi doi mole whịrape atima ai ala dumi, ni fake tómó bituraalu, ọla maaté nukua dapó. Tépatei, ẹta diạ feané kutó diratere whị kaae beterapó.

28 Diạta, ẹpaae sekei ala wou betepatei ẹ taaróló botokó feni, ẹtamo betámó bitiré walepó.

29 So whị tẹteróló kaae tanópóló yalo Ayané ẹ sóró beterótu yale kaae, yalokélé diạ so whị tẹteróló kaae tanópóló, sóró beteratapó.

³⁰ Até dapa, yało teteróló kaae tare ala tuamó ni fake tómó bitu, ọla nóló, wẹi nóló du betaalopó. Atéturaalu, doasi topo whị betere tikimó bitu, 12 Israel fakerapetamo diaaọ fo tokóló tale yaasepóló, sóró beteratapó.

*Pitané yaaire alamó Yesuné yale fo
(Mat 26:31-35, Mak 14:27-31, Jon 13:36-38)*

³¹ Saimon, Saimon-ó, yało yapaae i dere fo wosae. Mepaae so whinė *whit* ke buléro kelaai fumi sukutu dere kaae, ya tuamó noa alakó muléro kaae kelaairaa, Satan-né yapaae wosene walepó.

³² Téyaletei Saimon-ó, naao kisipa tiki tiró betere ala taaróló haepaae derepaosóró, yało yamó momaralepó. Naao kisipa tiki feteyóló, ya ẹ beterepaae momó wapata, ti naao norape tao sóró fotokọ bulaasepé,” yalepó.

³³ Tétepa Pitané apaae duraalu, “Tale-ó, ya *dipula* beteratepa ti ẹkélé wusuró beteróo, sukutepakélé ti wusurótóro sukọo enérapó,” yalepó.

³⁴ Ai fo depa Yesuné duraalu, “Pita-ó, yało yapaae i dere ape. Mió i be demó wẹ *kakaruk* bané hale yaaipatei, naao ẹ kisipanipó fo sore félimó yaalo ai ape,” yalepó.

³⁵ Téró, Yesuné atimapaae woseturaalu, “Yało diẹ dotonale sukamó *moni* butere be ó hẹleke be ó me ọlakélé sóró fae ini, hale fópóló doteyalepó. Téyaletei, diẹ me ọlakó mei yaleé?” depa atimané duraalu, “Meipó,” yalepó.

³⁶ Ai fo depa, ama atimapaae duraalu, “Mió diaaọ *moni* detere be mupa sóo, yokélé sóo yae.

Bóe dele sepakekótamo munipa, ti diaaḡ tó mó deró betere kuti sokóló, me whítamo dotonóló sepake betakó dupuyae.

³⁷ Ti noatepae, i fo aseyóló muló beterapó. Dowi ala dere whĩrape dos̄aturaalu, əkélé touróló dos̄ayalepó. Yalo dīapaae i dere ape. Ai ere fo dokonóturaalu ɛpaae mo eraalopó. Mo dapó. Ẽmó kisipa muturaalu, Kótóné kóló whĩrapené ašemó ere forape fea dokonóló ɛpaae motóró eraalo ai ape,” yalepó.

³⁸ Téró, ama yó matere whĩrapené ɛpaae duraalu, “Tale-ó, ḡané bóe dele sepake tamo i tarapa kelere?” depa, ama duraalu, “Ai súpó,” yalepó.

*Yesu Olip dumó daalu moma yale fo
(Mat 26:36-46, Mak 14:32-42)*

³⁹ Atéró, Yesu Ɂ belapaae sókó doropóló ama dua dere kaae, *Olip* du sokorepaae fupa, ama yó matere whĩrapekélé, Ɂ sya felepó.

⁴⁰ Atéró, aimó sókó fóló, ama atimapaee duraalu, “S̄u sere alané dīa dowi alamó dée nalaqsórópa, Talepaae momatu betae,” yalepó.

⁴¹ Atéró, Ɂ atima daale tiki sawa taaróló fóló, bukutiri teȳaró bituraalu momayalepó.

⁴² Ama i moma yalepó. “Aya-ó, naao kisi pané ɛpaae i waaire sek̄ei ala waqsóró sesé yaai depa ti té yae. Yalo kisi pané enére ala yaalomeipa, naao yaai kisipa mole ala bet̄a erae,” yalepó.

⁴³ Atétepa, ó hepen bemó betere *ensel* bet̄a dorowóló Ɂ tao sóró fotok̄o bulalepó.

⁴⁴ Atéró, Yesuné ama hosaa tūamó mo doa sek̄ené sinitepa, Alimapaee mo fotok̄oi moma

yalepó. Atéturaalu, ama tikimó fosono doasi fāke kaae dorowóló, haepaae fu betalepó.

⁴⁵ Atéró momayóló kemetepa, ʔ turukó holóló ama yó matere whīrape beterepaae momó fesaee fóló kelalemó, atima dekené sukuturaalu fotokókélé meiyóló, noke foposaa yó molepó.

⁴⁶ Atépa ama atimapaee duraalu, “Diʔ noatepa, noke foposaa yó mule? Sʔ sere alané diʔ ʔlisóró fóló, dowi alapaae só deraʔsóró, turukó holóló Talepaae momatu betae,” yalepó.

Judas-né Yesu bóe whīné naase tuqpaee mulale fo

(Mat 26:47-56, Mak 14:43-50, Jon 18:3-11)

⁴⁷ Ama fo kemeni hāle du betepatei, so whī mo hāle ʔla kaae walepó. Kale yó matepa wosetere 12 whīrapekó betʔ whī Judas-né Yesu kóló tukó naai, ʔ daale felekepaae walepó.

⁴⁸ Téyaletai, Yesuné ʔpaae duraalu, “Judas-ó, kale Whīné Naalema dópóló, eleké deyóló kóló tukó naai wou de?” yalepó.

⁴⁹ Até yaaire ala, Yesuné ama yó matere whīrapené kolóló ʔpaae duraalu, “Tale-ó, ʔané i tare sepakerapené deyaróe?” yalepó.

⁵⁰ Téró, atimakó betʔ whīné mo so whīmó momaratere doasi topo whīné kutó diratere whīné tururó woséli sʔae deralepó.

⁵¹ Tétepa Yesuné duraalu, “Ai ala me momókó yaʔse!” yalepó. Atéró, Yesuné kale whīné woséli ama ere kaae eralepó.

⁵² Téró, Yesuné mo so whīmó momaratere doasi topo whīrapekélé, momatere be kaae tare whīrapené topo whīrapekélé, whī disirapekélé fea

woló, ą tawaai boperóló daae molepó. Atépa ama duraalu, “Diaaą ęta, i hae kwia teteróló kaae tare doasi topo whırapené kaae tare alarape fasó saai, bóe daai ąlisóró fole whıpóló, sepakeró nópulutamo tao diliki yóló, ę tawaai wou de?

⁵³ Take ę diątamo momatere be tuąmó bitua yaletei, diaaą ę daai tanipó. Ténitei, mióta, dilikire alané teteróló kaae tapa, diaaą yaaitere ala yópóló, tukóló muló betere sukakelemó dapó,” yalepó.

Pitané Yesu tuénipó yale fo

(Mat 26:57-58, 69-75, Mak 14:53-54, 66-72, Jon 18:12-18, 25-27)

⁵⁴ Téró, atimané ą tawóló so whımó momaratere topo whinė bepaae dapesó felepó. Atétepa, Pitakélé Yesu sya nalo taaeta deté fu betalepó.

⁵⁵ Téyaletei, ai momatere be bolaare dopóku tuą dolomó si noke yóló, atima fea simó boperóló betó mupa, Pitakélé atimatamo beterepó.

⁵⁶ Atéró ą simó berteremó, kutó diratere so seimale betané kolóló, mo ti kikéyóló kaae taru duraalu, “I sekęta, Yesutamo betámó kwęale whıkópó,” yalepó.

⁵⁷ Ai fo depa Pitané duraalu, “Ti senaale-ó, naao ai bope dere whıta ę mo tuékélé inipó,” yalepó.

⁵⁸ Atéró sawa beteró, whı me kaené ą kolóló duraalu, “Yąkélé atimatamo kwęale whıkóe?” depa, Pitané duraalu, “Ai whıta ę meipó,” yalepó.

⁵⁹ Atéró, suka kele betą kemetepa kale dere kaae, whı menémo duraalu, “I sekęta, Yesutamo betámó kwęale whıkó irurapó. Ti ąkélé Kaleli whıtóró mo hıtipó,” yalepó.

⁶⁰ Ti fo depa, Pitané duraalu, “Diaaḡ ai bope dere wh̄ṭa, demó déró ẹ tuénipó,” yalepó. Ai fo deretamotóró w̄a *kakaruk* bané hale deremó, ama du betale fo tukó felepó.

⁶¹ Tétepa, Tale ẹ Pita daalepaae fetée wóló, kelené kikéyóló kaae tawalepó. Até deremó, take Talené Pita ẹpaae *kakaruk* bané hale sore félimó yaaipatei, naaḡ ẹ kisipanipó yaalopó yale fo kisipa muni walepó.

⁶² Atétepa, Pita ẹ belapaae sókó doropóló, mo doa dekené sini wole du betalepó.

*Diki tare wh̄ṛapené Yesu faleyale fo
(Mat 26:67-68, Mak 14:65)*

⁶³ Atéró, Yesu botokó faḡsóró, kaae tare wh̄ṛapené ẹ doka doka duraalu faletere forape yóló deleta du betalepó.

⁶⁴ Atéró, ama kelepaa atimané kutiné kinóló dokóló ẹpaae woseturaalu, “Ȳa né daleé? Ȳa dale wh̄ṭ d̄apaae yó ẹlae,” yalepó.

⁶⁵ Atéró, atimané ẹ faleyóló kae kae dowi forape du betalepó.

*Pailat-ró Herot-tamoné Yesutamo fo tek̄ale fo
(Mat 26:59-66, Mak 14:55-64, Jon 18:19-24)*

⁶⁶ Atéró, be teó deṛetamo fo tokóló tale yópóló beteró betere wh̄ṭ disirapekélé, mo so wh̄ṣmó momaratero doasi topo wh̄ṛapekélé, Moses-né as̄ere fo yó matere wh̄ṛapekélé, fea bet̄apaae tour̄ale walepó. Atéró touró bitu, Yesu fo tokóló taleyópóló tale dere wh̄ṛape beterepaae dapesó felepó.

⁶⁷ Atéró atimané duraalu, “Ȳata, Kótóné so wh̄ṭ t̄eteróló kaae tare wh̄ṭ Kerisopata, ti d̄apaae yó

alae,” yalepó. Ai fo depa, Yesuné duraalu, “Yalo diapaae depa diaaọ ẹpaae kisipa tiki tiraalomeipó.

⁶⁸ Yalo diapaae mepaae fo wosenalemókélé, diaaọ tokó melaalomeipó.

⁶⁹ Téretei, mo miótóró kaae sóró kale Whinė Naalema mo doasi fotokọ bole Kótóné turu naase tuamó betaalo ai ape,” yalepó.

⁷⁰ Ai fo depa, atima mo feané apaae woseturaalu, “Ti yaťa, Kótóné Naalemaé?” depa ama duraalu, “Me kae mei, diaaọ mo dono ai dere ape,” yalepó.

⁷¹ Ti fo depa, atimané duraalu, “Me kae noa fokómo depa, wosaai de? Fo feata, ama kólómótóró sókó wapa dạné ai wosale ape,” yalepó.

23

Yesu Pailat-né keletómó fo tokóló, filipaa ni tómó olerae yale fo

(Mat 27:1-2, 11-26, Mak 15:1-15, Jon 18:28-19:16)

¹ Téró, atima aimó betó mole whị mo fea turukó horóló, Yesu Pailat beterepaae dapesó felepó.

² Atéró, atimané ọ faleyóló só derótu duraalu, “Ai whinėta, so whị feané Sisapaae *takis moni* melaqsóró sesé yóló, so whị kópaae ọlísóró fu beterapó. Tétu, amatei ọta so whị tẹteróló kae tare topo whị Kerisopó du betere alané dạné tẹteróló kaae tare alarape fea dorótu beterapó,” yalepó.

³ Atétepa, Pailat-né Yesupaae woseturaalu, “Yaťa, Juda fake so whị tẹteróló kaae tare topo

whié?” depa, Yesuné duraalu, “Ēpó. Naaotóró dono ai dere ape,” yalepó.

⁴ Téró, Pailat-né Talepaae momaratere topo whiraperó so whi featamopaae duraalu, “I whi yało kaae kelalemó, fo tokóló ą só deraaire bete mekéle mupa kilinipó,” yalepó.

⁵ Tétepa, atimané fo fakeyóló deteraainé duraalu, “Ai whiné Judia hae kwiamó betó mole so whipaae yó matere fo wosetu, fo tiki whaa deté fu betalepó. Ama Kaleli hae kwiamó kaae sóró yó maté wóló, mió ipaae ai sókó wale ape,” yalepó.

⁶ Ai dere fo wosóló, Pailat-né atimapaee woseturaalu, “Ąta, Kaleli whié?” yalepó.

⁷ Ai fo depa, atimané duraalu, “Ai whita, Herot-né teteróló kaae tare hae kwiamó beterapó,” yalepó. Atéyale sukamó Herot ąkéle ai Jerusalem be hluamó betepa, Pailat-né Yesu Herot beterepaae dotęyalepó.

⁸ Téró, Yesu atéró sókó wapa kilituraalu, ą mo haïne sinalepó. Ti noatepae, ama mepaae kelemei alarape erótu beterapó deté fole fo woseturaalu, Yesuné kelemei alakó eratepa kelenée yóló, kisipa mutu betaletinépó.

⁹ Atéró, kale Herot-né ąpaae kae kae forape woseté feletei, Yesuné fo betąkéle tokó menipó.

¹⁰ Atétepa, so whimó momaratere doasi topo whiraperó Moses-né asęere fo yó matere whirapetamoné ą faleyóló só deratere fo du betalepó.

¹¹ Téró, kale Herot-ró ama diki tare whirapetamoné ą faleyóló duraalu, wisi wisi

kuti deróló Pailat beterepaae momó fesaae fópóló dotonalepó.

¹² Upuléta, kale Herot-ró Pailat-tamo bóe dóló betaleteti, mió i ala yale sukamó fulumu whi aleyóló beterepó.

¹³ Atéró, kale Pailat-né so whimó momaratere topo whirapepaaekélé, so whi teteróló kaae tare topo whirapepaaekélé, so whi feapaaekélé ape yalepó.

¹⁴ Atéró touró betepa, ama atimapaee duraalu, “Diaaḡ i whita, take teteróló kaae tare doasi topo whirapetamo bóe daai alisóro fole whipóló, ẹ beterepaae dapesó wapa diaaḡ keletómó yalo ẹ tuamó daaló bitu, me haşókó fele alakó muléro kekalemó meipó.

¹⁵ Herot-nékélé taleyalemó, dowi ala mekélé munipa, ama dapaae ai dotonale ape. I whi mo ti sukópóló dele alata, me noa ala itikimó daai de?

¹⁶ Térapa, yalo ẹ fokosó sóro hale fópóló doteyaaai dapó,” yalepó.

¹⁸ Atimané mo betḡ kóló daae fóló fo fakeyóló duraalu, “Ai *dipula* betere whi Barabas da beterepaae wópóló dotonóturaalu, i seké dóló alurae,” yalepó.

¹⁹ Ti noatepae, ai whi Barabas-ta *Gavman* whi betaai dapóló bóe dóló whi dupa, ẹ *dipula* beteralepó.

²⁰ Pailat-né ama kisipanéta, Yesu hale fópóló dotonaairaalu, so whipaae momó yalepó.

²¹ Téyaletei, atimané mo doa fo fakeyóló duraalu, “A filipaa ni tómó dóló olerae, ẹ filipaa ni tómó olerae,” du betalepó.

²² Téró, ama sore dakoróló atimapaee duraalu, “I whiné noa dowi ala yalemó daaloé? I whi daaire bete me munipó. Téreteiné, yálo ą dóló susupuróló, hąle fópóló dotonaaí dapó,” yalepó.

²³ Téyaletei, atimané fo fake dekéró yó taru, doasi seýóló duraalu, “A sukópóló filipaare ni tómó dóló olorae,” yóló, dere foné Pailat-né fokélé só de-ralepó.

²⁴ Atétepa, Pailat-né kisipanétei taleýóló wisir-apa téyae yóló, dotopoi fo du betere so whipaae melalepó.

²⁵ Atéró, ama whi betą dóo, teteróló kaae tare alamó topo whirapetamó bóe dóo deremó, *dipula* beterae whi hąle fópóló dotonae yalepó. Téró, Yesupaae atimané kisiipa mole ala erópóló, doasi diki tare whirapené naase tuąpaae melalepó.

Yesu filipaa ni tómó olerale fo

(Mat 27:32-44, Mak 15:21-32, Jon 19:17-27)

²⁶ Atéró atimané Yesu duóló sóró fu betalemó, Sairin be hulua whikó Saimon ipu bemó bití doasi be huluapaae derepaai wou betepa tų tuąmó hokolaa yalepó. Atéró ą tawóló Yesu oleraaire filipaa ni beleróló, Yesuné sisómó fópóló yalepó.

²⁷ Atétepa, so whi mo feané ą sya felepó. Atéró, sorape feané sya fu bitu kolené sinituraalu, mo dekené sukį wole fo deté wou betalepó.

²⁸ Até deté wou betepa, Yesu fetée anóló duraalu, “Jerusalem senaalerape-ó, diaaą ę wolekesé, diąsisitei wole yóló, diaaą naale senaalekélé wole yae.

²⁹ Ti noatepae, take waaire sukamó diaaą etei fo yaalo ai ape. Mepaae sorape naale senaale

deni, hãle ni daale sorapekélé, naale senaale meiyóló hãle betere sorapekélé, naale senaale awã menitere sorapekélé, hãiné sinóló ai betere ape.

³⁰ ‘Ai sekëi ala wale sukamó atimané i fo yaalopó.
“I daae mole ulupaae dukó dorowóló dã tẽirae,” yaalopó.

Du sorokó mole hae durapepaaekélé, kãae dorowóló dã husurãle dere ape yaalopó, erapó.

³¹ Ti kisi daale nipaae atei ala depa, ti sélitere nipaae noa kaae sekëi ala eraaloé?” yalepó.

³² Kale Rom *Gavman*-né yóló muló betere fo tukóló dowi ala yale whi tamokélé atamo betamó dóló oleraai dapesó walepó.

³³ Atéró, atima sókó wale tikiné doita, whiné topo diripó doi mulapó. A sukópóló aimó atimané filipaa ni deyóló oleralepó. Atéró, me whi ama turu naase dëró oleróo, me whi ama fẽ naase dëró oleróo, yalepó.

³⁴ Atéró Yesuné duraalu, “Aya-ó, ẽ dele whirapené saaire dowi ala kwia naao hãle kemerae. Ti noatepae, atimané du betere alarape atima wisiyóló kisipanipó,” yalepó. Atéró, atimané ama kuti taleyóló saairaalu i ala yalepó. Ni fakerape tao sóró fesekée horótua yalemó, me whiné doi ó siri moletei sókó dorowapa, ai whinétóró sua yalepó.

³⁵ Atéró kale so whi fea mo tumó kese ɔlu yóló daae molepó. Kale tẽteróló kaae tare topo whirapené Yesu faletere fo yóló duraalu, “Mepaae whi aluyaqsóro ama mo wisiyóló tao sua

yaleteti, ʔatamo Kótóné sókó sóró, beteró betere whi Kerisopata, ti amatei ʔ tao sópóló yae,” yalepó.

³⁶ Atéró, kale doasi diki tare whirapekélé, ʔ oleró betere tikipaae wóló daae muluraalu, faletu betalepó. Atéró, atimané ʔmó betʔ kɛlaa wale *finika wain* wɛi ʔ nae yóló melalepó.

³⁷ Atéró ʔpaae duraalu, “Yʔatamo Juda so whiné doasi topo whipata, ti yʔ sinaʔsóró naaotei tao sae,” eneta du betalepó.

³⁸ Yesuné ama toporó beteremó oleró betere aʔemó i fo erapó.

ITA, JUDA FAKE SO WHI TɛTɛRÓLÓ KAAE TARE DOASI
TOPO WHIPÓ.

³⁹ Téró, kale dowi ala du betepa dóló olerale whi tamokó betʔné ʔ faleyóló duraalu, “Yʔ Kerisopata, ti naaotei yʔ taosu ɔamokélé tao sae,” yalepó.

⁴⁰ Téyaleteti, me fakeró oleró betere whiné me whi foné sóró duraalu, “ɔamó sukutereteita, mo ɔamoné yale dowi alamó kwia tokó mótu dereteiné mo donorapó. Téretei i whiʔa, me dowi alakélé meipatei, ɔa fea betʔ ala yóló sinitapa, yʔ Kótópaae winié?

⁴¹ Ti noatepae, ɔamota ɔamoné yale alamó i sinitere ape. Téretei i whiʔa, dowi ala mo betʔakélé inipatei, hʔle dóló oleró beterapó,” yalepó.

⁴² Téró ama duraalu, “Yesu-ó, yʔ naao tɛtɛRÓLÓ kaae tare be tuʔpaae furaalu, ɛ kisipa keteraʔse,” yalepó.

⁴³ Ti fo depa, Yesuné ʔpaae tokó mótu duraalu, “Yʔlo yʔpaae mo i dere ape. Miótitei, yʔ ɛtamo mo kokóné sukʔ be wisinaalemó fóló betaalo ai ape,” yalepó.

*Yesu sinale fo**(Mat 27:45-56, Mak 15:33-41, Jon 19:28-30)*

⁴⁴ Atéró suka tuámó daapatei, hae kwia fea diki yalepó. Atéró dikipatei bitiré fóló, 3 kilok suka tó daane folepaae kemeyalepó.

⁴⁵ Ti noatepae, sukané dę sukaleteiné, diki yó tawalepó. Talepaae momaratere be satałeróló oleró betere kuti ama hałetei tuámótóró teketé doropóló, haepaae sókó derałepó.

⁴⁶ Atétepa, Yesuné fo fakeyóló duraalu, “Aya-ó, yało kepe bete naao kaae tawasepóló, ya tuapaae i mulatere ape,” yalepó. Atéró ama ai fo yóló kemetepa, ama fomo sókó fóló ą sukalepó.

⁴⁷ Atétepa, kale diki tare whırapené topo whıné ai yale ala kolóló, Kótóné doi hale sóró horótu duraalu, “Mo dapó, ita mo whı wisinaale ai sukırapó,” yalepó.

⁴⁸ Atéró, betapaae touró betere so whıné kelale alarape atima bepaae momó fesaae furaalu, naao téyae yóló dekené sinité fu betalepó.

⁴⁹ Téyałetei, mepaae ą kisipare whıraperó ątamo Kaleli haemó betamó betóló wale sorapetamo atima mo tumó daae mulu, ai dere alarape kaae dilikiyóló yó molepó.

*Yesu dourale fo**(Mat 27:57-61, Mak 15:42-47, Jon 19:38-42)*

⁵⁰ Atéró ai Judia hae tuámó tene Arimatea be whıkó Josep beterepó. Ata, mo whı wisinaale naameyóló dua betepa, Judia hae kwiamó betó mole so whı hałó sókó fupa fo tokóló taleyópóló sóró beteró betere whıpó.

⁵¹ Ai sekénéta, mo whiné dere alaró mo tikiné dere alatomó ama mo wisirapó kisipa mutumipó. Aṭa, Judia hae kwiamó tene Arimatea be huluamó walepó. Téri, ʔ Kótóné teteróló kaae tare aomó mole ala wópóló kaae tawóló beterepó.

⁵² Atéro, kale whi ʔ Yesuné tiki saaitapóló Pailat-paae wosene felepó.

⁵³ Téro, kale whiné Yesuné tiki tokóló muló bituraalu, mo dei kutiné bopeyóló whi betakélé munénire kapo dolomó mulalepó.

⁵⁴ Atima saa naai tukóló muló betere be de dótóró sókó waai depa, ʔla ʔla donoróló mulatere be demó ai alarape yalepó.

⁵⁵ Atéro, mepaae Kaleli hae kwiamó Yesutamo wale sorape Josep-né Yesuné tiki mulaai fupa, neyóló mulatéro kelaairaaalu, atima Josep sya felepó.

⁵⁶ Téro, atimané bepaae fóló kale felé kɛlaa wale fetera kaae ʔlaró felé kɛlaa wale wel wɛitamó taleyóló munalepó. Téyaletei, kale yóló muló betere fo tikinépa, Talepaae moma yaai dapóló tukóló munale sukamó saa nóló betalepó.

24

Yesu kepaayóló fele fo

¹ Fula kaae sere be demó, mo hikati kale sorapéné felé kɛlaa wale ʔlarape sisóló whi mulale dou tópaee felepó.

² Atéro atima fóló kelalemó, whi dou tu kinale kane fake biliyó faló beterepó.

³ Atépa, atima kane dolopaae buó deóló kelalemó, Tale Yesuné tiki munipó.

⁴ Atépa, neyalerópóló atima kisipa teketu beteremó, mo kasa kasai kuti deró betere whi tamo atima daae mole uté dēró sókó wóló daalepó.

⁵ Até deremó, kale sorape atima winé sinitu, kelepaa haepaae hemée deyóló betó molepó. Tépa, kale whi tamoné atimapaee duraalu, “Sukale whi douró betere tikimó, betere whiné noatepa keketé kutu bitu de?

⁶ Ti noatepae, a aimó muni kepaayóló falapó. Take diã Kaleli haemó bitu ama diãpaae yale fo diaaø kisipa munié?

⁷ ‘Whiné Naalema mepaae dowi ala dere whirapené naase tuãpaae mulaalopó. Atétepa, atimané a filipaa ni tómó oleróló sukutepa, sore be demó ti a momó kepaayóló betaalopó,’ ” yalepó.

⁸ Téró, atimané ama yale fo mopóló kisipa yalepó.

⁹ Atéró, atima whi dou tópaee fi fesaae wóló atimané kelale alarape kale 11-whiraperó mepaae whirapetamopaae yalepó.

¹⁰ Ai sorapeta, Maktala sokó Mariakélé, Joanakélé, Jems-né hama Mariakélé, mepaae sorapekélé, atima fea betó mulu, kelale alarape ama *aposel* whirapepaae yalepó.

¹¹ Téyaletai, kale sorapené yale fo mo dapóló kisipa tirénipó. Ti noatepae, atimané kapala fo detere nisi yalepó.

¹² Téyaletai, Pita a mo hapale sururu yóló fóló, whi dou tómó sókó felepó. Atéró a dou dolopaae fóló kelalemó, ama tiki bopeyóló mulale dei *linen* kuti maaté demó mupa kelalepó. Atépa a momó bepaae fesaae furaalu, i noa ala yalerópóló kisipa tekété fu betalepó.

Emeas bepaae fole tų tuamó yale fo

¹³ Atéyale sukamótóró atimakó whı tamo Emeas bepaae faai tų tuamó fu betalepó. Ai Emeas be taaróló Jerusalem be huluapaae fole dāleta, 11 kilomitaapó.

¹⁴ Atimaamo tumó fu bituraalu, kale yale alarape fea suraté fu beterepó.

¹⁵ Atimaamo até deté fu betepa, Yesu tų tuamó sókó wóló, atima fea betamó fu betalepó.

¹⁶ Até yaletei, atimaamoné Yesupóló kisipa yaqsóro, me qlané atimaamoné kele seraaralepó.

¹⁷ Atéró fu bitu, Yesuné atimaamopaae woseturaalu, “Diaamo ai-a noa fo deté fu bitu de?” yalepó. Ti fo depa, atimaamo fu betaleteti, kelepaa humula yóló kejyóló daalepó.

¹⁸ Atimaamo fu betere me whı Kliopas-né apaae duraalu, “I be demó yale alarape so whı feané kisiparapa, yaťa Jerusalem be huluapaae wale whıé?” yalepó.

¹⁹ Ai fo depa ama apaae woseturaalu, “Noa alamó de?” yalepó. Ti fo depa atimaamoné duraalu, “Nasaret be hulua whıkó Yesupaae erale alamó dapó. Ti noatepae, aťa Kótóné kóló whı bitu, ama dere foró dere alatamo Kótóné kele tómókélé, so whı feané kele tómókélé, mo doasi fotokotamo du betalepó.

²⁰ Atéró so whımó momaratere topo whıraperó dā teteróló kaae tare whırapetamoné a sukópóló dae yóló, doasi *Gavman* whırapené naase tuapaae mulalepó. Atétepa, atimané a filipaa ni tómó sinópóló oleralepó.

21 Téyaletei, Israel fake so whi dupuróló tao saaire whípóló kisipa mualepó. Ai maaté mei, ai ala yóló betepa be de tamo kemeyóló, soreratere be de ti mió i ape.

22 Ai fotei me ipó. Dá betámó kotere sorape sore mo hikati kale whi dou tópaae fóló, mepaae kelale alarape depa wosetu dá kilita yalepó.

23 Kale sorape fóló kelalemó ama tiki munipa, *ensel-rapené* Yesu kepaayóló beterapóló atimapaee yale fo fea dapaae ene walepó.

24 Téró, dané fulumu whirape atimakélé fóló kelalemó, kale sorapené ene wale ala motóró epa kelalepó. Téyaletei, atimané á betá kilinipó,” yalepó.

25 Ama atimapaee duraalu, “Diaamota, take Kótóné ama kóló whirapené deté wale fo wosóló kisipani, ketei kaae kisipa tiki okokoru kutiri hapólu ai ererapó.

26 Kótóné so whi teteróló kaae tanópóló, sóró beteró betere whi Keriso á doasi doi muaaire ala tuapaae sókó faairaalu, folosóró ai sekei alarape salepó. Ai alata hásókó faalomei, mo yaalopó ere fo dokonóturaalu yalepó.

27 Mo take Moses-né asere fomó kaae sóró wóló, Kótóné kóló whirape feanékélé asere fo beteta, emótóró erapóló amatei hakearóló yó malepó,” yalepó.

28 Atimaamo fole bepaae felekemó sókó faai, tu aupalomó fu betalepó. Téyaletei Yesu áta, ai be hulua boseneyóló saletópaae faai fole aq yalepó.

29 Atéró á fupatei, kale whi tamoné á kejróló duraalu, “Felekemó be diki yaai dapa, dá imó fiyaalopa siépe,” Depa atima fea fiyaai felepó.

³⁰ Atéró, ʔ atimaamotamo ʔla naairaalu, ʔla nokole ni fake tómó beterepó. Atéró bitu, ama *bred* o bula betʔ tao sóró Alima Kótópaae mo kée yóló terekeyóló nópóló sóró malepó.

³¹ Téró, atimaamoné kele seraaretei fisʔae furaalu, kale seké airapóló diriyóló kisipa yalepó. Téyaletamo atimaamoné kele ʔlinameróló ʔ aluyó deyalepó.

³² Tétepa, atimaamosisitei duraalu, “Dʔ tʔmó wouraalu, ašémó ere fo dʔmopaae yó matepa, wosóló hosaamó si kaae dukuraalu mo feléné sukʔlepó,” yalepó.

³³ Atétepa, mo ai fapotóró atimaamo Jerusalem be huluapaae momó fesaae felepó. Téyalemó, mepaae 11- *aposel* whʔraperó atimatamo betere so whʔrapetamo fea betʔpaae touró betepa kelalepó.

³⁴ Atéru, atimané kale whʔ tamopaae duraalu, “Ai mo dapó. Tale kepaayóló furaalu, Saimon beterepaae wapa ama mo kelalepó,” yalepó.

³⁵ Téró, kale whʔ tamo tʔ tʔmó wou bitu yale alaró *bred* o bula tekeyóló atimaamo matepa, ʔ kisipa yale alatamo atimapaae yalepó.

Yesu ʔ ama yó matere whʔrapepaae yó male walefo

³⁶ Atéró, ai fo du betepa Yesu atima betó mole tʔmó sókó wóló atimapaae duraalu, “Hosaa muni deyóló mo dua betere ala diʔ tʔmó mulópóló yae,” yalepó.

³⁷ Atei fo deremó, atima kisipané kepené dere nisi yóló kilita sókó furaalu, winé sinalepó.

³⁸ Atétepa, ama atimapaee duraalu, “Diä witu-raalu kisipa tamo muóló, hosaa noatepa weitu bitu de?

³⁹ Etóró mo hıtipa, yalo naaseró hótamo diaaq kelaē. Ti noatepae, kepeta miró diritamo bunipa, ę ai ala erémóló olaa yae,” yalepó.

⁴⁰ Ama ai fo yóló kemetepa, atimapaee ama naaseró hótamo yó melalepó.

⁴¹ Téyaletei, atétere ala kilituraalu, hekesetere alaró, siratere alatamo atima tuamó mualetei, ąta Yesupóló kisipa tirénipó. Atétepa atimapaee woseturaalu, “Diä imó bitu, naaitere ąlakó mule?” yalepó.

⁴²⁻⁴³ Tétepa, atimané simó biliyale ya kwia ą matepa tao sóró, atimané kaaē tapa nalepó.

⁴⁴ Atéró ama atimapaee duraalu, “Moses-né asęre fokélé, Kótóné ąló whırapené ere fokélé, Sam *buk*-mókélé, ęmótóró kisipa mutu ere fo fea dokonóturaalu mo eraalopóló ę diątamo betamó bitu ai yale ape,” yalepó.

⁴⁵ Kótóné asęmó ere fo fea kisipa yópóló, ama atima kisipa wisi mulalepó.

⁴⁶ Atéró ama atimapaee duraalu, “Kale asęmó ere fo i ape. Kótóné ama so whı fea teteróló kaaē tanópóló, sóró beteró betere whı Kerisota, doakale seķei alaró susupui alatamo sóró mo ti sinaalotei, tamo be de kemeyóló sore be demó ą momó kepaayaalopó.

⁴⁷ Jerusalem be huluamó kaaē sóró hae kwia feamó betó mole so whıpaaē yalo doimó i fo yó maté kweyaalopó. Diaaq dere dowi ala taaróló kisipa feteyóló wapa, ti diaaq dowi ala kwia yalo haē kemeraalopó.

⁴⁸ I alarape depa kelalepóló so wh̄ipaae yó melaaire wh̄irapeta, ti diátóró ai ape.

⁴⁹ Take yało Ayané dīa melaalopóló mulale ọla yało dīapaae dotonaa kisipa mutapó. Téyaalopa, dīa ai be huluamó bitiré fóló, mo óté taoró mole doasi fotokóné dīa kuti kaae bukur̄ale dorowópóló, kaae tawae,” yalepó.

Yesu i hae taaróló ó s̄apaae dapesó holale fo

⁵⁰ Téró atima wópóló, ̄api folosóró Betani be huluapaae felepó. Téró, ama naase horóló fonétei atima wisiralepó.

⁵¹ Atéró, atima wisiraterere fo du betepatei taaróló, Alimané ̄a hepen-paae dapesó holalepó.

⁵² Téró, atima bukutiri tēaró bitu, Doa Tale-ó, yóló ama doi sóró horaté h̄ekesetamo Jerusalem be huluapaae momó fesaae felepó.

⁵³ Atéró, atima momatere bemó bitu, Kótóné doi hale sóró horaterere ala suka fea deté fu betalepó.

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105